

12

DANIELIS GEORGI MORHOFI

De

PATAVINITATE LIVIANA

Liber.

Ubi de Urbanitate & Peregrinitate
Sermonis Latini universè agitur.

KILONI,

Literis ac Sumptibus Joachimi Reumanni, Acad. Typogr.
Anno clc lcc LXXXV.

REVISED BY THE
DANIEL G. M. M. M.

VITO E. G. M. M. M.

PATENT

NO. 1,111,111

1881

1881

1881

1881

ILLUSTRI AC GENEROSISSIMO
DOMINO,

VITO LUDOVICO
à Seckendorff /

Toparchæ in Oberzenna / Neuselwitz /
& Modelstein &c.

Potentissimi Electoris ac Ducis Saxoniae,
Postulati Administratoris Naumburgensis
Consiliario Intimo &c.

DOMINO ET PATRONO
summè observando,

D. D. D.

D. G. MORHOFIUS D.

Eloq. & Historiar. in Academia CHRISTIANÆ
ALBERTINÆ Kiloniensi Professor.

ILLUSTRIS AC GENEROSIS-
SIME DOMINE.

CUm pro more veteri Patronum huic
libello circumspicerem, illustre tu-
um totique Orbi literato venerabile
nomen occurrit, quod in hoc vestibulo ut
Herculis alicujus Musagetæ statuam &
honoris & auspicii gratiâ ponendum duxi.
Quas enim in Te dotes universa suspicit
Germania, cujus Tu summum ornamen-
tum es: quas omnis eruditorum populus
extollit: eas ut jamdudum animo præce-
pi; ita ut tenui hoc quidem, sed submissi
tamen affectus documento propius nunc
venerarer, nescio quâ religione sum com-
pul-

pulsus. Si generis in te splendorem laudamus, quanquam is summus est; in laude tamen tuâ id minimum est. Iis enim virtutibus, iis artibus generosam illam mentem percoluisti, ut divinarum humanarumque rerum, quæ in Te est, scientia Nobilitati plus ornamentis; quam illa literis attulisse videatur. Est vero Generis ac Eruditionis tanta in Te conspiratio, ut cum alii vel Nobilitatis officere luminibus literas, ac propterea contemnendas arbitrentur, vel levi earum colore tincti arroganter & ineptè de studiis ingeniisque judicent; Tu admirabili solertia id affectus sis, ut quâlibet in arte ac disciplinâ ultra magistros etiam ipsos sapias, & censoris etiam partes sustinere possis. Felices olim artes pronuntiabat Fabius, si de iis non nisi artifices judicarent: felicissimos esse cum artibus doctores existimo, qui Te

Tuique similes iudices experiuntur. Nam ut homine imperito nihil est injustius: ita nulla major eruditis accidere calamitas & molestia potest, quam ab inscitis Censoribus, qui tamen supercilio suo omnia metiuntur. Privatae illae in Te Virtutes & Artes sunt; etsi ultra privatorum & hominum tui ordinis sortem: Sed enitet Architectonica illa scientia, quae inter ætatis nostrae Heroas Togatos Te reponit. Quis nescit, quam salutaribus Tu Principum Germanorum aulas monitis instruxeris? quorum imperandi artes cum ad prudentiae tuae amussim exegisti, & in quandam, ut ita dicam, disciplinam compegisti, Te quasi magistrum quandam & antesignanum habent, quem respiciant, qui Principum rebus praesunt, siquidem in ejus & Reipublicae salutem omnes suas curas defigunt. Neque praeceptis
Tu

*Tu tantum disertus & canorus, ut multū
philosophā sententiā, ignavā operā sunt;
verum, quod verè prudentis & Architecto-
nici erat, ipse clarissimain oculis, in lu-
ce omnium artis tuæ exempla statuisti,
quæ grato animo agnoscunt Principes,
laudant Cives, exteri imitantur, posteri
admirantur. Quæ cum omnibus ex-
pertæ perspectæque virtutes sint, vix inve-
nit in Germaniā doctissimus ingeniorum
æstimator Böclerus, præter Boineburgi-
um & Forstnerum, (at quos Viros!)
quos tecum conferret & contenderet. Ni-
hil ego nunc dico de familiaritatibus Prin-
cipum, qui à Te velut Oraculo responsa
expectant: nihil de meritis dicam, qui-
bus Respublicas, Ecclesias, Academias,
Scholas Tibi ostrinxisti, quorum perpe-
tua in Civium tuorum animis memoria
hærebit. Quas ego causas habuerim;
cur.*

cur Tibi inscriberem libellum, qui inter
quotidiana rerum nostrarum tædia
in lucem protrusus est, facile quis augu-
rabitur. Quem enim tam illustre &
in hoc generis splendore sine exemplo eru-
ditum Nomen non pellexerit? Accedit
favor ille tuus eximius; quo me non
visum complecti non es dedignatus; & ho-
nesta illa de studiis meis opinio, de quâ
amicus noster & inter Academiæ Lipsi-
ensis decora merito nominandus Cl.
MENCKENIUS copiose ad me
perscripserat. Quo iudicio ut me non
mediocriter ornatum intelligo; ita his
quanquam tenuibus officiis voluntatem
gratumque animum remetior. Si libri
argumentum spectaveris, neque hoc tuo
Nomine indignum erit. De sermonis Ro-
mani, qui Consulum, qui Patriciorum,
qui Equitum erat, nitore, quam ur-
ba-

banitatem dixere, disquiritur: Livium Historicorum Romanorum principem, & ipsum Equitem, adversus Pollionem Patavinitatis insimulantem, defendo. Nihil hic quod vel dignitatem vel ingenium tuum dedeceat, qui in patriciâ causâ sedere iudex non gravaberis, & istâ animi solertiâ omnes huius argumenti recessus jamdudum ita exhausti, ut ad Te totum ejus rei arbitrium rejiciendum esse duxerim: à cujus splendore multum huic quoque libello lucis me feneraturum sperabam. De cætero, ut inter Tuos numerari clientes summum mihi honori duco; ita ut in favore illo, quo me non indignum judicasti, persistere velis, etiam atque etiam à Te contendo. Pro cujus salute & incolumitate ut perpetua mea vota sunt; ita, Deo volente, eventurum.

(X)(

au-

auguror, ut consiliis tuis Principes,
præsidio Republicæ, patrocínio docti
omnesque boni, Ornamento Germania
atque universus Orbis literatus quam di-
utissimè fruatur. Scribebam Kiloni.
Idib. Sept. Anno clō lōc LXXXIV.

AD



AD BENEVOLUM LECTOREM.

QUæ Tibi, B. L. hic exhibetur de PATAVINITATE LIVIANA dissertatio, & publicis lectionibus, quas Acroamaticas voco, mihi nata est. Nam cum per hos XXIV annos, quos in munere Professorio, tum in Academiâ Rostochiensî, tum in Holsaticâ Kiloniensi exegi, non pauca de argumentis rarioribus privata industria congesta mihi ac notata sint; ut tamen & illa in juventutis usum cederent, unam de hebdomadâ horam lectionibus his Acroamaticis seposui. Ex illis primum hoc de PATAVINITATE LIVIANÂ argumentum publicè propositum nunc in lucem editur. Variâ hîc eruditio, ut puto, non ingrata, disquiruntur. Præcipuè verò de Urbanitate

& Peregrinitate sermonis Latini universè, cum
argumenti ratio nos invitaret, paulò uberius agendum
duximus. Quod si, B. L. hanc qualemcunque
operam nostram non aspernatus fueris; etiam reliquæ,
quæ per hanc occasionem è scriniis & schedis nostris in-
chathedram produco, si vel valetudo, vel temporum
iniquitas consilia nostra non destituerit, prælo subji-
cientur. Id moneretamen te volui, cum in his char-
tis emendandis versarer, aliis sæpe rebus & studiis in-
tentus; & urgerent Operæ, non pluscula tantum
typorum sphalmata fuisse prætervisa, sed & aliquas
non optimæ latinitatis voces, quæ in scribendi calore
se suggererant, non fuisse expunctas. Pauculæ illæ
quidem sunt, *asserere* pro affirmare; *præprimis*
pro præcipuè; *elucescit* pro elucet; quæ semel
iterumque comparent. Sed quoniam de Urbanitate
sermonis latini scribenti hæc ut minus Romana vitio
verti poterant; eaque non ignaro, sed planè incauto,
nec advertenti exciderint, non dissimulanda hæc
παροράματα duxi. Bene Vale L. B. & rebus
nostris fave.

D. G. MOR-

D. G. MORHOFI

DE

PATAVINITATE
LIVIANA
LIBER.

CAP. I.

T. Livii laus, ejusq. amuli. Liviani libri deperditi. Sup-
plementa Freinsheimiana. Fragmenta & libri diversis
temporibus è Bibliothecis eruti. An in Arabum bibliothecis
e Latino in Arabicum conversi libri omnes supersint? Conje-
ctura è Leone Africano. Conringii judicium. In Biblio-
thecâ Constantinopolitanâ à Regis Gallia & Magni Ducis Flo-
rentia legatis frustra quasiti. Mercator Græcus Regi Chri-
stianissimo venales obtulit. Sed non sterit promissis. Eras-
mus Roterodamus occasione librorum à Simone Grynao in-
ventorum Principes ad reliquos conquirendos adhortatur.
Codex integer à Fregusio Scotorum Regulo in Hebridis insulis
delatus. Pauli Jovii testimonium. Codex integer è Bibli-
otheca Drunthemensis per Martinum Gröningum erutus &
Pontificis Bibliothecario Beroaldo oblatu peritis. Testimo-

2

nium è MScto Chronico Bremensi. Philippus Beroaldus quis fuerit? Verosimile est, eundem esse hunc Codicem Dorvvegicum cum Scotico. Decadum ineditarum aliquot fragmenta apud Gallos in Spheristerio ab amico quodam Capellani inventa. MSctorum Codicum varia fortuna. Laus Marquardi Gudii. I. Livii elogium è Maccio. Ejus Historia Liviana. Transitus ad Patavinatatem Livio objectam.

Magno semper in pretio habitum Livium rerum Romanarum Historicum gloriosissimum, nemo est, qui ignorat. Postquam ille Patriæ rebus manum admovit, & felicissimè ab urbe conditâ ad sua usque tempora, non interruptâ serie, annales pertextuit, adeò omnibus ille historiam Romanam numeris absolvit, ut scriptorum qui ante ipsum fuerant, memoriam unus propemodum deleverit, & quod armis sibi nomen Romani acquisiverant, ille literarum gloriâ immortalitati consecravit. Agnoverunt viri ejus merita, ac deprædicarunt, populares non tantum, sed & à Gadibus Romam venerunt, teste *Plin. lib. 2. epist. 3.* peregrini, qui illius videndi cupidine ducebantur. Non defuerunt tamen inter ipsos ejus Cives, quidam ingrati adeò, ut quem ob honorem genti suæ habitum omni officiorum cultu prosequi debuissent, conviciis tamen prosciderint, ejusque famæ apud suos & posteros, iniquis judiciis detrectarint. Quodcum occultè facerent nonnulli, inter quos Plinium referre possumus, qui in historię suæ naturalis præfatione animum in ipsum iniquum prodit, alii palàm virus suum evomuerunt. Inter hos morosus ille æqualium suorum Censor Asinius Pollio fuit, qui nescio quam

3

quam PATAVINITATEM illi objecit. De quâ cum inter eruditos disceptari soleat, nos quid de eâ sentiamus, hâc Dissertatione disquirere constituimus.

Nolo hic in Livii vitâ, iisq; quæ ad illam pertinent, recensendis, ejusque elogiis, quæ plenâ manu alii congesterunt, inanem insumere operam. Vossius, Bonifacius, Sigonius Livianorumque operum editores sollicitè illa omnia conquissiverunt. De libris tamen ejus, quos multos & vastos scripsit, adeò ut Martialis totam iis bibliothecam suam occupari scribat, id monendum est; quinque & nonaginta eorum temporum injuriâ deperditos, quorum non nisi epitômen à Floro confectam & supplementum à J. Freinshemio egregiè adornatum habemus, quod nunc integrum prodit, adjectis illis qui hætenus deerant libris, ex hereditate Freinshemianâ redemptis, illâ editione Livianâ, quam in usum Delphini procuravit Johannes Doviatius Antecessorum Parisiensium & Regiorum Professorum primicerius. Quam Livianorum operum jacturam ut acerbè deplorant Viri docti, ita se spe illâ solantur, fore ut è tenebris producti libri in Barbarorum bibliothecis superstites lucem aliquando videant.

Sed adhuc spes omnis evanuit. Paucula tantum fragmenta è MStis quibusdam codicibus eruta, ut in editione Magontiacensi de anno clb 1b VIII particula cap. XVII. Lib. XXX, & quod deerat libro XL usque ad finem. Prodiit & Anno clb 1bc XVI Romæ à Gasparo Lusignano editum principium libri XXXIII Livianæ historiæ, depromptum ex codice vetusto Bibliothecæ venerabilis Capituli

Ecclesia Bambergensis, indeque Romam à Francisco Bartholino Urbinatè JC. delatum, quod ut genuinum Antonius Querengius aliique probavere. Verum iudice Vossio lib. i. c. 19. de hist. latin. *fucum fecit auribus Midæ, non illis, quibus corculis esse datum est, & qui norunt, quid ar lupinis dissent, qui primus hoc fragmentum publici juris fecit.* Sed acerrimus & diligentissimus Livii emaculator Gronovius in luculentâ illâ præfatione commentariorum suorum, & Livio hoc fragmentum, & viris doctis fidem vindicat.

De Arabum Bibliothecis ut sibi magnifica multa nonnulli promittunt, ita expleri inde lacunas Livianas posse existimant. Sunt enim quicum Græcis latinos quoque libros illic latitare, vel è latinis in Arabicam linguam, conversos existimant. De latinis & è latino conversis illic superstibus tum Erpenio tum aliis traditum est, de quo tamen dubitandum videtur, cum Joannes Leo Africanus monumenta omnia abolita esse testetur ob superstitionem Calipharum. E Græcis illi pleraque transstulerunt, quæ conversa habent. Sed tamen & idem Leo non adeò ignotas historias Africæ latinas Arabicis ejusdem terræ scriptoribus fuisse restatur. Ita enim libr. i. Descr. Afr. c. 25. *Nullam habent Arabes de rebus Africanis historiam, quæ non prius fuerit latine descripta. Autores habent antiquos quosdam, qui partim Arrianorum temporibus scripserunt, partim etiam qui ante ea tempora fuerunt, quorum omnium nomina memoria exciderunt. Illorum autem volumina permultos continere libros credibile est: cum enim horum interpretes nobis quid persuadere vel-*
lent,

5

lent, id septuagesimo haberi libro ex illis me audisse memini. Neque in vertendis jam dictis voluminibus auctoris ordinem per omnia sunt secuti, sed sumptâ ejusdam Principis historia, tempora illa cum Persarum Regum, aut Assyriorum, aut Chaldaeorû, aut Israelitarum temporibus connexa maluerunt. Hoc ex loco suspicioni occasionē dari posse existimat Conringius *Antiq. Acad. supplem.* 19. ipsam Livii historiam in manibus eorum fuisse, qui septuagesimum historiae Latinae librum laudarunt, quia unus Livius multos adeo historiae libros condidit. Verum illa procul dubio ab interprete interpolata fuisse: cum Leo testetur illos in vertendis his libris non fuisse Auctoris ordinem secutos. Frustra itaque hinc omnes esse colligit Conringius, qui historiam Livii integram è Latino in Arabicam conversam existimant.

Novâ postea spe implevit eruditos Petrus de Valle Nobilis Romanus, qui in itinerarii *part. 1. c. 9.* Livium integrum in Bibliothecâ Ottomannicâ Constantinopoli extare testatur. Tres enim Constantinopoli Bibliothecæ sunt. Prima est antiqua illa Constantini M. in quâ multi MSti Codices. Altera in usum Nobilium & Servorum. Tertia non procul à cubiculo Imperatoris Turcarum, in quâ illum latitare ait. Narrat verò ille se & Legatum Regis Galliarum cum Bibliothecario egisse, ut pretio decem millium coronatorum eum venderent: sed irritum fuisse ejus consilii eventum, quia per menses aliquot quæsitus inveniri forte ab imperito Bibliothecario non potuerit. Idem quoque memorat, de Magno Florentiæ Duce, quinque Piastroruni millibus illum sibi

comparaturum. Dubium itaque utrum illic etiamnum latitent integra Livii opera, an verò horribili incendio, quod mense Novembri Anni clo lbc LXV. etiam bibliothecam corripuisse dicitur, consumpta fuerint.

Cum jam spes Livianorum operum omnis decolasset, reviviscere eruditorum vota ante annum, & quod excurrit, coeperunt. Nam venit in Galliam mercator Græcus ex Insulâ Chio oriundus, cui nomen JUSTINIANI, & obtulit Regi Christianissimo opera integra Liviana, quæ mirabili casu ad manus suas pervenerant. Nam in incendio Constantinopolitanæ arcis, (fuit forte illud cujus modo mentionem fecimus) inter multam suppellectilem aliosque libros è fenestris projectos Turca aliquis hæc Livii opera abstulerat, qui secreto, cum pecuniâ indigeret, mercatori cuidam vendiderat, in cujus gratiam ille quem dixi *Justiniani* Regi Galliarum libros hos manuscriptoros venales obtulit. Constitutum fuit quinquaginta millium scutatorum pretium, hæc conditione, ut pro singulis binis decadibus oblatis ipsi statim decem scutatorum millia solverentur. Sed nihil hæcenus factum est, neque mercator cum Livio suo comparuit, ut de veritate repertorum librorum in Galliâ jam dubitare incipiant viri docti. Illa ex ore Dn. Doviatlici ad me perscripsit Amicus. Quod si in potestatem Regis Christianissimi venissent illi libri, jam de Livii restitutione poteramus esse securi. Neque enim in bibliothecam suam, velut alterum sepulchrum detruderet, aut pateretur Rex gloriosissimus, ut immortalis hoc beneficio suo careret orbis eruditus, vel sic Romanas res restitutus.

Paret ex iis quæ adduximus, super fuisse tamen illos libros in Bibliothecis nonnullis, quos ut deperditos deploramus, nisi quod fortuna adhuc eruditorum vota destituit. Erasmus Roterodamus, qui præfatione in Livium, (quæ est inter epistolas ejus XV lib. XXVIII) de quinque illis libris Livianis à Simone Grynæo è bibliotheca monasterii Laurisseni tum primum productis orbi literato gratulatur, hæc se spe solatur, fore ut aliquando reliqui illi libri in lucem protrahantur. Quæ ille pſenus & Principes & literatos compellat, ut nulli operæ nullis sumptibus parcant in hoc thesauro inveniēdo. Quæ ejus parænesis hic legi meretur, si vel nunc excitari possint Reges, ut liberalitate suâ hunc orbi thesaurum restituant. *Utinam faxit Deus Optimus Maximus, ut hic Auctor totus & integer nobis restitatur.* Ejus rei spem nonnullam præbent ramos, per ora quorundam volitantes, dum hic apud Danos, ille apud Polonos, alius apud Germanos haberi Liviana quædam nondum edita jactitat. Certe postquam hæc reliquias præter omnium spem objecit fortuna, cur desperemus & plura posse contingere? Atque hic meâ quidem sensentia principes viri rem se dignam facerent, si præmiis propositis eruditos ad pervestigandum tantum thesaurum sollicitarent, aut etiam ad editionem perpellerent: si qui forte sunt, qui rem publicæ utilitatî paratam gravi studiorum jacturâ premunt abduntque. Vehementer enim absurdum videtur, homines ut parum auri argentique inveniant tantis impendiis tantisque periculis ad ipsos pene inferos terra viscera perferre: & hujusmodi thesauros tantò illis pretiosiores, quanto corpore præstantior est animus, prorsus negligere, nec ullâ inve-

8

*investigatione dignos indicare. Midarum hic animus est,
non Principum.*

Hæc de Livii integro opere Erasmus. Qui cum de illo apud Danos superstite famam circumferri ait, illum ego Codicem designari dixerim, quem secum Fregusius Scotorum Regulus in Hionam Hebridum & Orcadum unam deduxit: Ita enim de illo Paulus Jovius Descript. Hebrid. p. 77. *Fama quoque est prisca ingeniorum monumenta Romanasque historias, quæ quisque vel idiosæ cupidissime desideret in illis scrinijs recendi, quas Fregusius Scotorum Regulus, non incuriosus, ut videri potest, amator historiae Alarico Gothorum Regi comes direptâ urbe Romanâ secum abstulerit, in Hionamque demum sumulus Danico diligentius & tutius asservandos religiose transtulerit: ita ut non omnino vanum & irritum videri possit reliquas T. Livii decades expectare, quarum è tenebris eruantur certa exempla ad Franciscum Gallia Regem Scotorum literis prolixè atque munificè præmissa nuper audivimus.*

Hæc Jovius, quæ an omnia sic se habeant, incertum. Ad Franciscum Regem quædam Livianorum operum à Scotis transmissa, planè non constat, ac si id fuerit, non præterisset hoc silentio diligentissimus talium rerum annotator Thuanus, nec omisisset libros illos Doviatius, qui ante aliquot annos in usum Delphini Livium tomis V. edidit, & Freinsheimianos superstites ab heredibus Freinsheimii redemptos novæ suæ editioni adjecit, vel saltem aliquam eorum mentionem fecisset. Verum fuisse illic Codicem integrum, ex eo non obscuris indi-

indiciis conjeceris. Possum enim insigni documento ostendere è Septentrionis thesauris hanc rei literariæ insignem jacturam, quod vix credideris, resciri potuisse, ut olim è Corbejensi monasterio Taciti libri deperditi, si mens non læva fuisset, aut nescio quæ fortunæ iniquitas eas nobis delicias eripuisset.

Communicavit mecum Vir ut reverendâ dignitate, ita variâ doctrina conspicuus Dn. DIECMANNUS, Ecclesiarum per Ducatum Bremensem & Verdensen Antistes, quod ille è Johannis Heringii Jcti schediasmate quodam excerpfit, dignum utique quod hic legatur, & Orbi erudito innotescat. Ita vero ille: *Johannes Heringius JC, Syndicus Capituli Bremensis in MSCto Catalogo librorum in dicti Capituli Bibliothecâ à se repertorum, quem Anno cto 13c XXX consignavit, sub finem testimoniorû memorabilium de Bibliothecis, laudato Catalogo præmissorum, ex MSCto Chronico Bremensi in vitâ Archiepiscopi Christophori ista refert: Anno cto 13c XXI. starff D. Martinus Grönnung / van Bremen / und Cantor im Dome tho Bremen / een sehr gelehrte Man / de hadde tho Rome im Collegio Sapientia publicè gelesen / he hedde ock de Decaden und Boeker Titi Livii, de man nicht hefft / sondern verlahren sind / de waren geschreven und hedden betherto in Norwegen in Druntheim in de Liberen gewesen / de freech he tho sinen handen / und schreeff solches an sinen goden Freund Philippum Beroaldum, des Pauses übersten Bibliothecarium, de schreeff öhme wedder / he scholde darnede tho Rom kainen / he wolde darunder de verschung doen / dat öhme thor stunde / ohne sine*

B

terung

gerung und weg 1000 Ducaten scholben erlegt / und
 verehret werden. Ueberst Martinus starff middeler
 tndt/do wurden de gefundenen Böcker Livii, von Kinderit
 und andern / de darvan keinen Verstand hadden / tho
 reten und verdorben / welckes tho beklagen is / dat al
 so düsse edle B Becker wedderum verlahren und nicht
 an den Dag gekamen. Placuit ipsa hæc verba sermo-
 ne vulgari Germanico, quo notata sunt, apponere, qui-
 bus latinè conversa subjungam, si forte in hujus sermo-
 nis imperitos dissertatio nostra inciderit, ut & illi hanc
 fundi literarii calamitatem nobiscum deplorent. Anno
 cId Is XXI. diem suum obiit D. Martinus Grönnig Bremen-
 sis, Cantor illius Capituli, Vir doctissimus, qui Roma in Colle-
 gio Sapiencia publicè prælegerat. Is decades & libros Titi
 Livii deperditos MSCtos habebat, quos è Bibliothecâ Drunt-
 hemensi è Norwagiâ, ubi hætenus latuerant, acceperat.
 Quâ de re cum certiorum faceres Philippum Beroaldum
 Pontificis Bibliothecarium primarium; ille rescripsit, ut libros
 illos secum Romam deportaret: se curaturum, ut ipsi è ve-
 stigio, præter sumptus itineris, mille aurei solverentur. Ve-
 rum cum satis interea concederet Martinus, Libri illi Li-
 viani à pueris aliisque harum rerum ignavis discripti perie-
 runt. Dolendum sanè præclaros istos libros iterum deperdi-
 ditos in lucem edi non potuisse.

De hoc testimonio, quod ex Chronico illo MSCto
 produximus, quod & alius quidam Amicus in illo se legis-
 se confirmavit planè dubitandum non est. Nam de Phi-
 lippo Beroaldo ne quis alicui scrupulus supersit, mone-
 mus, hunc Beroaldum Philippi esse filium, non Patrem,
 qui

qui Bononiæ humaniorēs literas professus est, Vir quidem doctus, sed non magni iudicii, cujus scripta blattarum ac tinearum epulas & cacationes, in quibus nihil præter lutosam loquacitatem reperiatur, vocat Floridus Sabinus *Lectio. Subseciv. lib. 2. c. 9.* quem tamen indignius ab illo habitum censuit Voss. de Hist. Latin. lib. 3. c. 11. nam vel ideo candidiore elogio ornandus videbatur, quod Livianarum laudum magnus præco fuerit, oratione de ipso habitâ, quæ inter opuscula ejus varia Basilæ An. 1513. prodierunt. Obiit verò alter ille Anno clb. lb. IV. Sed noster ille, cui Gröningius repertos Livii libros indicaverat, filius ejus fuit. Erasmus in Epistola 5. lib. 23. p. 1029. lit. C. edit. Londin. alterum illum Beroaldum, cognatum ejus vocat, iudicio seniore illo superiorem. Hunc inter insignes sui temporis Poëtas Lyricos numerat Patrique suo anteponit Lil. Gyraldus in libr. de Poëtis nostri temporis. Dial. 1. p. 391. n. 10. Is primum in cathedrâ Bononiensi Patri successerat, & postea Romæ docuit. Inde verò à Leone X Vaticanæ Bibliothecæ præfectus fuit, teste Paulo Jovio lib. 111. de vitâ Leonis c. 10. & I. Pierio Valeriano in lib. 1. de Literat. infelicit. qui etiam hunc in infelicium literatorum numero reponit. Cæterum hunc ipsum à Fregusio delatum Codicem fuisse minimè dubitaverim: nam cum perpetuæ Norrvagiæ Regum cum Scotiæ Regibus de Orcadum & Hebridum insularum dominio lites fuerint, usque dum Christianus I. Rex Daniæ & Norrvagiæ Jacobo III. Scotiæ Regi eas cum filiâ in dotem dedit, non est omnino incredibile inter has turbas bellicas Norrvagiam illud exemplar fuisse delatum.

Quis jam crediderit ex ultimâ Thule (si illa Nor-
 vvagia est) per tot secula sepultrum resuscitari potuisse Li-
 vium ? quis è septentrionum tenebris hanc Romanæ glo-
 riæ lucem expectasset ? Sed quem non remordeat tanti
 thesauri tam turpis jactura ? An sera aliquando dies in lu-
 cem productura sit, *ἥν ἐν γέναν κείνῃ*. Si su-
 spicionibus locus est, latitare perditos illos libros tamen
 alicubi dixerim, modò tam sagaci alicuiesse liceat, qui in-
 daget. Certè Colomesius in suâ collectione (*Recueil de
 particularités*) quæ inter opuscula ejus Ultrajecti edita re-
 peritur, testatur fragmenta quædam Decadum Liviana-
 rum deperditarum in Sphæristerio, instrumento quo pi-
 la propelli excipique solet, illita à quoquam deprehensa.
 Juvat ipsa ejus audire verba : *J' ay oûi dire à M. Chape-
 lain, qu' un de ses amis, homme de lettres, avoit joué à la
 longûe paume avec un Battoir, sur lequel se voyoient des
 Fragmens de quelques Decades de Tite Live, que nous n'
 avons point : Et que ces Fragmens venoient d' un Apotecaire,
 qui ayant eu en don des Religieuses de Fontevraut, plusieurs
 volumes en parchemin du mesme Auteur, les avoit vendus
 par ignorance à un faiseur de Battoirs.*

Vidimus, quod malorum scriptorum aliàs fatum esse
 solet, ad piperis cucullos & ad sphæristeria, etiam post fa-
 ta sua torque secula, fortunæ pilam, bonum damnatum,
 fuisse Livium. Magna fuit semper hodieque est præstan-
 tissimorum librorum & bibliothecarum ab hâc hominum
 incitiâ strages nunquam satis deploranda. Notat eodem
 in loco Colomesius Quintilianum à Poggio in Concilio
 Constantiensi è popinâ extractum, item de Sirmondo, qui
 è Bib-

13

ē Bibliopegī officinā multos MStos Codices acceperat. Sæpius hoc à se factitatum fuisse sagacissimus & felicissimus MScorum Codicum indagator, Vir summus MAR-
QUARDUS GUDIUS mihi narravit, apud quem incomparabilis illorum thesaurus latet, quibus nuper per liberalitatem Reverendissimi & Celsissimi simulque literatissimi Principis FERDINANDI, Episcopi Monasteriensis, maximi dum viveret, literarum Patroni accessio facta fuit, cum illustri Legationis apud illum munere fungeretur, nec digniorem tantus possessor heredem inveniret.

Sed nos cum nihil, præter tristitia illa tam cari nobis erepti pignoris monumenta restent, ad superstites Livii libros redeamus, & partem ex illis Autori nostro gloriam tueamur, quem omnium seculorum elogia à calumniis iniquorum hominum facile defendant. Illorum segetem amplissimam dare poteramus. Sed quæ apud veteres habentur omnibus cognita sunt. Inter recentiores unus instar omnium erit Sebastianus Maecius Italus, Vir omnium literarum, Theologus, Philosophus, JCrus Poëta, Orator suo tempore celeberrimus: nam scriptis in omni scientiarum genere excelluit, totque in lucem opera edidit, ut teste Erythræo, Pinacothec. I. imag. 152. ex assiduâ calami tractatione dextra manus pollicis atque indici sulcos altè impressos habuerit. Ille in honorem Livii de ejus Historiâ amplum volumen Erythræo teste conscripsit. Nam liber ipse ad manus meas non pervenit. Quantum tamen è libro ejus de Historiâ scribendâ constat, adeò in laudes ejus se diffundit, ut in ipso uno omnium Latinorum scriptorum dotes agnoscat. *Titus*

Livius, inquit ille, lib. 2. c. 8. *aureum ac pene dixerim ca-
 leſſe & divinum profudit eloquentiæ flumen. Vastusſimus
 hic ille eſt profundusſimus latina locutionis Oceanus, mare
 doctrinarum ac disciplinarum omnium maximum, immen-
 ſiſſimum ac inexhausum eruditionis omnis & ſcientiæ pela-
 gus. Summa in eo erant olim omnia, ſumma quoque in co-
 dem illo ſunt his diebus. Nam ſplendorem Caſarij, Hortenſij
 Candorem, gravitatem Bruti, elegantiæ Laſij, vim Galbae,
 integritatem Claudij, Domitij & Piſonis puritatem, majeſta-
 tem Virgilij, copiam, amplitudinem, ſpiritus & gratiam
 Ciceronis perfectiſſimam, ſingularique modo & ratione cate-
 rarum omnium præſantiſſimâ ſuis præclarisſimis Hiſtoriis
 ad vivum expreſſit. Hic enim Princeps Orationis, Pater
 Hiſtoriae, ſplendor veritatis, gloria literatorum doctorum-
 que hominum, tenebris lumen, locutioni virtutem, ſermo-
 ni puritatem, verbis granditatem, rebus ſublimitatem,
 principibus conſtantiam, Reip. Romanae animam, Italiae
 ſpiritus, patria nomen, mortalium ingeniis honorem per-
 petuum, & famam nullis unquam terminis nullisque fini-
 bus circumſcriptam attulit. Hæc Maccio de Livio magnificè
 planè ſed paulum ſublatus & declamatorio ſpiritu dicta,
 quibus tamen ita aſſentior, ut Hiſtoriæ leges cumulatiſ-
 ſimè impleviſſe Livium non dubitem: in cæteris verò, quæ
 ille cupidius & aliquâ immoderatione verborum efferit,
 modèſtius mihi ſentendum eſſe exiſtimem. Satis verò
 illi ad gloriam immortalẽ erit Hiſtoriæ tenuiſſe princi-
 patum, cujus quantum infringat ipſi objecta PATAVI-
 TAS, nunc amplius diſpiciemus.*

CAP. II.

DE Patavinitate varia sunt doctorum opiniones. Benius per Patavinitatem intelligit studium partium. Benius & veterum & recentiorum autorum sugillator. Livium aggressus est Patavii Patavinum. Quercela Laur. Pignorii super illo facinore. Per Patavinitatem Pompejanitatem intelligit Benius. De istâ sententiâ disquisitio instituitur. Asinius Pollio aliquando tamen Pompejanis & Reip. partibus se addictum ostendit. Livius, ut omnes Patavini, Pompeii partibus favebat. Quâ causâ? Benii vassities in Taciti loco de Livio explicando. Refutatur hæc Benii de Patavinitate opinio. Quâ de dictione intelligenda. Ineptæ Benii argutia notantur. Budæus per Patavinitatem intelligit odium Gallicæ nationis. Henr. Glareanus & Brodæus hostilem Livii in Gallos animum exagitant. Aliqui per Patavinitatem Livii mercedoparias, quâ ille Patavinorum res gestas aliorum rebus prætulit, intelligunt. Huius mercedoparias exempla in Romanis aliisque scriptoribus.

DE Patavinitate Livio per Pollionem objecta, licet Quintilianus quid ipse intellexerit, satis definiverit; non levis tamen est virorum doctorum disputatio, ut Bonifacius in libro de Romanæ Historiæ scriptoribus, etiamnum inexplicatam pendere quæstionem existimet. Nos eorum sententias ita exponemus, ut quæ removenda nobis videntur primò excutiamus.

Sunt qui Patavinitatis convivio studium partium abscondi crediderunt. Primus quantum scio hujus opinionis architectus Paulus Benius Eugubinus fuit, Vir quidem doctissimus, sed maledicentiâ notissimus. Laborabat enim hoc morbo, ut non recentiorum tantum, sed & antiquorum scriptorum famam flagellaret, vel his illorum virtutes præferret. Vivis eum coloribus depinxit Crass. in Elogiis hominum literatorum part. 2. p. 80. Ita enim ille: *Rendesi sin ora dubbiosa la fama qual fosse maggiore verso Paolo Beni l' odio è la benevolenza de' Letterati del suo secolo, dominando ugualmente nella di lui persona la letteratura e la maldicenza.* Paucissimos sane fuisse ait, qui non mordacissimam ejus censuram senserint; adeò, ut nonnulli lucem & typos formidarent, ne in ejus criticos ungues incurrerent. Illud sanè minimè ferendum videbatur, & posteris acerbius vindicandum, hominem bonas literas in Patavinâ cathedrâ profitentem illam Patavini nominis gloriam, quam illustri monumento immortalitati consecratam voluerunt cives Patavini, qualem in gente sua, patriæ affectu interdum nimio, posterì non efferre solum, sed & amplificare ultra fidem solent, adeò indignis lacerasse convivii, ut vix boni scriptoris titulum ipsi in libro secundo de Historiâ salvum reliquerit, cæteris vero Romanorum Historicis postposuerit. Non sine causâ tam turpi facto indignatur Laurentius Pignorius, *Symbolis Epistolicis Epist. 44.* quâ Livium adversus Benii ineptias defendit. *Paulus Benius homo Italus &c. (quod nemo non miretur) in Gymnasio nostro Eloquentia interpres, qui Patavii Patavinum aggressus est convivii proscindere, silentibus omnino Civibus nostris,*

omnino Civibus nostris & strenuè condonantibus actionem iniuriarum, quam illi intendere debuerant.

Sed de iis in sequentibus agemus fusius, nunc tantum de illo partium studio, quod ipsi impingit, dicemus, quo ille sollicitè cavet, ne nimis honorasse videatur. Eo enim sensu intellectam Patavinatatem inter laudes ejus numerari penè ægrè fert mordacissimus Censor, cum vel idiotismorum Patavinorum sub Patavinitatis titulo illi obsectorum culpam leviorē esse existimet, quam ut reprehendi tantum in opere illo mereatur, cujus multo plura ac majora obelo sint transigenda. Adeò iniquo in illum animo est, ut vel laudis ipsi umbram invideat, qui memor potius esse debebat illius, quod Quintilianus scitè prudenterque dictum reliquit, lib. 10. c. 1. *Modestè & circumspècto judicio de magnis autoribus pronuntiandum est: ne quod plerumque accidit damnet, quod non intelligunt.* Ac si necesse est in alteram errare partem, omnia eorum legentibus placere quam displicere maluerim.

Videamus tamen si quid est vel laudis vel reprehensionis in hoc partium studio. Ajunt enim sub Patavinitatis convicio reprehendi Livium, quod Pompejanus fuerit, atque ita Patavinitatis nomine Pompeianitatem intelligunt. Neque res à veri colore omninò abest. Asinius Pollio teste Paterculo lib. 11. c. 63. Antonii partibus favebat, ac Patavinis, quod Pompeii partes sequerentur infensus erat. Quare ut Macrobius refert, acerbè cum iis egit, ut pecuniam & arma conferrent, quin, cum ii

id recusarent, & propterea delitescerent, præmia & libertatem Patavinis servis obtulit, dum tamen dominos qui delitescerent, propellerent. Sed tamen & Tacitus *lib. 17, c. 34.* testatur, quod Asinii Pollionis scripta egregiam Pompeianorum memoriam tradant. Unde verosimile non videtur eam ob causam Livio succensere potuisse, ut qui ipse Pompeianos laudaverit. Præterea & epistolæ illæ quas ad Ciceronem libro 10 familiarium scripsit animum ejus libertati Reipublicæ addictum arguunt: excusare enim se & suspicionem hanc quod Antonii partibus faveat à se amolitur. Certè invitum se in suas partes pertrahi ostendit. Quo minus itaque credibile est, adeò insensum, partibus Pompeianis fuisse, ut nec in Livio earum laudes ferret. Disertè enim ait: *Si id agitur, ut rursus in potestate omnia unius sint, quicunque is est, ei me profiteor inimicum.* De Patavinis testis est Cicero, illos exclusisse & ejecisse missos ab Antonio, pecuniâ milites & armis Duces Pompeianos adjuvisse. Thraseam Patavinum Civem unâ cum Helvidio genero natalem tum utriusque Bruti tum Cassii, quod Reipublicæ fautores erant, celebrare consuevisse, autor est Juvenalis. Accedunt alia, quæ suspicionem illam firmant, quod Augustus cum Livii historiam legeret, & in illum forte fortunâ locum incideret, qui tamen in superstitiis desideratur, quo in Pompeii laudes diffundebatur, Pompeianum illum esse exclamaverit. Memoriam hoc prodidit Tacitus *Anal. 17, c. 34.* qui ita de Livio: *T. Livius eloquentia & fidei præclarus inprimis Cn. Pompeium tantis laudibus extulit, ut Pompeianum eum Augustus appellârit. Quem insignem locum prætermittere non potuit Benius, quin de laude Livii aliquid*
de-

detereret. Nam quam Tacitus in Livio fidem prædicavit, non ipsi propriam & velut in historico spectandam, sed potius cum Civibus Patavinis communem ipsi esse voluit, quod scilicet partibus Pompejii faveret. Quasi scilicet, qui Eloquentiam in illo laudat, alteram sc. Historici virtutem veritatem & fidem simul exprimere noluerit. Eloquentiæ etiam gloriam, ut aliàs facit, illi hic etiam, ut puto, detractus fuisset, si per evidentiam verborum id liquisset. Hujus erga Pompeium affectionis & fidei originem ut porro investiget altius, operosè laborat Benius. Existimat enim Patavium à Cn. Pompeio Strabone Magni Pompeji Patre, Romanâ Civitate donatum fuisse, cujus beneficii ut recentis memores Patavini in Pompeium & Rempublicam fidem suam, in cujus partem etiam hic apud Tacitum Livium venire existimat, testatam fecerint; quam Pollio parti adversæ addictus, cæterique Cæsariani cum Imperio potirentur, quasi per contemptum & ludibrium Patavinatatem dixerint, in probrum vertentes, quod laudi illorum accenseri debebat, libertatem & Rempublicam præ servitute & tyrannide expetentium. Cui etiam hoc addit Pollionem ut historicum (figulum sc. figulo invidentem) & præterea Pompeianum, hoc illi convicium impingere potuisse. Huic quoque sententiæ calculum suum adjacere videtur Thomasinus *in Vita Livii c. 5.*

Verum illa omnia ut speciosè satis dicuntur, ita parum ad rem nostram faciunt. Esto Livium Pompeianis partibus addictum fuisse; Esto Patavinos omnes favisse Reipublicæ & libertati Romanæ: Esto pro Pompeiano habitum Augusto Livium. Nihil illis conficitur Benii ar-

gutatiunculis, aut alius Patavinitati objectæ sensus affin-
 gitur, cum diserte testetur Quintilianus, de dictione hoc
 capiendum esse convicium. Adversus quem qui hic di-
 sputat, iudicem scilicet & censorem illarum rerum anti-
 quum, peritum, & fide dignum, nã ille operam ludit & a-
 ranearum telas texit. Nam putidum & hoc est, quod pro
 suâ sententiâ adversus Quintiliani sensum adfert Benius:
*Si ad orationem, id quod ceteri omnes affirmant, pertinet
 ista Patavinitas, vel pronuntiatione vocisque accentu ac sono
 dignoscebatur à Pollione, vel ex verbis, atque adeo ex dicti-
 one & stylo. Primum nisi temerè affirmari non potest, quan-
 doquidem Pollio non Livium pronuntiantem audiebat, nec, si
 audivisset, rectè Patavinitatem redolere dixisset, sed potius
 Patavinitatem resonare aut sonare quid Patavinum. Non
 alterum: nam licet reverà Livianam historiam perinde atque
 Augustus legendo cognosceret Pollio, vix ac ne vix quidem for-
 tasse intelligi potest, quas Patavinas voces, qualemve Pata-
 vinam dictionem seu dicendi rationem agnoscere posset in Li-
 vio. Si enim hac agnoscere omninò licuit, age dum obsecro pro-
 ferant illas, qui ad rationem & stylum pertinere dictitant,
 ac rem aliqui obscuram & optatam dilucidare ne graventur.*
 Mirum quam inutilibus & nil profuturis subtilitatibus se
 hic fatiget Benius. Cui in mentem hic venisset inter pro-
 nuntiationem & inter dictionem distinguere, cum omnè
 dubitationem abscindat Quintilianus: nam de dictione id
 accipiendum geminus apud illum locus lib.1. & lib.8. ipseque
 verborum sensus declarat; licet Rapius, ut sequenti capite
 videbimus, Benio *ὁμοψυχῶς* esse videatur. Quomodo in
 pronuntiationem *redolendi* vox non conveniat, sed potius
vox resonare, nō video: cum in pronuntiatio etiam sermone,
 non

non tantum ad accentum, sed etiam ad dictionem respicere possimus: neque quisquam id verbum de Livii historia usurpaverit. Nam Quintilianus *lib. 7.* dicit, quod Pollio deprehenderit in Livio Patavinitatem & *lib. 8.* quod ipsi Asinius Patavinitatem inesse putaverit. Non satis itaque mirari possum, quomodo emunctæ naris homo in istud redolendi verbum inciderit: quod tamen illo sensu sæpe apud Ciceronem usurpatur, cui oratio antiquitatem, Athenas redolere dicitur. Imo ipse Quintilianus in eodem illo loco *libro 8.* Pollionis iudicio totique capiti hoc suum velut suffragium subnectit. *Quare si fieri potest & verba omnia & vox huius alumnus urbis oleant, ut oratio Romana planè videatur, non Civitate donata.* Ubi per vocem nihil aliud quam pronunciationem intelligit, quæ tamen, per Benii Criticam, non rectè olere sed sonare dicitur. Quod de verbis, ait, vel dictione tota, illam in Livio à Romana discrepantem non posse ostendi, in eo parum circumspecte iudicat. Nam licet nobis res illa difficillima sit, Pollioni tamen forte non fuit, qui Romano sermoni aures adfueras habuit. Neque inde conficitur, non esse quicquam in illo, quod Pollionis palato minus arrideret, cum nos discernere illud nequeamus.

A Benio ad Budæum venimus, qui partium in Livio studium per illam Patavinitatem explicat, sed fortassis non seriò rem agit. Nam quod de Gallis acerbè & non satis integrè fide iudicat, illud Patavinitatis nomine in ipso reprehendendum iudicat Budæus in libro de Philologiâ fol. 22. *Oportet, inquit, hominem Patavinum malè aliquando atque durè à transalpinis Gallis & agro Patavino finitimis*

acceptum esse & pugnis forte converberatum, qui acerbè magis & stomachosè, quam historicè & composè Gallorum mores vastos corporaque fingeres, eamque ob rem forsasse Patavinitas in eo reprehendi potuit ut absurda & indecora. Verum nimio hic erga populares suos studio ducitur Budæus, in quibus cum Livius ferociam aliaque nonnulla reprehendit, (ut superarunt illo tempore Romani Gallos literis morumque elegantia) non est illi eam ob causam dica scribenda, cum nec virtutes in illis, quod candidi sanè hominis est, dissimulet. Seneca certè Suas. 6. eum vocat candidum magnorum ingeniorum æstimatorem. Henricus quoque Glareanus Livium exagitat, quod bellicosæ Gallorum gentis res odiosè tractarit. Eandem querelam recoxit etiam Brodæus commentario in Epigramma quoddam Græcum, quo de Galatis Asiam depopulantibus agitur *Anth. lib. 3. p. 357.* cæteras quoque in Livium calumnias his immiscens. *Livium citare*, inquit, *quid attinet, sempiternum Gallorum adversarium, sicut rectè colligit Glareanus, cuius fides merito infamatur atque ut invidia plena ab Antonino Pio, ut gloria à Plinio, ut mendacii ab Augusto, Livio mastige scilicet Pompeianum illum appellante, ut perperam, cum Halicarnasseo, Diodoro, Polybio, à multis ut secum pugnant à Laurentio Valla, ut fabulosa, velut de Caco & Evandro liquet, notatur lactea illa ubertas: Patavinitatem sanè non dicam aut verborum negligentiamque post Caligulam, que tamen in Patria defensionem à medicis sint.* Hæc ille, quibus lingulis conviciis nunc respondendi locus non est, nam de Patavinitate hic solliciti tantum sumus, & parum hoc vel nos vel Pollionem tangit, qui cum ipsi Patavinitatem objecit, ne per somnium quidem

quidem de hoc Gallorum odio, cujus ipsum infimulat Budæus aliique, cogitavit.

Non defunt qui sub Patavinitate illa ~~mergido pariter~~, quâ plerumque laborare solent historici, intelligunt, de quâ Franciscus Motthæus Vayerus in libro de antiquis & præcipuis historicis Gallicè scripto pluribus agit. Putant enim in libris Livii deperditis, ubi rerum gestarum series ad populares suos vocat, plusculum indulgisse Patriæ civiumque suorum laudibus. Qualem errorem Polybius Philino Carthaginensi & Fabio Romano tribuit. Idem quoque Guicciardino imputari scribit Vayerus, qui ut Florentinis suis aduleatur, in minoribus illius Reipublicæ momentis nonnunquam tenacius hæreat, & facta illorum levicula in cælum extollat laudibus, ut importunus aliis, aliis ridiculus interdum videatur. Idem in Poggio Actius Sincerus elegantissimo hoc epigrammate reprehendit:

Dum Patriam laudas, damnas dum Poggius hostem:

Nec malus est civis, nec bonus Historicus.

Idē in Livio Barthius l. 60. Advers. c. 6. improbat: *Certissimū hoc, inquit, omnes scriptores rerum Romanarum, qui nunc sunt datā occasione panegyristas simul laudum esse patria suæ. Livius meritis eorum princeps paterque, quā frigidè aliarum gentium præconia præterit, cum fortitur fecerunt, Gallorum vero isem dedit à operā non tam obscuravit quam obruit & maledictis exstirpavit, Romanorum autem facinora longis præconiis obliquis directisque excolit ubique.* Verum illa ut aliena, omittimus, cum in solâ oratione vitium hoc agnoverit Quintilianus.

CAP. III.

L Laurentii Pignorii sententia de Patavinitate, qui in Or-
 thographia peregrinitate illam consistere putat, quod
 Livius *SIBE* pro *SIBI*, *QUASE* pro *QUASI* scripserit. Mo-
 numentum de Livio ob eam causam ab illo rejectum. Reii-
 citur ejus sententia. Historia repertorum ossium, qua Li-
 viana credebantur. Pompa qua illa in Prætorium deporta-
 ta & Mausolæo ornata describitur. Error publicus. Mo-
 numentum non fuit ipsius Livii, sed Liberti ejus nominis.
 Nomen servile & Domini jungebatur in nominibus Libertor-
 um. Explicatur exemplis aliarum Inscriptionum. Hæc
 servile nomen. Blondi Flavii, Scardeonii, Parvini explicatio
 monimenti inepta. Vera ejus explicatio. Officium Con-
 cordialis etiam Libertis datum. Pignorii Patavinitas ima-
 ginaria exploditur. Variis exemplis ostenditur commutatio-
 nem litera *E* & *I* non Patavinis tantum, sed & Romanis
 aliisque municipalibus fuisse communem. A rapino dissensus.

Quando ergo orationis potius vitium *PATAVINITAS*, quæ in re potissimum illa consistat dis-
 quirendum est: ubi primò omnium nobis oc-
 currit Laurentii Pignorii sententia, qui ipse Pa-
 tavinus & Patavinus in Academia Professor humanitatis ce-
 leberrimus, hæc populari suo objectam Patavinitatem
 primum è tenebris se eruisse gloriatur: nam in epistolâ illâ,
 quam capite superiori laudavimus, quæ adversus Benium
 defendit Livium, etiam hac in re ipsum impugnât: *Hanc*
Pata-

Patavinitatē Benius, ut sibi quidem videtur oculus totus, hic sane totus totus tenebrio ad partium Pompeianarum amorem revocat, contra Pollionis & Fabii Quintiliani mentem. Eam, si qua fuit, ego forte primus, quod & tu probas (scribit verò ad Balthalatem Bonifacium) in originibus nostris indicavi ex Quintiliano & Marmoribus vernaculis. Quis jam sibi non satisfactum crediderit hujus Viri doctissimi sententiā, quam ille tantā confidentiā assertum ivit in Originibus suis Patavinis lingā Italica scriptis, cap. 17. p. 133, ut nihil dubitationi relictum putet. Demonstrabimus autem illum opinione sua vehementer falli, cum putat solā Orthographiæ peregrinitate Patavinitatē illam constitisse. Ait enim T. Livium scripsisse SIBE & QUASE, non SIBI & QUASI, atque harum literarum I & E commutationem Patavinis familiarem hanc Livio Patavinitatē peperisse. Hujus in rei fidem consulendas ille inscriptiones Patavinas existimat, in quibus plerisque E. pro I. legatur, atque ex iis unam producit, quæ Patavi reperitur & à Grutero quoque consignata est.

C. GAVIO C. L.
 IVCVND
 CONTVBERNAL
 SUO. ET. SIBE
 OCTAVIA. METHE &c.

D

Ubi

Ubi Gruterum reprehendit, pro SIBE SIBI substituen-
tem. Imò adeò se suâ hâc opinione obfirmat Pignorius, ut
eam ob causam, Inscriptionem illam, quæ in marmore
illo legebatur, quod in Divæ Justinæ templo effossum
fuerat, ubi ossa Liviana, ut credebatur, reperta antea fu-
ere, ad T. Livium nostrum non pertinere existimet, quia
in eo SIBI legatur non SIBE, ut omnino scripturus fuisset
Livius noster, si ipse vivus sibi que superstes, quod voluit,
& verba Inscriptionis ostendere putat, hoc monumen-
tum crexisset: Ita vero hoc habet:

V F
T. LIVIVS
LIVIAE T. F.
QVARTAE L.
HALYS.
CONCORDIALIS
PATAVI
SIBI ET SVIS
OMNIBVS

Verum ut mirum in modum decepti sunt omnes illi, qui
monumentum hoc de Livio Historico intellexe-
runt

runt, & ossa illic reperta hoc argumento inducti Liviana crediderunt; ita suâ quoque de Patavinitate sententiâ, quæ nullo idoneo argumento nititur, falsus omninò fuit Pignorius.

Quandoquidem ergo in hunc locum nunc incidimus, occasione ita ferente hujus erroris ostendemus originem, qui eruditorum animis eximendus est, cum Viros etiam doctissimos errantium autoritate passim deceptos sentiamus, neque hujus rei falsitas à quoquam demonstrata sit. Cum Anno clc cccc XIII apud ædem D. Justinæ ædiculam aliquis è Canonicis exstruere cogitaret, & pro fundamento sternendo terra altius effloderetur, apparuit vetustissimum pavementum, quo fracta capsâ plumbea ossibus plena reperta est. Exclamatur statim Livium illic sepultum, quod Monachi meminerint ibi veterem effossum lapidem cum Livii epitaphio. Erat vero ille quem modo produximus. Omnem hujus rei historiam Siccopolentanus in Epistola ad Nicolaum Florentinum scriptâ enarrat, quam *Originum suarum libro cap. XVII* inseruit Laurentius Pignorius. Confluebant ad hoc spectaculum omnes Viri Nobiles & Literati, amplexabantur capsulam, ac magno hinc conventu ac celebri Civitatis totius pompâ Nobilium humeris in forum maximum ossa deportata sunt. Deliberatum de monumento illustri his ossibus erigendo, & de loco commodo diu disputatum. Aliqui locum publicum designabant. Optimates quidam privatâ pecuniâ sed insignius monumentum pollicebantur, si prope ædes suas illius ossa transferrentur. Vicit tandem publica pietas, ac fuere ejus ossa ad occidentalem Prætorii parietem

deportata, & supra portam illius condita, adjecta imagine & elogio. Cum ejus rei fama ad Alphonsum Arragonum Regem perveniret Anno cl^o cccc LI per legatos os brachii Liviani, quod præclara illa commentaria conscripserit à Republicâ Patavinâ impetravit, quod Neapolin deportatum, post Regis mortem apud Legatum Panormitam mansit, posteaq; ad J. Jovianum Pontanum pervenit, à quo in urnulâ locatum ac inscriptione ornatum fuit. Anno vero cl^o l^o XXXXVIII ossa eadem translata fuere in eminentiorem locum ejusdem occidentalis partis Prætorii. Illic, ut Thomasinus in T. Livio suo refert, spectatur nunc T. Livii Mausolæum nobilitatum tabellis æneis, inscriptionibus, & vetustissima ipsius imagine marmorea, quam ab Alexandro Basso inventam Civitas dono accepit. Laurentius vero Pignorius habet pro capite M. Claudii Marcelli, vel Lentuli Marcellini ad Fulvii Ursini librum de Familiis provocans. Sub illâ imagine marmor id videtur, quod olim effossum fuerat in D. Justinæ templo, ubi ossa ipsa postmodum reperta sunt. Dextram Mausolæi hujus partem obtinet *Æternitatis* statua: lævam *Minerva*. Sub *Æternitatis* pedibus *Tybris* excurrit: sub *Minervæ Medoacus* & hos inter omnes in meditullio Lupa Romulum & Remum lactans spectatur.

Res stupenda sanè tanto conatu & molimine nihil omnino fuisse actum à Viris & nobilissimis & doctissimis, neminemque adeò sagacem fuisse, ut monumentum hoc non à T. Livio Historico, sed à cujusdam Livii liberto positum fuisse animadverteret. Omnes certe nostrorum temporum Viri docti eo sibi imponi passi sunt, ut quidam

dam Editionibus Livianis velut insigne quoddam emblema suspendere. Primus hunc errorem, cum apud Patavinos versaretur, detexit Vir incomparabilis MARQUARDUS GUDIUS, qui cum omnes Italiae angulos perreptaret, ut veteris Reipublicae Romanae λείψανα erueret, Inscriptiones scilicet à Grutero praeferitas, (quarum ille vastum totque eruditorum votis optatum opus, quodque omnibus in illo genere scriptis palmam facile praeripiet, magnum antiquitatis thesaurum, penè ad umbilicum deductum habet) facile, quâ fuit sagacitate, vidit fucum sibi facere Patavinos, qui hoc monumento & Manium Livianorum custodes haberi voluerunt. Verum, ut fieri solet in erroribus publicis, amant saepe illos homines, ac indignantur cum illo Argiuo apud Horatium,

— *sibi quando extorta voluptas,
Et demptus per vim mentis gratissimus error.*

Adeò verò error ille in propatulo est, ut luce meridiana clarius è verbis Inscriptionis paulò accuratius consideratis se prodatur. Ita enim legenda est Inscriptio: VIVVS FECIT TITVS LIVIVS LIVIAE TITI FILIAE QVARTAE LIBERTVS HALYS CONCORDIALIS PATAVI SIBI ET SVIS OMNIBVS. Monumentum itaque hoc sibi erexit Libertus Titi Livii, an Historicus, an filii ejus, vel alterius, incertum, qui Domini quondam sui Titi Livii nomen ex more assumpserat, & servile nomen Halys adjecerat. Primum illud certum est, liberos Patronorum suum nomen adsciscere, suoque nomini servili, quod interdum mutabant interdum retinebant, prout commodum erat, pra-

mittere solitos quâ de re vide *Juvenal. Satyr. V. 27. & lo-*
cum in Onirocriticis Artemidori, ubi servum qui tria se
nominina habere somniabat, liberum factum notas, cum ad suum
duo patroni nomina assumpsit, item l. 9. C. de lib. caus. l. 10.
C. de ingenuis manumissis ibique Goshoffredum, tum & Fr.
Connanum Jur. Civil. lib. 2. c. 11. n. 3. Multa Inscriptionum
exempla hoc testantur. Apud Gruterum fol. 905. n. 2, hæc est.

L. CAEDIUS
 L. L. EROS
 SIBI. ET. LI
 BERTINAE.
 ET. LIBERTO.

Ubi EROS nomen servile notissimum, L. CAEDIUS à
 Domino assumtum. Similis Inscriptio est, quæ extat apud
 Laur. Pignor. de Servis p. 109.

TI. CLAUDIUS
 LEMNVS
 DIVI CLAUDII
 AVGVSTI. LIB.
 A STVDIIS

Apud

Apud eundem. p. 184.

SEX. POMPEIVS
SEX. L. DAPHNIS, &c.

Et pag. 212.

TI. CLAVDIVS. AVG.
LIB. FORTVNATVS. &c.

Piget plura adscribere. Fuisse vero ejus nominis liber-
tum Titium Livium è geminis inscriptionibus manifestè
probari potest. Vetustissimus Lapis in ædibus Alexan-
dri Bassiani, quem Thomasinus aliique eodem errore
de ipso Livio Historico capiunt:

T. LIVIVS
T. L.
OPTATVS AN. XV.

Altera Inscriptio est, quam & Petrus Servius in *Miscella-
neis* pag. 131. adduxit:

V. F.

T. LIVIVS. T. LIB.

ET LIVIAE. LEVINVS

L. F. STEL

VENONIAE. EXORATAE

P. LIVIAE. FIRMAE. ET.

FESTO. FILIO. ET

FIRMAE. FILIAE

Cujus vero Livii Libertus, an Historici, an alterius, an idem, an alius, incertissimum est. Nam plures fuisse Livios ex illâ Inscriptione patet, quæ in ædibus Annibalis Capilistii legitur:

T. LIVIVS C. F. SIBI.

ET SUIS.

T. LIVIO T. F. PRISCO ET.

T. LIVIO T. F. LONGO ET

CASSIAE. SEX. PRIMAE

VXORI.

Quam

Quam Inscriptionem genuinam esse dubitandum minimè est, licet Laur. Pignorius ei litem movere videatur, quod in illa SIBI non SIBE scribatur: in quo ille Livii Patavinitatem unicè agnoscit. Quod quam frivolum sit, infra patebit, & jam tum hujus vanitatem redarguit Sertorius Ursatus in Monumentis Patavinis *lib. 1. sect. 1. p. 32.* Fuit itaque Libertus, qui per literam L. significatur, ejus servile nomen HALYS, à fluvio Asiæ minoris forte ita dictum: nam solebant talia servis nomina imponi. Neque enim hoc Romanum nomen videtur, & quæ de C. GRATIO HALY adducitur à Panvinio *lib. de antiquorum nominibus* è Grutero *fol. 778. num. 2.* Inscripção Saguntina, in Libertum itidem concepta videtur; nam mutilum produxit Panvinius. Sed de illo alii viderint. Hic servile nomen esse ipse verborum ordo & compages dictitat. Miserè enim se torquent, qui de Livio Historico illam interpretantur. Quam enim inepta sunt & *avísæra*, cum Blondus Flavius verba illa LIVIAE. T. F. QUARTAE L. HALYS ita legit LIVIAE TITI FILIAE QUARTAE LEGIONIS HALYS, cum nec verba ipsa cohæreant, neque teste Scardeonio LEGIO solâ literâ L. sed notâ LEG. in monumentis exprimatur, neque Legio quarta. Halys sed Scythica dicatur. Sed & ipsa Scardeonii & Panvinii explicatio invitâ planè Minerva advocatur, quæ hæc est: quod LIVIA. T. F. QVARTA nupit L. HALY. Aliena autem omnino sunt, quæ pro hac confirmanda, sententiâ Scardeonius è Senecæ Controversiis adducit de LUCIO MAGIO LIVII genero, quem ille cognomine illo HALY nullo idoneo argumento ductus etiam insigni-

E

tum

tum putat. Atque is error ex eo provenit, quod litera L. nomen Lucius exprimi putarit, cum litera L. postposita aliis nominibus ut hic, necessario significet Libertum, quæ præposita nomen Lucii notet. In omnes partes hoc sensu intellecta inscriptio vertatur, & c. *ut videtur.* Quare etiam jam tum aliquo modo suspecta fuit hæc explicatio Laur. Pignorio visa, qui in Originibus Patavinis p. 114, hæc habet: *quel dire che T. Livio crebbe la memoria a Livia figliola di Tiso, mostra che Livio non fosse altrimenti il Padre, che se fosse stato, haverebbe detto LIVIAE FILIAE, come si vede, usato nelle antiche Inscrittioni.* Neque enim, ut putat, ipse Pater Livius scribere potuisset T. LIVIVS LIVIAE T. F. sed FILIAE SUAE. Quare ut omnia concinno ordine se verba excipiant, ita legendum est: T. LIVIVS LIVIAE TITI FILIAE QUARTAE LIBERTVS HALYS. Fuit enim iste Halys Filiæ Titi Livii Quartæ ex hereditate Libertus, qui Patroni sui defuncti nomen adsciverat, & Quartæ nomen ut fieri solet pluribus existentibus, Liviæ additum, quod pluribus exemplis demonstrat Petrus Servius *Miscellaneorum cap. 8.* quomodo Prima, Secunda, Tertia, Quarta, Quinta interdum prænomina interdum cognomina fuerint.

Sequitur ulterius in Inscriptioe nomen CONCORDIALIS, quod officium denotat. Est vero Concordialis sacerdos Deæ Concordiæ, ejus an ædes illa olim fuerit, quæ nunc Divæ Justinæ sacra est, & penes quam reperta fuere hæc ossa, ut putat Sertorius Ursatus suo nunc loco relinquo. Blondus Flavius in Italiâ suâ illustratâ Jovis,

Pau.

Paulus Merula Martis vel Junonis ædem illic olim fuisse
statuit. Scardeonius Concordialem magnæ dignitatis &
æstimationis fuisse autumat, qui nempe præfuerit templo
ab Antenore erecto. Sed ut omnia illa quæ de Ence
& Antenoris in Italiam adventu jactantur, infirmo tibi-
cine nituntur, ita hujus quoque rei fides penes Autorem
suum esto. Fuisse verò non adeo eximiam CONCOR-
DIALIS dignitatem, è monumentis nonnullis patet, in-
quibus ea Libertis, ut hoc ipso loco, adscribitur. Ex-
stant in ædibus Georgii Contareni Patr. Veneti monumen-
ta quæ Patavio Ateste, ubi ille ædes suas habuit, commi-
grarunt, quæ hujus rei documentum præbent. Primum
hoc est:

V. F.

C. TVRRANIVS

SECUNDI. LIB.

EVANTHVS

CONCORD.

C. TVRRANIO

PANTAGATHO. ET

C. TVRRANIO

EVTYCHO

LIB. OPT.

E 2

E

E quâ Inſcriptione & hoc patet ter idem Patroni nomen
tribus libertis tribui, adjecto ſemper ſervili nomine.
Alterum hoc:

SEX. NAVINIUS.

SEX. L. APOLLONIUS

CONCORD.

SIBI, ET. SVIS.

IN. FRON. P. XXXV.

RETRO P. XX.

Nil ergo jam amplius reſtat, poſtquam tot luculentis documentis rem omnem demonſtravimus, quam ut Manibus Livianis, queis tanto apparatu funeralia & parentalia, pietate quidem laudabili, ſed vanâ ac inutili celebrarunt Patavini, denuò funus ducamus. Nam cæteris argumentis illis, quæ nonnulli adduxerunt, ut demonſtrarent offa reperta Livii non eſſe, nimirum offa feminina eſſe non masculina; cadavera intra civitatem non fuiſſe ſepulta, ſed illâ ætate cremata, nunc non opus eſt, poſtquam è monumento ipſo falſitatem huius rei oſtendimus. De iis tamen legi poteſt Sertorius Urſatus in *Mon. Patav. lib. 1. ſect. 5. p. 203. 204.*

Re:

Redimus jam in viam & ad Pignorium nostrum, cuius imaginaria Patavinitas excutienda est, cujus causa ille à nobis excursus institutus, quod ille monumentum hoc Livianum esse negaret, quia in illo SIBI non SIBE legere-tur. Inane hoc esse commentum jam tum Sertorius Ur-satus deprehendit *lib. 1. sect. 3. pag. 22.* qui lapides minimè Patavinos reperiri ait, in quibus SIBE pro SIBI positum, quorum exemplum producit è Romanis Gru-teri *fol. 958.*

DIS. MANIB.

M. VINICI. M. F.

SALVIARI

VIXIT. ANN. XXXII.

MENS. VI

VINICIA HELPIS.

PATRON. ET.

CONIVGI

INDVLGENTISS.

ET SIBE.

E ;

Non

Non est opus ad Inscriptiones hic recurrere, cum notissimum sit lit. E & I indifferenter à priscais Latinis usurpata & in codicibus scriptas. Testis ejus rei Gellius lib. 10. c. 24. exempla affert *præfscine & præfscini, proclive & proclivi*. Quintilianus lib. 1. c. 4. & 7. In *HERE* neque E plane neque I auditur: nos nunc E literâ terminamus: at veterum Comicorum adhuc in libris invenio: *HERI* ad me venit. Ita mane & mani, vespere & vesperi dictum est, teste Donato in Phorm. Act. 1. Scet. 1. Videantur Lipsius de pronunc. Lat. Lingu. & J. C. Scaliger de Caus. Ling. Latinæ idem asserentes: quorum ille asserit in lapidibus scriptas voces *navebus* pro *navibus*. Salmasius in notis ad Hist. Aug. scriptores varias voces passim adducit, ita inter se mutatas, ut *patenas* pro *patinas*, *melpomine* pro *melpomene*, *inormis* pro *enormis*, *inervare* pro *enervare*. Ita apud veteres auctores *vegeo & vigeo*, *vella & villa*, *lemen & limen*, *aves & avis*, *inspello & intelligo*, *comissatio & comessatio* scriptum invenitur. Longum esset recensere omnia per totum Gruterianum & Reinesianum Inscriptionum opus sparsa exempla. Illic *Bedua* pro *Vidua*, *Benemeretus* pro *Benemeritus*, *Cives* pro *Civis*, *Corentianus* pro *Corintianus*, *Emet* pro *Emit*, *feces* pro *fecit*, *felicitates* pro *felicitates*, *Penaces* pro *Pinaces*, *Servea* pro *Servia*, *Sorore* pro *Sorori*, *Soteres* pro *Soteris*, *Vertutem* pro *Virtutem*, *Ver* pro *Vir*, *Sever* pro *Sevir*. In notis Tironis sæpe *antegraphum* pro *antigraphum*, *doleum* pro *dolium*, *Menerva* pro *Minerva*. In nominibus propriis habemus *Virgilius & Vergilius*, *Alfenius & Alfinius*, *Camellii & Camillii*, *Calvedii & Calvidii*, *Suellii & Suillii*. Nemo has voces Patavinitatē sapere dixerit, cum non in Patavinis tantum,

sed

sed & in cæterarum nationum Italicarum, atq; adeò in ipsi
Romanis monumentis legantur.

Et si vero omnia illa recta se habent, Rapinus tamen
acerrimus ille veterum & recentiorum Cenfor in elegant-
tissimâ illâ Thucydidis & Livii comparatione Gallicè scri-
pta p. 68. hanc Livii Patavinitatem ad pronunciationem
verborum inconditam quam ad phrasim referre mavult,
Ita enim ille: *C'est air provincial qu' Asinius Pollioblâme*
en cét auteur, sur quoy rasinent la plus part des Critiques
qui luy donnent de sens differens, n'est autre chose à mon
avis, qu' une mauvaise prononciation, qui choquoit les
courtisans élevez à la delicatesse de la cour d' Auguste, &
sentoit un peu la province: au moins c'est le sentiment de
Quintilien, qui estoit trop éclairé de luy mesme, & trop voi-
sin de ce temps-la, pour en ignorer le mystere qu' il impute
uniquement au langage. Fateor ab illo me dissentire;
nam è Quintiliano non patet in solâ pronunciatione viti-
um hoc consistere: neque est verosimile Polioni à Li-
vio ipso fuisse sua scripta recitata, sed ab ipso lecta, ut
legere ipsi historias solemus, quæ non ut orationes
ab autoribus recitantur. Ac alio loco planè fluctuat idem
autot, cum in libro, cui titulus *Instructions pour l' histoire*,
sect. 28, p. 744. differtis verbis dicit: *Je ne comprends point*
ce que veut dire Asinius Pollio, quand il luy donne un air pro-
vincial, qui sent un peu la Lombardie, quo loco in laudes
Livii laxi habenis effunditur. Frustra itaque hæc tum à
Laurentio Pignorio, tum à Rapino dicta videntur.

CAP. IV.

Quintiliani loca de Pollionis super Livio censura. Quis
 Pollio? Gallus illum male confundit cum Pollione
 Tralliano. Ejus virtutes, facta, scripta. Bibliothecas pri-
 mus Roma instituit. Ingenii in illis asperitas & supercilium.
 Contemptor omnium aequalium. Magna aequalium erga
 Ciceronem invidia. Pollio Ciceroni insensissimus fuit.
 Elogium ejus ipsa veritatis vis Pollioni extorsit. Sexilius
 Hena encomiastico in Ciceronem commotus Pollio. Gallus
 Afinius Pollionis filius Ciceromastix à Gellio notatus. Pollio
 Caesaris, Sallustii, Ascei scripta cavillatur. Pollionis eloquen-
 tia ab inventione & diligentia laudata, sed ad Ciceronianam
 comparata salebrosa. Judicium Seneca, Quintiliani,
 Victorini Strigellii. Causa obsecrationis, quod Ciceronis
 copiam imitando exprimere non posset. Barthius notatur.
 Locus de Pollionis stylo apud autorem Dialogi de Orat. Polli-
 cisatus. Pollionis Patris & Filii erga Augustum & Tiberium
 ferocia. Postuma Patris in Manes ejusdā maledicentia notata.
 Brevitatis gloria affectata à Pollione, cum de copiā Orationis
 desperaret. Superstitiosa in ejus oratione diligentia. Para-
 vini à Ptolomao Flavio loquacitatis arguuntur. Atticorum
 factio apud Romanos iis qui copiosa eloquentia excellebant
 semper infecta. Rami furiosa in Ciceronem maledicentia.
 Nostri temporis Laconismi & Atticismi inepti affectatores Itali.
 Lepida de Castio declamatore historia. Neque Tullio neque
 Livio quicquam Pollionis calumniis detractum est. Viru-
 norum scripta dudum abolitis Afinianis.

Quam.

Quandoquidem ergo in oratione & dictione ipsa vitium hoc hærere, Quintiliano interprete, Asinius Pollio iudicavit, missis iis de quibus antea prolixè egimus, rem ipsam consideremus. Nam de dictione intelligendam hanc Patavinitatē Quintiliani verba arguunt. Ita ille lib. 1. Inst. orat. cap. 9. *Peregrina porro ex omnibus propè dixerim gentibus, ut homines, ut insignita etiam multa, venerunt. Taceo de Thuscis, & Sabinis, & Prænestinis quoque: nam ut eorum sermone utentem Vettium Lucilius insectatur; quemadmodum Pollio in Livio deprehendit Patavinitatē, licet omnia Italica pro Romanis habeam. Idem lib. 8. cap. 1. Verum illic tantum ne vitiosa essent, præcepimus: hic non alienum est admonere, ut sint quam minime peregrina, & externa. Multos enim quibus loquendi ratio non desit, invenias, quos curiosè potius loqui dixeris, quam Latine; quomodo & illa Atticanus Theophrastum, hominem aliqui disertissimum, annotata anius affectatione verbi hospitem dixit: nec alio se id deprehendisse interrogata respondit, quam quod nimium Atticè loqueretur. Et in T. Livio mira facundia viro putat inesse Pollio Asinius quandam Patavinitatē. Quare si fieri potest, & verba omnia, & vox huius alumnus urbis oleant, ut oratio Romana planè videatur, non civitate donata. Quæ gemina Fabii loca si pensitemus accuratius, peregrinitatem aliquam orationis, à quâ Romanæ aures abhorreant, taxatam à Pollione in Livio fuisse animadvertemus. Antequam verò ad rem propius accedamus, videamus primum, quis ille in literatorum regno Dictator, quisve è tripode Apollo hanc pronunciarit*

Sententiam: nam ex Græcorum dicto

Τὸν σφίλω σφὸς ἐξίνει, τίχνας δ' ὁμότιχον.

Fuit Asinius Pollio magnæ sanè dignitatis, qui præclaras res pace & bello gessit. Principem Oratorem & Civem vocat Plinius *lib. 7. cap. 30.* nam viginti duos annos natus Catonem accusavit: Consulatus duos gessit, deque Dalmatis triumphavit. Ut itaque falsi omnino sint, qui ipsum cum Pollione Tralliano confundunt, ut facit Tarkinus Gallutius, qui in Oratione de Ciceronis obitu hæc de ipso habet: *Docuit initio ætatis adulta artem dicendi Rhetoricam: successitque illius schola Timagenis, qui sub Pompeio captivus atque à Gabinio cœemptus ludum in urbe declamatorium habuit. Ex eâ deinceps officina prodit in forum, ita condocesactus, ut locum invenerit hand mediocrem inter disertos.* Nam in illo vehementer errat. Fuit Alinius Pollio, Trallianus, Timagenis successor homo Græcus, qui Romæ docuit, ut demonstrat Vossius *lib. 1. de Hist. Græc. c. 24.*; quod non fuisset è dignitate viri principis, sed serè libertinorum erat. Quare existimat Vossius Trallianum hunc Asinium fuisse id nomen consecutum à claro illo cive atque oratore Pollione, qui cum libertate vel civitate donasset. Præter Orationes quas autor Dialogi de Oratoribus c. 34. cum admiratione lectas dicit & tragœdiam, reliquit quoque historiarum libros XVII teste Suida, quibus Græcorum res gestas latinè scripsit: Belli quoque Civilis historiam consignasse ex Horat. *lib. 2. Od. 1.* pater. Eidem Virgilius Eclogam IV inscripsit. Valerius M. *lib. 8. c. 13.* non minimam Romani

Styli

Asyli partem vocat. Ingenium in ipso impigrum fuit, & vigilantissimum: nam totius diei lassitudinem per exiguam quiete deposuit, unde omnium horarum hominem dictum & joci seriisque accommodatum ait Quintilianus. Primus Bibliothecam Romæ crexit. Itaque enim Plinius lib. 35. c. 2. *Asinii Pollionis hoc Roma inventum, qui primus bibliothecam dicando, ingenia hominum Rempublicam fecit.*

Quibus sanè elogiis apparet, virtutes in illo non vulgares fuisse. Sed illæ tamen ingenii asperitate & supercilio, quo æquales præ se contempsit, obnubilatæ. Perperius enim erat æqualium suorum obrectator. Ac fieri sanè id plerumque solet, ut qui eloquentiæ gloriam affectant, quemadmodum variz ipsius formæ sunt, ita Oratores suis quique characteribus distincti sibi plaudant solis, aliis, qui aliud sequuntur orationis genus insultent. Ut figulus figulo invidet, ita orationis illi figuli sibi succentent. Perperua illa Ciceroni fortuna fuit, ut æqualium suorum dictariis impeteretur, quem solutum & enervecem Calvus, clumbem & fractum Brutus, Rufus ille apud Juvenalem Allobroga dixit, quod Gallicissimum oratio ejus sapere videretur. E quo solo pater quo loco Pollionis de Livio judicium habendum, cui minus à Patavinitate objecta periculi est, si Cicero ipse Eloquentiæ princeps Gallicissimi notam apud temerarios & ineptos censores effugere non potuit, de quo in sequentibus plura dicturi sumus.

Vitio itaque non tantum communi, quo omnes eandem artem professi sibi invident, sed suo & è suo scilicet ingenio nato, ductus fuit, ut æquales suos omnes convitiis lacefferet. Ciceroni insensissimus fuit, ut è M. Senecæ Suasoria VI. patet, ubi hæc leguntur: *Quando in hanc suasoriam incidimus, non alienum puto indicare, quomodo quisque se ex Historicis adversus memoriam Ciceronis gesserit. Nam quin Cicero nec tam timidus fueris, ut rogarès Antonium: nec tam stultus, ut exorari posse sperares, nemo dubitat excepto Asinio Pollione, qui infestissimus fama Ciceronis permansit: & is etiam occasionem scholasticus dedit. Solent enim Scholastici declamatores ponere, an promittente salutem Antonio, orationes suas comburas. Aliquanto post: Pollio quoque Asinius, qui Verrem, Ciceronis reum fortissimè morientem tradidit, Ciceronis mortem SOLUS EX OMNIBUS malignè narrat: testimonium tamen quamvis invidus plenum ei reddit. Hinc adfert ex Pollionis historiâ invidendum Ciceronis elogium, id enim ipsi veritatis vis extorserat, quod legi illic potest, atque ubi hoc recensuerat, addit: *Affirmare vobis possum, nihil esse in historiis ejus hoc, quem reuli loco disertius: ut mihi tunc non laudasse Ciceronem: sed certasse cum Cicerone videatur. Aliud etiam malignitatis in Ciceronem specimen exhibuit Pollio: nam cum Sextilius Hena Hispanus Cordubensis de Ciceronis morte versus in domo Messalæ Corvini recitaturus esset, Pollionem Asinium, ut interesset, advocavit, cumque in principio hunc versum recitaret: *Descendus Cicero est Lætiaeque silentia lingua:* tum Pollio Asinius graviter commotus Messalæ ait: *Videris tu Messala, quid tibi liberum sit in domo tuâ, ego istum non sum auditurus, cui videor***

deor mutus, & simul confurgens abscellit, nec recitationi interesse voluit. Ejusdem infantiæ heredem habuit Filium Gallum Asinium, καὶ νόγον & καὶ ὄν, in Ciceronem maledicum, de quo scitum est Gellii N. A. libr. 17. cap. 1. iudicium: *Us quidam fuerunt, monstra hominum, qui de diis immortalibus impiis falsasque opiniones prodiderunt: ita nonnulli tam prodigiosi, tamque vecordes existerrunt (in quibus sunt Gallus Asinius & Larginus Licinius, cujus liber etiam fertur infando titulo Ciceromastix) ut scriberent, M. Ciceronem parum integrè atque improprie atque inconsideratè locutum. Atque alia quidem qua reprehenderunt, neque dicta, neque audiri digna sunt. Quæ sane censura quoque in Patrem Liviomastigem convenit.*

Sola hæc iudiciorum inconstantia in Asinio Pollione, quodque solus ex omnibus iniquior in Ciceronem fuerit, arguit affectibus & invidiâ agitarum tam sinistrè de ipso sensisse. Unde quis in cæteros ipsi animus fuerit, faciliè iudicium institui potest. Nemo enim propemodum æqualium fuit, quem ille non vellicarit. Notum est, quid in J. Cæsaris commentariis reprehenderit. Ita enim Suetonius in Jul. Cæsare cap. 56. *Pollio Asinius parum diligenter parumque integrâ veritate compositos putat; cum Cæsar pleraque & qua per alios erant gesta temerè crediderit: & quæ per se vel consilio vel etiam memoriâ lapsus perperam crediderit: existimatq; rescripturū & correcturum fuisse. Eodem illa livoris genio protecta esse dubiū nullum est: Quis enim Cæsarem ingenio acerrimum, memoriâ promptissimum, ut septenas simul librariis epistolas teste Plinio lib. 7. cap. 25. dictaret, in suis rebus memoriâ lapsum crediderit?*

Sallustium peculiari libro aggressus est, quo ejus scripta reprehendit ut nimia priscorum verborum affectatione oblita, teste Suetonio *de illustr. Gramm. cap. 10.* Quin etiam Arceium Philologum, qui familiarissimè aluerat, & præceptis de ratione dicendi instruxerat cavillatus est Pollio: antiqua eum verba & figuras solitum esse colligere e Sallustio, cum ut Suetonius illic ait, sibi sciat nihil aliud suadere, quam ut noto civilique & proprio sermone utatur: vitæque maximè obscuritatem Sallustii & audaciam.

Quænam ergò Pollionis nostri dotes ingenii, quæ eloquentiæ vis fuit? Nam sanè qui aliorum se censorem gerere velit, præstare illis, in quos virgulam censoriam stringit, debet; ne illi occentetur Horatianum illud:

Loripedem rectus derideat, Æthiopem albus.

Incorruptam in illo vitam & facundiam laudat apud Tacitum Annalium XI. 6. Silius. Fabius Inst. Orat. lib. 10. c. 1. *multam in ipso inventionem, summam diligentiam, ad eò ut quibusdam etiam nimia videatur & consilia & animi satis agnoscit* Sed cum Cicerone illum comparans, incorruptus testis, audacter pronunciat: *Anisore & jucunditate Ciceronis ita longè abest, ut videri possit seculo prior.* Seneca cum Fabiani Papyrii libros filio commendasset, isque non placere sibi ejus dictionem rescripisset, comparat inter se Ciceronē, Pollionem, Livium, ut vario eloquentiæ genere claros, sed ita ut Ciceronē omnibus præferat. *Lege, inquit, Ciceronem, compositio ejus una est, pedem servas, curata, lenta, & sine infamiâ mollis.* At contra Pollionis *Asini* *Sal-*

lebroſa & exiliens & ubi minimè expectes relictura. De-
 que apud Ciceronem omnia deſinunt, apud Pollionem omnia
 edunt, exceptis pauciſſimis, quæ ad certum modum & u-
 num exemplum adſcripta ſunt, inter quæ & illud de Cice-
 rone elogium, cujus ſuprà mentionem fecimus, referen-
 dum. Pergit ulterius Seneca in comparatione aliorum,
 autorum & noſtri quoque Pollionis cum Fabio: *Affer*
quem Fabiano poſſis praponere. Dic Ciceronem, cujus libri
ad philoſophiam pertinentes pene totidem ſunt, quos Fabiani.
Cedam, ſed non ſtatim puſillum eſt, ſi quid maximo minus eſt
Dic Aſinium Pollionem, Cedam, & respondeamus in re ſan-
râ eminere eſt, & poſt duos eſſe. Nomina adhuc Livium:
ſcripſit enim & dialogos & ex profeſſo philoſophiam continen-
tes libros, quos non magis philoſophia annumerare poſſis
quam hiſtoria. Huic quoque dabo locum. Rectè hic de
Pollione judicaſſe Senecam omnia oſtendunt, & illæ
quoque Pollionis epiſtolæ, quæ inter Ciceronis epiſtolas
familiares libro X comparent. Intricata enim pleraque
ſunt & duriuſcula, & prærupta, quod accuratius penſitan-
ti ſtatim in oculos incurrit, licet cum cura ſcripta videan-
tur. Quare ad infimum dicendî genus has epiſtolas re-
tulit Viſtorinus Strigelius in diſſertatione de Imitatione,
cum Livium in ſublimi genere verſari exiſtimet: quâ in
ſententiâ quoque Schortus eſt Tullian. Quaſtion. lib. 1. c. 18.
Unde Philclphus quoque exiſtimat eam eſſe in Livio à Pol-
lione taxatam Patavinitatẽ, quod plerumque neglexerit
ſequi vulgare genus orationis, & ſe communis ſenſus con-
ſuetudini minus accomodarit.

Sola itaque illa causa, quod ad lacteā illam libertatem, quam in Cicerone & Livio admirabantur omnes, per ingenii asperitatem adspirare non posset, in utrumque tam Ciceronem quam Livium armavit, ut odio prosequeretur & convitiis proscinderet, quorum laudem & famam sibi obfuturam credebat. Neque tamen Livio præpositum ideo voluit Fabius, quod extremo loco Livium poneret, cujus dictio cum Liviana collata, tota strigosa est & macilenta, cum altera vivida, copiosa & succiplena. Fabio & Senecæ, at quantis censoribus omnino calculum suum addit Autor Dialogi *de Oratoribus cap. 21.* cujus judicium Quintiliano, nisi forte is ipse autor est, adeo consonat, ut nec ovum ovo sit similis. *Asinius quoque, quamquam propioribus temporibus natus sit, videtur mihi inter Menenios & Appios studuisse. Pacuvium cerse & Asrium non solum tragædiis, sed etiam orationibus suis expressit. Adeo durus & siccus est. Oratio autem sicut corpus hominis eadem pulchra est, in qua non eminent vena, nec ossa numerantur, sed temperatus ac bonus sanguis implet membra, & exsurgit toris, ipsos quoque nervos rubor tegit & decor commendat. Siccitatem itaque duritiem & asperitatem in illo reprehendunt peritissimi Censores, quam ipse potius, quam tumidum dicendi genus sectatus est, ut putavit Barthius *Advers. lib. 3. c. 7.* Neque enim circumscriptionibus studuit, ut ille ait, ad magnifice rem proferendam ne vulgariter loqui putaretur, nisi forte in locis quibusdam à se ipso styli inæqualitate discrepet, quod tamen in paucitate istorum fragmentorum vix deprehendi potest. Hinc Quine. *lib. 10. c. 2.* pravos illos Pollionis imitatores tristes ac jejunos vocavit.*

Mirum

Mirum itaque quid in mentem venerit Autori Dialogi de Oratoribus, qui in Asinio nostro numerosam orationem commendavit, quem durum & siccum antea dixerat, in quo orationem *salebrosam & exilientem, strictam asperam & nimis raram in dicendo* iudicium Seneca Pater notaverat, de quo alibi Quintilianus, quod currentes etiam numeros ultro inhibuerit, ut teneram illam modulandi voluptatem refugeret. Sed tamen & Quintilianus *lib. 9. cap. 4.* adducit quoddam Pollionis exordium adeo Cello probatum, ut optimam in eo compositionem & legem principiorum dixerit, quam quidem Quintilianus non reprehendit, sed omnibus principiis accommodandam negat. Putabat itaque Schelius commentario ad hunc locum, pro *numerosior* legendum *morosior*. Sed quia Codices non consentiunt, frustra hic locus sollicitabitur. Existimaverim ego Autorem Dialogi respectu ad Calvum, quem strictiorem vocat, habito, à numeris commendare Pollionem, quod iis Calvum tamen vinceret, licet ab aliis vinceretur, Cæsare, Cælio, Bruto, Cicerone, qui tamen aliis virtutibus orationis extantioribus, sed præcipuis & propriis commendantur, licet & numerofo dicendi genere Asinium vincerent. Nam cum Ciceronem à vehementiâ & plenitudine laudat, numeros non excludit, quibus Asinio & cæteris omnibus superior est. Sic enim verba habent: *Strictior Calvus, numerosior Asinius, splendidior Cæsar, amarior Calius, gravior Brutus, vehementior & plenior & valentior Cicero.*

Salva itaque erit Asinio sua durities & asperitas, quicquid de numeris sit, quæ adeo ipsi propria fuit, ut in

animum quoque ipsum immigraverit. Plerumque enim eloquentiæ forma genium ostendit, atque hic ab illâ nascitur. Ut confragosa & aspera Asinio Pollioni oratio fuit, ita talis quoque indoles. Id quod hujus quoque exemplo ostendit elegantissimus J. C. Tuldensis libro de *cognitione sui lib. 3. cap. 4.* Atque hæc Asiniis gentilis planè indoles fuit, ut Tacitus *lib. 1. Ann. cap. 12.* memorat, qui de Asinio Gallio Pollionis filio refert, *quod in visus Tiberio fuerit, tanquam plusquam civilia agitare Pollionisque Asinii Patris ferociam retineret.* Namque ob nimiam *παρρησίαν* in vincula conjectus, & tandem jugulatus fuit. Quanquam enim Gronovius hic ejus asperiores indolem commodiore & benigniore interpretatione cohonestarit, dum in illo ferociam notatam fuisse ait, ut in Labeone infania, quibus titulis illi signabantur, qui libertatis & juris sui retinentiores erant, quam ferre aulica ingenia poterant; ingenii tamen morositatem eo ostendit, quod tempori cedere nollet, sed potius adversus Principis & aulae ingenium se obfirmaret. Timagenem ille amavit & contubernalem habuit, cum Augustus illi domo suâ interdixit, & plurima alia fecit, quibus in odium aulicorum incurrit, qualia evitare vir prudens & modestus facile potuisset. Ut excusandus non videatur, quocunque etiam virtutum colore hæc ejus pertinacia & morositas incrustetur. Elucescit quoque & ex eo viri hujus malignitas, quod aliorum etiam manes ne post sua quidem facta quietos esse voluerit. Cujus rei historiam Plinius in præfatione Historiæ suæ recenset. *Nec Plancus illepidè. Cum diceretur Asinius Pollio Orationes in eum parare, quæ ab ipso aut liberis post mortem Planci ederentur, ne respondere possit:*

*fit: cum mortuis non nisi larvas luctari. Qui dicto sit
repercusit illos, ut apud eruditos nihil impudentius judice-
tur.*

Neminem jam puto fore è prudentioribus doctiori-
busque quem Pollionis autoritas facile movere possit, ho-
minis ut ingenio maligno, tristi & livido, ita oratione
sicca & aspera. Cui ut nec bene judicandi voluntas ob
ingenii malitiam, ita nec censendi facultas fuit, quod ipse
his virtutibus destitueretur, & cum vitia sua amaret aliorum
virtutes ferre non posset. Eundem in sensum judicat Pro-
lomæus Flavius centuriâ Conjectaneorum cap. 45: *Illud,*
inquit, Asinium innuisse suspicor, quod cum placeret sibi bre-
vissimus dicendi modus & nihil probaret, quod pluribus ex-
plicetur, & lætæam libertatem in Livio intueretur, offensus
ea (utpote ingenio suo Laconismum appetenti satis minimè
facienti) taxavit in illo Patavinisatem, quando in hodie-
rum usque diem Patavini male audiant de effusore quadam
sermonis prolixitate, quibus hunc tradunt in loquendo esse
morem, ut semper ab ovo exordiantur. Omnino ita se res
habet, ut judicat Quintilian. lib. 8. in proœm. extrem.
Quibusdam nullus finis calumniandi est, & cum singulis
pene syllabis commorandi: qui etiam cum optima sint reperta,
querunt aliquid quod sit magis antiquum, remotum ino-
pinatum: nec intelligunt iacere sensus in oratione, in qua
verba laudantur. Quorum hominum generi accenseri
sanè Pollio debet, ut in quo ita diligentiam laudat Quin-
tilianus, ut nimiam in illo reprehendat.

Erat scilicet Romæ quædam Atticorum fastio, qui cum virtutes copiosæ orationis consequi ingenio non possent, Attici sermonis castigatiore diligentia huic suæ imbecillitati colorem quærebant, & ut bene se rem suam agere omnes crederent, iis quos beatæ ubertatis gratiâ florere intelligebant molestias faciebant, ac velut Asianos traducebant. Cujus culpæ partem cum Cicerone etiam Livius ferre debuit, ab ineptis illis censoribus, cum in illo sermonis genere hi duo regnarent. De Cicerone disertè id Quintilianus lib. 12. c. 10. *Tullium non illum habemus Euphranorem circa plurimum artium species præstantem, sed in omnibus quæ in quoque laudantur, eminentissimum. Quem tamen & suorum homines temporum incescere audebant, ut tumidiorem, & Asianum, & redundantem & in repetitionibus nimium, & in salibus aliquando frigidum, & in compositione fractum, exultantem, ac penè (quod procul absit) vitæ molliorem. Postea verò quam triumvirali præscriptione consumptus est, passim qui oderant, qui invident, qui amulabantur, adulatores etiam præsentis potentie, non responsurum invaserunt. Ille tamen quæ jejunus & quibusdam atque aridus habebatur, non aliter ab ipsis inimicis male audire quam nimis floribus & ingenii affluentia potuit, falsum utrumque. Sed tamen illa mentiendi propior occasio. Præcipuè verò præferant eum qui videri Atticorum imitatores concupiebant. Hac manus quasi quibusdam sacris initiata, ut alienigenam, & virum superstitiosum, devinctumque illis legibus insequerentur. Unde nunc quoque aridi, & exsucci, & exsanguis. Hi sunt enim qui suæ imbecillitati sanitatis appellationem, quæ est maximè contraria, obtrudunt: qui quia clariorem vim eloquentia velut solem,*
ferre

ferre non possunt, umbra magni nominis delitescunt. Hæc Quintilianus acutè sane & eleganter judicat, qui sub Atticis illis procul dubio Pollionem nostrum perstringit. Compositionis enim diligentia videri volebat & pressum dicendi genus sectabatur, cum circumductum illud & fustum exprimere non poterat, ut ex ejus epistolis apparet. Quamob causam cum ipse præruptam illam breviter sequeretur, Lipsius Livium alibi supinum & frigidum imò & *πυπίλογον* agnoscit in *notis ad Polit. l. 1. c. 9.* Ludovicus sanè Vives *lib. de variatione dicendi* talem fuisse suspicatur Pollionem, qualem fuisse perhibent Hegesiam Charisii imitatore, cui oratio erat jejuna & ossea, fractis minutisque sensiculis, quique maximè affectavit Atticus videri & alios præ se contempsit. Atticorum illa affectatio è Cicerone ipso patet, qui in libro de claris oratoribus Brutum falsè inducit Calvum exagitantem, quod Atticissimi studiosior corruerit eloquentiam, ne Brutum ipsum reprehendere videretur. *Atticum se, inquit, Calvus noster dici Oratorem volebat: inde erat ista exilitas, quam ille de industriâ consequabatur. Dicebat, inquam, ita, sed & ipse errabat, & alios etiam errare cogebat.* Prolixe hic ostendit, quod Atticissimi non sit unum genus, & quam illi nihil hujus assequantur, qui vitia sua hoc colore tegunt. Et ille quidem Calvus in Ciceronem singulari libro injurius, ille est, de quo Autor Dialogi de claris Oratoribus ait: quod cum unum & viginti libros reliquerit, vix in unâ aut alterâ oratione cula satisfaciât. De illo Seneca l. 7. Declam. & lib. 4. contrav. dixit: illum cum Cicerone iniquissimam litem de principatu eloquentiæ habuisse. Mirum est nostris temporibus in istâ judiciorum luce potuisse Ramum, scio-

Ium & p̄p̄tuum antiquitatis cavillatorem, novum Ciceronianæ famæ post Antonium parricidam, eandem Afaticismi notam Ciceroni inurere, qui in Brutinis quæstionibus, Sus Minervam, Ciceronem eloquentiæ principem eloquentiam docere voluit, omnia ejus adlatrans, è furioso illo adversus Aristotelem odio, cujus vestigia cum sequitur Cicero (ut sanè sequi ipsa ratio, & præclare excogitata præcepta jubent) in tantam ejus reprehensionem incurrit. Eadem fabula nostro tempore in cultissima Italorum gente acta fuit. Etenim cum primi Eloquentiæ Tullianæ gloriam illic resuscitarent superiori & nostro seculo viri in his literis principes cæterisque gentibus in exemplum dati, Manutius, Casa, Muretus, & his similes, adversus hos insurrexerunt homines quidam stulti, futile aliquod, sub nescio quâ Atticismi & Laconismi specie, & pumilum dicendi genus commenti, quod sententiis argutis sed precariis, frigidis & ineptis tanquam crepitaculis & cymbalis, velut aliqua morionum vestis undique sonaret, & brevibus membris non flueret, sed stillaret. Adversus quos eloquentiæ genuinæ corruptores Actionem scripsit & sub Thesauri Eloquentiæ titulo edidit Albertus de Albertis, & doctissimam illam Orationem pro veteri adversus novum dicendi genus, quæ inter Orationes ejus tertia est, habuit ad elegantias omnes factus Fr. Vavassor. Quibus addi possunt Epistolæ à Jano Niccio Erythræo scriptæ, libri Tertii, decima, Quarti, decimatertia, Quinti decima & undecima, Septimi tertia, & illa ejusdem ad Hieronymū Aleandrum præfatio, quam Eudemiæ suæ præmisit, quibus nihil facietius in his ingeniorum monstris exagitandis, excogitari potest. Lepidis-

diffima illa est, quam & eo in loco commemorat de Cæstio declamatore historia, qui apud discipulos suos in scholâ responsurus orationi Ciceronis pro Milone hoc uerbatur principio: Si Thrax essem, Fufius essem, si pantomimus essem, Pantillus essem, si eques Melison. Quæ cum audiret, qui forte illic aderat Seneca pater, non sine indignatione altâ voce exclamavit: Si cloaca esses, magna esses. Hinc risu omnes emori & Cæstius obmutescere. Quem cum Seneca postea in foro omni litium genere vexaret, ut adigeret eò hominem, quò Ciceronem se disertiores vel seriò vel joco profiteretur, nulla id arte efficere potuit.

Idem ille furor Pollionem occupaverat, cujus si linguam & ferociam non principes viri, non privati, non æquales, non viventes, non mortui effugere potuerunt, quid mirum, si in Livio aliquid, quod carperet, invenisse sibi visus est, qui nemini pepercit. An rejiciemus Tullium, quod tot maledictis & cavillationibus ab æmulis suis & hoc nostro Pollione exagitatus fuerit? Validiora sunt tot seculorum judicia, tot doctorum hominum suffragia, quam ut his voculis vel Ciceronis vel Livii gloria infirmetur, quæ nullam hætenus jacturam fecit. Esto itaque Asinius sibi semper similis, sibi que relictus Asinius, cujus protervia tot scriptorum jacturâ pœnæ satis dedidit. Nam cum perstent omniū judicio firma adversus hominis hujus censuras Ciceronis & Livii immortalia opera, Asiniana temporis injuriâ hominumque oblivione dudum perierunt. Pulchrè sanè Buchnerus in Dissert. Academi-
câ 393 quæ in Livii laudes scripta est: *Sit in Oratione Livii*

*Patavinitas quædam, non tamen efficere potuit, quo minus
historias ejus & hodieque legamus. Cum Pollionis contra
Romanitas non eâ virtute polluit, quantâ ad eluctandum
opus erat ex illis fluctibus, qui scripta ejus, quod dolemus ta-
men, absorpserunt. Trahit aliquid è nomine suo Asini-
us, facile eo quod calcitrat semper & rudit noscendus:
nam sanè cum in Livio deprehendere sibi Patavinitatem
videtur, utrum Livio plus Patavinitatis, an Asinio plus
Asinitatis insit meritò dubitaveris.*

CAP. V.

POLLIONIS autoritate inducti multi ad sinistra de Livii
Latinitate judiciorum. Livii in stylo Historicæ præ Cicero-
ne prærogativam nonnulli inepte adstruunt. Impugnat Trape-
zuntius & Buchnerus. Maledicus hujus litis arbiter Benius.
Sturmius Pollionis censuram sequitur in Livio, uti & Fr. Picus,
Mirandula & Bibliander. Cælii Rhodigini judicium de eo
non omni ex parte benignum. Pulchritudinem in illo agnos-
cit, sed austeritati junctam. Subausterum etiam Erasmus ju-
dicat. Pulchritudinis & jucunditatis in Oratione discrimen.
Jucunditas Livianæ orationi vindicata; è judicio
Seneca, Quintiliani, Trapezuntii, Rapini, & è requisitis
Hermogenis. Quæ dulcem & jucundam orationem efficiant in
Livio inveniuntur. Historia Poetica orationi proxima. Re-
spondetur Benii calumniis. Brevitas in Historia non sem-
per laudabilis. Aristotelis de eâ judicium. Benius iterum
nota-

tatus. *Copia Carminis Ovidiani à nonnullis reprehensa, Daniele Heinsio eleganter defensa. Corsetius ubertatem sine modestiâ profluentem in Livio notavit. Cui à Gaddio responsum. Quod aliquâ parte notatur. Rapini judicium de his qua Livio obiciuntur. Modestia, Character, Ethicus à Livio insignis præ Tacito. Compositio Orationis in Livio jucunda. Cicero ipse in Historiâ aliquid Poeticum agnoscit.*

Quod de calumniis dici solet, earum semper aliquid hæere, ejus exemplum in Livio luculentum habemus. Postquam semel illi Pollio Patavinus notam inusserat, aliqua ejus suspicio in animis etiam doctorum virorum eas radices egit, ut extirpari non potuerit. Quoniam enim Pollio Livii æqualis, interque Romæ viros principes, eloquentiæ præterea laude floruit, facile calumnia hæc veri colore imponere nonnullis potuit. Movit certe Sturmium, Virum maximi nominis, optimumque Latinitatis Censorem, Pollionis auctoritas, ut sinistra quoque sententiæ calculum suum adjiceret. Nam cum in *Nobilitate* suâ *Literata* de autoribus nobili juveni legendis ageret, in historico quoque stylo formando Ciceronem omnibus prætulit. Quod equidem non reprehendo. Nam eorum ego sententiam minimè probo, qui Ciceronem ad Historiam scribendam ineptum fuisse existimant. Ineptum est Gaddii in libro de scriptoribus, Tom. I. p. 275. judicium: *qui ubertate ac styli ornamento ac luminibus facile superandum fuisse à Tullio Livium, sed virili ac torosâ dictione gravitate sententiarum, copia politicarum præceptionum, judicio ac mente* H seda-

Idatā præstantiorem Livium judicat. Quasi non in his triumphet Cicero, cujus qui virilem & torosam dictionem & gravitatem sententiārum non videt, nihil videt. In cæteris vero quæ contentiosum dicendi genus sibi conjuncta habet, facile quā fuit prudentiā, sibi temperasset Cicero. Rectè itaque Trapezuntius Rhetoricor. lib. 5. pag. 172. insanire illos dicit, qui Ciceronem, in historiā scribendā T. Livium exæquare non potuisse judicant. Nam Ciceronem ita summum Oratorem esse ait, ut & Historicus esse possit: Livium ita summum Historicum esse judicat, ut & Orator esse possit, ita enim disertè de Livio: *Hunc virum si quis bene Orationis suæ vim intellexerit, non magis inter historicos, quam inter præclaros oratores numerabit.* Mirum enim dictū est cum apud eum persuadere quisquam cuiquam velit, quā rationum copiā, quibus acuectus, quo affectu utatur. Contra Ciceronis Historicum scribendi characterē arguunt narrationes ab illo subinde Orationibus interspersæ: unde patet, quam ille faciem styli argumento attemperet. Buchnerus quoque *Pars. 2. Epistolā 32.* adversus illum qui Curtium in Historico stylo firmando Ciceroni prætulerat, præclarè ostendit hujus quoque styli lineamenta esse è Cicerone ducenda. Maledicus ramen est Benius, qui eos, qui Livium Tullio in scribendā historiā præferunt, Musicam Marস্য & Apollinis contentionem, ac Midæ judicium renovaturos ait. Nimis enim indignè tractat Livium ipse Marস্য ac Midas, cum in tantos viros censorsiam illam virgulam stringit, utut ab ipso non dissentiam, cum existimat, si Cicero historiam scripsisset, illum germanam, perfectæ historiæ ideam dare potuisse.

Ut verò ad Sturmium redeam, laudare in illo minime possum, quod Pollionis censurâ in sinistrum quoque Livio iudicium impelli se passus sit. *In Livio, inquit, Pollio Patavinitatem apprehendit: quam non considerasset, si non ex melioribus cognovisset, quid Romanum esset; & quid Patavinum.* Et qui Ciceronis aquis bene os imbutum habens, eodem illi gustatu in Livio eam, ut ita loquar, peregrinitatem sentire poterunt, quam sensit Pollio. E quibus sanè verbis patet eandem ipsi cum Pollione dicam, scribere Virum doctissimum, cujus tamen si causa danda esset, haberet sanè quod ageret, facilius enim illa dici, quam demonstrari possunt. Theodorus Bibliander, in libro de ratione communi omnium linguarum de Livio idem ait: *In Livio est à Pollione animadversa quadam Patavinitas, quia fuit Pataviensis, nec purum putumque Romanum eloquium per omnia retinet.* Videmus & Joh. Franciscum Picum Mirandulam, in libro de imitatione Patavinitatem causæ eidem adscribere, quod Romani sermonis ideam non satis rectè assequeretur Livius. Neque Cælio Rhodigino ab hac Patavinitatis notâ Livius abesse videtur, licet eloquentiam ejus in cælum ferat laudibus. Nam *Lectio. Antiq. lib. 25. cap. 3.* ideo Patavinitatem objici putat Livio, quia non sit urbanitate certâ id est urbis Romanæ genuinâ proprietate quasi colorata ejus oratio, (quibus ille Ciceronis verbis hic utitur) quæ inter legendum sentitur potius, quam exprimi oratione queat. Majus quippe, ait, recinit quiddam & resonat urbanus in Romanis scriptoribus, quam gentium reliquarum. Idem tamen in illo agnoscit ubertatem prædulcem & austeram tamen, nec decoctam, nitidam, sine

labore efflorescentem, nec affusam modo nectare, sed quodam Circes veneficio delibutam, inenarrabilem facundiae vastitatem, quæ tamen vasta non est, sed compta honestius, culta pretiosius, expolita divinitus: è cuius una prælectione plus emolumenti, quam è decem Salutis auditors sui retulerint. Quare Dionysium Haliarnasum secutus, quod ille *lib. de collocas. verbor. n. 29.* de Thucydide dixerat, pulchram quidem esse Orationem Thucydidis, sed non inesse illi jucunditatem illam ac gratiam, quam aliqui forte desiderarent, id ille in Livium spargere videtur. Dionysius enim in Oratione gratiam & jucunditatem orationis à pulchritudine distinguit. Hæc ipsi consistit in numero, harmonia, elegantia, nitore, dulcedine, splendore, juncturâ, & convenientiâ cum argumento: Illa in magnitudine, majestate, gravitate. Quæ itaque pulchra dicuntur, non semper cum jucunditate aliquâ conjuncta sunt. Jucunditas enim orationis procedit plerumq; ab indole & ingenio hominis, sed pulchritudo ab artis præceptis dependet. Horatium hujus discriminis testem habemus: *Nec satis est pulchra esse poemata: dulcia sunto.* Haud scio an illuc respexerit, Erasmus, cum *lib. 28. Epist. 8.* ait Livium, quo non alius jucundior, ad primum gustam subausterum esse: quam in rem elegantissimâ usus est similitudine: *Quem admodum quosdam loquentes agrè intelligas, nisi sæpius audieris: & quemadmodum Musica genus ob hoc ipsum minus delectat, quia novum est & insolens; is a quoniam suus cuique stylus est, fit assuetudine familiarior, ac proinde jucundior.* Jucunditatem hanc asperitati mixtam in Livio agnoscit Trapezuntius: *lib. 5. p. 172.* quando ita de illo: *Pul-*
chri-

chritudinis & iucunditatis tantum adhibet, quantum pos-
sis orationem delinire & ab altitudine non deicere. Nam
adeo variis schematis ornatus est, eoque ordine fere natura-
li apud eum, res circumducta sunt, ut ultra quam dici pos-
sis dulcis suavisque videretur, nisi asperâ locatione nimium
iucunditatis contemperaret. Verum Rapius, ut illa Dio-
nyfiii de Thucydide verissima esse putat, ita tantum abest
ut in Livio iucunditatem & gratiam desideret, ut potius
cumulatissimè in illo inveniri atque illâ Thucididem
superari existimet. Quin & Quintilianus eam in Livio
agnovit, cum lib. 10. cap. 1. ait Livium in narrando esse
mirâ iucunditatis & clarissimi candoris, neminemque
Historicorum affectus dulciores magis commendasse
quam Livium. Seneca quoque epist. 10. librum qui ipsi
transmissus erat laudaturus, primo aspectu, quasi Livii
fuerit, sibi placuisse ait: tantâ enim dulcedine ipsum tenu-
erat & traxerat. Ac sanè si sermonis suavitas γλυκύτης
Græcis dicta, inde æstimanda est, unde æstimandam do-
cuit magnus harum dicendi formarum spectator Her-
môgenes, lib. 2. cap. 4. ὅτι ἰδεῖν & lib. 1. cap. 2. illam,
cum Quintiliano iucunditatem omni ex parte deprehen-
demus. Requiritur primum simplex oratio non fucata;
& audientibus grata. Et sane lacteam ob id in Livio uberta-
tem prædicat Quintilian. lib. 10. c. 1. Sententiarum suavium
fontes sunt, qui vel animum pascunt, vel sensus nostros. Ad
illum fontem referuntur τὰ μυθικά, fabulosa, ficta, vel
ipsis proxima, verosimilia, quibus Livius indulget, quan-
tum per Historiam licet, ita ut ad illa alludat & inter-
spergat. Vel una illa historia de Romulo & Remo istam
suavitatem ob oculos ponet. Præterea illa toties iterata

prodigia, quod in ipso vituperant nonnulli, aliquam ejus suavitatis partem constituunt. Quæ sensus afficiunt dulcia sunt, ut fontes & sylvæ, oculos enim pascunt, quo genere Bucolici scriptores passim utuntur Theocritus & Virgilius. Omnia itaque ex his translata & figuræ suavitatem habent. Iis quam feliciter utatur in rerum descriptionibus, in narrationibus Livius, sexcentis possit exemplis demonstrari. Suavia etiam sunt, quæ pertinent ad nos ipsos, nam delectamur rebus nostris, majorum nostrorum, chara sunt nobis nostra existimatio, nostra domus, nostri liberi, patria nostra. Talia frequentissima sunt in concionibus Livianis. Nam disertis verbis Quintilianus de eo lib. 8. c. 1. *Affectus præcipue eos, qui sunt dulciores, ut parcissime dicam, nemo historicorum commendavit magis.* Etiam hoc suave est, cum rebus inanimis animus atque voluntas attribuitur & animantibus mutis sermo. Quod cum frequenter Poëtæ faciant, Historici & Livius noster datâ occasione tam scite se hic tractat, ut non desint, qui Poëticam Orationem cum Historiâ in multis convenire existiment. Quod licet Benius in Livio reprehendat, qui locum illum ubi Livius Annibalis in Italiam transitum describit, ut Poëticum, turgidum & asperum cavillatur, cum tamen in tam memorabili facto stylus extolli deberet, & Quintilianum fugillet, qui historiam nihil aliud quam solutam Poësin esse dixerat: nam illum non tam ad germanos & proprios virilis historiæ numeros, quam ad historicorum multorum usum & libertatem respexisse autumat; minimè tamen culpandus est, quin potius laudem maximam meritus est, ut qui illam eloquentiæ suavitatem loco commo-

modo ostenderet. Neque negare id potest Benius Livium perspicuè ac suaviter narrare, sed tamen illum statim ad dumeta se sua recipere ait. Quo iudicio quid sibi velit non satis liquet: nam cum inæqualitatem aliquam in stylo Liviano ostendere laborat, ea damnat, quæ laudari debebant. Cum enim à concionibus ad narrationes, ab his ad illas descendit Livius, alio vultu & habitu sermo adornandus erat. Et verò in concionibus ipse venustatem ac concinnitatem agnoscit, putatque illos qui Livii eloquentiam tantopere extollunt, illius concionibus captos fuisse, pudicæ ac virilis historiæ virtutem fortasse non attentius animadvertisse. Non disputabo hic equidem, quod à Vossio in Arte Historicâ & Augustino Mascardo factum est, an conciones sint ab Historicis narrationibus inferendæ; nam nunc styli tantum res agitur. Sufficit virtutem nitidi sermonis in concionibus Livianis agnovisse Benium, à qua cum discrepat in reliquo Historiæ corpore, tantum abest, ut reprehendi debeat, ut laudari eo nomine mereatur. In quo tamen si quid vagum vastum & inconditum inesse videretur Benio, non videtur copiosæ orationis in Historia scribenda formam modum & compositionem intellexisse. Brevitatem enim non affectabat Livius, quæ in tam vasto opere & tam splendori argumenti indécora fuisset & inepta. *Brevitas, inquit Tullius, laus est inordinum in aliqua parte dicendi: in universâ eloquentiâ laudem non habet.* In tanto enim opere, quod populi Romani gesta describenda erant, grandius aliquid requirebatur, quam in Thucydide & Salustio, in quibus pro argumento strictiori, laudem brevitatis habet. Alia membrorum compositio incunda est illis, qui

sigil-

Agilla, quam qui colossus Rhedum expressuri sunt. Ap-
 positè in rem nostram Aristoteles lib. 3. *Rhetoric. cap. 10.*
 νῦν δὲ γελοιόως ἢ διήγησιν Φασι δεῖν εἶναι ταχέας. καίτοι ὡς
 ὁ πᾶς μάτην ἰσχυρῶς, πότερον πληρὴν ἢ μαλακῶς μάζει.
 τί δ' ; ἔφη· εἰ, ἀδύνατον; καὶ ἐπαύθαι ὁμοίως. *Ridiculè fa-
 ciunt ii qui narrationem brevem esse oportere dicunt. At-
 qui quod quidam pistori panem subigenti, percunēt antique
 durumne an mollem subigeret? quid? bene, inquit, omni-
 no subigere non licet.* Docet itaque Aristoteles, non in
 brevitate, sed in mediocritate, & in eo quod oportet, si-
 tam esse laudem omnem. Quem Aristotelis locum cum
 interpretaretur in commentario suo Benius, ut aliquo co-
 lore suo infuscarer, in medio relinquit utrum Aristoteles
 ex animi sententiā locutus sit, an vero hinc invidiam
 tacitè conflandam judicaverit Isocrati, qui brevitatem
 in narrationibus affectavit, à qua non discessisse M. Tul-
 lium in partitionibus scribit, qui tamen, ut supra vidi-
 mus, nullam absolute talem, sed argumento aptam requi-
 rit. Mirificè hic in Livium nostrum convenit, quod de
 Ovidio Daniel Heinsius libro de *Tragæd. constit. cap. 13.*
 Nam sunt nonnulli, qui eadē injuriā illum afficiunt, ut
 in narrationibus prolixum & declamatoriis argutiis in-
 dulgentem, ac fuere non inter veteres tantum, sed & in-
 ter recentiores, qui hoc illum cavillo feriunt, in quibus
 Vavassorem reperiri indignor sanè. Nam quod Bar-
 thius ante ipsum idem quoque in Ovidio reprehendit,
 non moror; erat enim minime istarum rerum idoneus
 iudex, longè ab illis elegantis semotus, quales in Ovidio
 deprehendimus. Ab hac verò injuriā illum vindicavit
 Heinsius, ut non suā tantum, sed è Mureti, Iosephi

Sealigeri & Julii Caesaris Patris sententiâ, qui tanquam absolutum & omni ex parte perfectum dicendi exemplum commendavit, prodigii instar, ovis ac sulphure lustrandos existimet, qui auctori tanto detraherent. *Adjunt, inquit, redundare Critici. Et sit sanè hoc verum: Idem Oceano quoque evenit, cui frustra ponas legem, idem fluviis, quorum quisque quò generosior, eò minus agnoscit ripas ac pontem; fontes & stagna intra se consistunt. Sed quemadmodum mendici, quibus plurima ad vitam desunt, is invidere solent, quibus ad felicitatem omnia supersunt: sic jejuni isti & famelici aliorum opes limis cum intueantur, virtutes in ordinem redigere audent. Ablegabimus hoc dicterio Heinſii Benjum, quem sola illa invidia, & calumniandi studium, ut Pollionem, in Livium excitavit. Qui cum ad felicem hanc ubertatem, per ingenii tenuitatem adspirare non poterant, illum contemnebant & convitiis proſcindebant. Valeat etiam Cortesius cum bello illo judicio, qui in libro de Imitatione proſluentem quandam sine modestiâ ubertatem Livio tribuit. Cui respondet Gaddius lib. de Scriptor. tom. 1. p. 141. Hic non sine sed cum modestia & modo adhibuit ubertatem Ciceronis proſluentem, quam temperavit vel adstrinxit aliquantum, breviores periodos & sententias solidas & acutas adhibens frequenter, ita ut in suis orationibus, quæ sententiis & rebus gravissimis scatent, videatur minimè verbosus & brevis, cum Tullio collatus. Rectè quidem ille judicat; sed quod breviorum illum Cicerone putet, id ex genio historici styli fieri conveniebat. Neque Cicero laxiores ubertatis suæ terminos posuisset, si historiam scripsisset. At Rapius cum in Comparatione sua pag. 95. ad illa quæ Li-*

vio obijciuntur respondet, fatetur quidem, inveniri in illo quæ speciem talem habeant, verum illum datâ operâ summâque cum prudentiâ & iudicio iis usum arbitrat; ac admittit sane in ipso perspicuo. dicendi genere quandam obscuritatem Hermogenes de Ideis lib. 1. cap. 5. extremo. Quod si Cortesius non modestiam sermonis, sed characterem in illo Ethicum desiderat, nil est falsius, qui ut in principio, ita per totum opus illum exprimit. Nil ab illo jactantius dicitur. Ex toto ejus opere miræ honestas & μεγαλοπρέπεια in omni illa tot consiliorum, technarum actionumque narratione elucet, ut ipsâ illâ dicendi formâ sincerum aliquid spiret. A quo characterem quam longissimè abest Tacitus, qui omnium rerum & verborum quasi veteratoria quædam lineamenta ducit, subdolis conjecturis & suspicionibus, totam historiam incrustans. Non potest enim characterem boni promittere. malignus omnium dictorum factorumque interpret. Quicquid ergo Benius cæterique Cercopitheci cavillentur, nihil in Livio asperum & horridum est, sed omnia summâ ac uberrimâ suavitate decurrunt, quam ut in sententiis expressisse diximus, ita & illam, quæ in tota orationis compositione consistit, expressit. Nam ut Hermogenes tradit lib. 1. *ἡ δὲ ἰδέω* cap. 2. methodus & ordo aptus sententiarum adhiberi debet, dictio epithetis ornata acutis & poëticiæ elocutionis, non elata, non diffusa: figuræ dictionis & præcipuè ea quæ vocatur Rectitudo, quæ per rectos casus procedit, & quæ non habeat parentheses: membra paulo majora quam incisa: structura in suis partibus liberè soluta. Eorum omnium, si quis Livii orationem accuratius consideret, vestigia ubique

prehendes, nam illa structuræ concinnitas, illa laudabilis Poëtismi in Historico stylo felicitas adeò Livio propria est, ut neminem Historicorum sciam, qui eam ita prefferit. Benium illam impugnantem suis ineptiis linquamus. Unius autoritas Ciceronis omni nobis reptione major est, qui in *Oratore* finitimam esse dicit Historiam eorum orationi, quæ ut in epidiuctico genere Isocratéo Theopompeoque more decurrit, quod ad Poëtismum accedere propius, verius est, quam ut à nobis demonstrari debeat. Quomodo conveniat vel differat à Poëti Historia, de eo pluribus agit Maccius lib. I. de Historiâ cap. 12.

CAP. VI.

Urbana & oppidana dictionis differentia hoc de Patavinitate Livianâ iudicium peperit. Vetusissimus sermo Latinus alius à Romano. Romanus sermo ad Græcæ linguæ & Poëtismi genium formatus. Latina & Græca lingua parallelismus, Latinam linguam à Græcâ non corruptam adversus Machoferum disputatur. Rhetores Græci quas ob causas Romana ludum claudere iussi. Latina voces & Phrases à Græcis, & ad Græcorum imitationem confictæ. Pelasgi primi Italia coloni habitæ. Latina lingua & ex aliis gentibus voces habuit. Varia lingua latina divisio. Prisca, Latina, Romana, Mixta. Romana & Latina an differant. Vulgaris lingua latina an diversa à cultiore illa. Leonardi Aræni & Francisci Floridi Sabini controversia. Italicismi

jam olim in plebea latina familiares. Ejus exempla lucu-
 lenta adducuntur. Frustra itaque de illo dubitat Barthius.
 Qui tamen Romanorum aliam in loquendo, ac in scribendo
 fuit, linguam facit. Firmatur testimoniis è Quintiliano,
 Suetonio, apud quem ipsius Augusti exemplum, Cicero-
 Sidonio, Commentario Arnobii super Psalmos. Vulgaris illa
 loquendi ratio à Patribus Latinis usurpata in orationibus
 ad populum. Erasmi de eo judicium. Arnobii defensio.
 Dicitio Versionis veteris Bibliorum *οὐλοῦσθαι* defensio ab
 Alberico Gentili. Barbarismi & Solæcismi in sermone poli-
 tico saepe affectantur. Voces inusitatae latinae sed plebeiae
 in Glossariis superstites antiquitate cernant cum ceteris.
 Cause quare in usu esse desierint, recensentur. Voces inusi-
 tatae apud classicos auctores usurpatae à Criticis ineptè ex-
 punguntur. Factum hoc in Cicero & Livio. Voces
 multae ejus commas super sunt in Idiomate Hispanico &
 Italico. Inde orta vulgaris Romana. Romana Rustica.
 Provinciales suae gentis vocabula ad normam latinam fle-
 tebant. Exempla adducuntur. Barbarismi nomine olim
 rusticitas illa sermonis saluabatur. Sed & solæcismus
 eò referendus. Recentior sermo rusticus distinguendus à
 veteri. Romances fabula ab ejus lingua nomine ita dicta.
 Plebitas & Peregrinitas etiam in Romanis scriptoribus no-
 tata, ut in Vitruvio. Plurium numero unum alloqui Ro-
 manum, imò & plebeum. Etiam in Virgilio rusticae voces
 observatae. Imò & Solæcismi. Impugnat hoc Rapinus.
 Rusticus & Urbanus sermo apud Graecos non solum diversus,
 sed & apud Romanos, tum pronuntiatione, tum verbis ipsis.

Quandoquidem ut vidimus, tantum Asinii Pollionis autoritas pondus apud nonnullos habuit, ut Patavinum aliquid Livii, inesse orationi suspicentur; videamus, nunc an tam immane inter Romanum & municipale sermonem, quodque discrimen illud fuerit. Certum enim est ab hac Urbanæ & Oppidanæ dictionis etiam vulgo notata differentia Pollionis hujus imitationi robur aliquod & præsidium peti. Constat in Italia non unum sermonis vultum fuisse: linguis enim & dialectis vel saltem idiotismis, ut nunc sunt, etiam discrevasse ipsa ratio, & populorum è gentibus coalescentium natura dictitat. Quis vetustissimus ille latinorum sermo fuerit, nunc non disquiremus. Id certum est planè illum alium fuisse, quam is florente Romanâ eloquentiâ fuerit. Quod è fragmentis Hetruscis aliisque, quæ à quibusdam producuntur, observari potest. Plus illam Celticæ aliisque antiquissimis linguis debuisse verosimile est, cum Romana partim ex illis, partim è Græcæ linguæ vocibus coaluerit, ad cujus formam totamque structuram illa paulatim exculta est, quoque magis exculta fuit, eò propius ad nitorem illum accessit, quem Urbanâ dictione veteres insignire soliti sunt. Ex quo enim sylvestrem illam popularis linguæ naturam exuerunt, & rectiora cum Græcis instituerunt commercia, ita expolierunt rusticanam illam indolem, ut quò felicius Atticorum rationes exprimerent, eò magis sermo publicus exsplendesceret, & in provinciarum quoque usum transiret. Quod verissimum esse ille Græcæ & latinæ linguæ viris doctis notatus parallelismus ostendit, ac vasto & opulento volumine, cui titulus *Roma Attica*, quod hætenus

ineditum apud V. Cl. Olauum Borrichium asservatur & præ-
 lum expectat, Vir doctissimus Rumannus declarat, cujus
 specimen nuper editum fuit. Quò magis miror Melchior.
 Inchoferum in Historiâ Sacr. Latin, lib. 2. cap. 4. Græcos
 Latinitatis corruptæ reos, & quidē primos arguere. *Quam*
primum enim Graci Romam acciti aut sponte petentes cum
ceteris linguam miscuerunt, è vestigio, inquit, Romanus
sanguis h. e. latinus sermo saniem creauit. Nam sanè
 linguæ ipsi vitium nullum oblatum est, cum fatente Fa-
 bio lib. 1. cap. 5. *maximâ ex parte Romanus sermo e Græco*
conuersus sit. Idem Dionys. Halicarnass. Antiq. lib. 1.
 Varro lib. 9. de L. L. Festus & Scaliger ad Festum, Groti-
 us epist. ad Gallos epist. 51. ad Peirescium, multis exem-
 plis testantur. Imo verò disciplinâ Græcorum adiuui
 Romani oratores linguam ac eloquentiam mirificè expo-
 lierunt. Quam ob causam Quintilian. lib. 12. c. 10. disci-
 pulam Græcæ vocat latinam linguam. Quod verò
 Catò Græcas literas & omnes disciplinas ex urbe expulsas
 vellet, de ipso latinæ linguæ cultu parum ipse sollicitus,
 quod alii minus honorificè de Græcis sentirent, id eam
 ob causam fiebat, quod cum Græcis literis, doctrina &
 religio corrumperetur, vitia Græcis familiaria unâ in
 gentem Romanam transfunderentur, & qui è Græcis
 Romæ eloquentiam docebant, virtutum studiis neglectis,
 solam discipulorum linguam exercerent. De quibus
 coercendis Censores cogitarunt, non tam quod lingua
 detrimenti quid caperet, quam quod malis moribus im-
 bueretur iuventus. Quare non rectè ad latinitatem ap-
 plicuit Inchoferus, quod Cicero in libro de claris orato-
 ribus de Græcâ eloquentiâ, quæ è Pyreæo euecta Asiamq;
 per-

pervagata fuerat, ait latinitatem in urbe Romanâ, velut in Asiâ, peregrinatam, ut se externis oblineret moribus omnemque salubritatem Romanæ dictionis quasi sanitatem perderet, ac loqui propemodum dediceret. Nam cum hæc de Græca lingua Cicero dicit, non adeò contemnuit illos Asiaticos oratores, sed potius in illis multa laude digna & quæ sibi ipsi ad imitandum proponeret, invenit. Rhetores vero illi Græci, quorum impudentiæ ludum, ut est apud Cic. 3. de Oratore, claudi jubebant Censores, ob audaciam illam, quam discipulis suis ingenerabant, repellebantur. Tantum enim absuit, ut latina lingua Rhetorum Græcorum scholis corrumpere, ut ad usum potius civilem & nitorem lingua Romana, per illos præpararetur. In his Cicero prima illa eloquentiæ suæ lineamenta duxit, tum Græcis tum Latinis declamationibus ad præturam usque suam se exercens, quam ut omnibus numeris absolutam haberet, Græciam totam imò & Asiam pervagatus est, ut celeberrimorum virorum exemplis eam porro excitaret & ad fastigium perduceret. Quid quod è Græcis novatæ multæ voces, quæ Romæ antea, non audiebantur, teste Plutarcho in ejus vita. Tum & Budæus in optimis illis Græcæ linguæ commentariis pluribus ostendit, quid de Græcis Cicero hauserit, & quam ad illorum exemplum dictionem latinam formavit. Totam itaque Græciam exhaustit, totus Athenas redolens Cicero, & è Græcis uberrimi fontes Latinæ linguæ sunt, quibus illa potissimum culturam & elegantias debet, ac aliunde sanè quam è Græcis peregrinitatem contraxit: Latini primum sua e Græcis finxere, teste Varrone l. 4. de L. L. ut quidam scripserint Latinam olim linguam eandem.

dem ferè fuisse cum Græca. Eorum farraginem subministrat diligentissimus Merula Cosmograph. part. 2. l. 4. cap. 18. & longe forte plura in Româ suâ Attica cumulat Rumannus. Neque fieri aliter potuit, cum magna pars veræ prisæque Italiæ unâ cum Sicilia sub nomine magnæ Græciæ cognita fuerit, & è Græcia coloniæ multæ in Italiam ductæ. Apud Festum lib. 16. gloriatur Ennius se pavisse Romanos græcâ linguâ, & Svetonius de claris Grammaticis ait: *Antiquissimi doctorum Poeta & oratores semigræci erant.* Venerunt primum Pelasgi qui se Aborigenes dicebant in Italiam, teste Dionys. Halicarnass. lib. 1. partim suâ sponte partim è Græciâ pulsi rotis coloniis, prima ex Arcadiâ duce Oenotro, secunda è Dodona, tertiâ è Pallantio urbe Arcadicâ duce Euandro. Qui cum linguâ & moribus diversi fuerint à Græcis, & Latinam gentem in Italia, exceptis qui cum Ænea venisse creduntur, constituerint, suspicatur Humphridus Prideaux in notis ad Marmora Oxoniensia pag. 131. Pelasgorum linguam antiquam fuisse latinam, eamque, quod ad voces purè latinas attinet, linguâ Græcâ ideò longè fuisse antiquiorem. Græcam enim linguam à Deucalione in Græciâ habuisse primordia, Illos tum Græcorum nomen invexisse in Italiam. Verum illa nunc non excutimus. Sive Pelasgi in Italiâ coloni primi illi fuerint, qui Latina lingua usi fuerunt, sive Latini è Græciâ postea voces deduxerint, id tamen constat è Græciâ primos latinæ linguæ fontes, quæ ut primum erat sterilis, ita incrementa sua è Græciâ cepit, usque dum ad illum nitorem pervenit. Neque è Græca tantum linguâ, sed ex omnibus, quibus tum temporis Italici populi utebantur

con-

concrevit, singulis de suo aliquid largientibus, ut doctâ
dissertatione in loco superius laudato demonstravit Me-
nola, cum interim Italica illæ linguæ à Romanâ lingua
discreparent, usque dum imperio Romano subiectæ
gentes ad dominatricis linguæ genium suam quoque
componerent. Ita enim semper factum fuit, ut cum im-
perio & iis qui imperio præsunt, suas quoque vicissitudi-
nes lingua & literæ haberent, illo florente flourerent, illo
cadente declinarent.

Quoniam itaq; Lingua latina successu seculorum suis
quibusdam intervallis ad illud fastigium pervenit, certis
quibusdam characterismis distincta fuit, ut ex Isidoro
lib. 9. Orig. cap. 1. patet, in Priscam, cujus commatis fue-
re Saliaria illa carmina; in Latinam, quâ utebantur in
Latia, cum rerum potiretur Latinus & Etrusci Reges; in
Romanam, quæ sub Plauto, Cæsare, Tullio aliisque
etatis aureæ scriptoribus Romæ vigeat, & denique in
mixtam, quæ prorogato imperio, ex admittance cæte-
rarum gentium labem aliquam contraxit. Prisca illa
quæ fuerit, quodammodo è fragmentis quæ supersunt
conjici potest, cujus voces Lexico Antiquitatum collegit
Jan. Gulielm. Laurenbergius, cujus linguæ genium do-
ctissimus Mariangelus Accursius dialogo, quem Oscan
& Volscos inscribit, Jul. Cæs. Scaliger in Poematibus li-
bro teretismatum pag. 103. Joseph. Scaliger in Lycophronis
Cassandra, Jacobus Balde in Dramate suo Oscan ex-
presserunt. Nisi forte recentioris illa Latii sunt, quam
ut ad Priscam illam linguam sint referenda, cujus fra-
gmenta suo tempore neminem interpretari potuisse

Polybius testatur, ut Saliorum Carmina, teste Quintiliano, nec ipsi sacerdotibus suis intellecta fuerint. Patet tamen ex iis quæ adduximus, Romanam linguam à Latina fuisse distinctam, cujus deinde quatuor ætates commentum sunt alii, è quibus aurea & quadantenus argentea verum illum Romanæ linguæ nitorem tuentur.

Non resuscitabo hic litem olim inter Leon. Aretinum & inter Francisc. Floridum Sabinum agitatam, quorum ille lib. 6. Epistolarum p. m. 273. adversus Blond. Flavium Foroliviensem statuit: quod *Latina* lingua, per quam intelligit elegantiores Romanam à *vulgari* differat terminatione, inflexione; significatione, constructione & accentu, quodque præstantes homines Oratorem latine literatæque concionantem præclarè intellexerint, pistores vero & lanista & hujusmodi turba sic intellexerint oratoris verba, ut nunc intelligant missarum solennia. Hic vero lib. 2. *Lect. subcisivo. cap. 1.* operose ac speciosissimis argumentis post Blondum & Fr. Philelphum, qui duabus epistolis de eodem negotio disseruit, adversus Leonardum contrariam sententiam adstruere laborat, quod *Latinus sermo veterum Romanorum tempore omnibus promiscuus fuerit*. Concedit ille cultius aliquanto nobiliores eosque, qui aliquem orationi ornatum adhibebant locutos, quam qui simpliciter & plerumque indoctè animi sensa exprimunt; Hos vero aliam quam latinam linguam locutos pernegat. Collatis undique rationibus hanc disputationem renovavit Melchior Inchofer in *Historiâ S. Latinitatis* lib. 3. cap. 2. 3. 4. 5. 6. 7. 8. Verumtamen gravitate argumentorum victus rem omnem in medio relinquit.

Non

Non vacat nunc singula illa excutere. Id tamen consideratione maximè dignum est, quod ante mille annos in usu fuerint voces, quas hodie in Italica lingua vulgari agnoscimus. Paret illud aliquo modo ex narratione, quæ in historiâ miscella de rebus sub Mauritio Imperatore gestis recensetur. Habentur ibi illa: *in exercitu, cum animans cecidisset, clamante quodam Torna, Torna, frater universas copias in fugam versus ambiguo illo vocis.* Unde colligit Lipsius Dialogo de rectâ pronunciatione non adeò novam hanc loquendi rationem esse. Est & aliud longè firmitus argumentum ab illo *instrumento plenaria securitatus*, ut titulus habet, quod Parisiis in Bibliothecâ Regiâ in ligni cortice scriptum adservatur, cujus mentionem fecerunt Cujac. Observat. lib. 9. cap. 26. Lipsius loco modo laudato, Janus Rutgerius variar. lection. libro 1. cap. 13. Cl. Salmasius in notis ad Ælii Spartiani. Antonin. Caracallam, Lampridii Heliogabalum, Lampridii Severum, Flavii Vopisci Probum, quod Anno Justiniani Imp. XXXVIII scriptum & è Bibliotheca Cardinalis à Balneo Romæ Ann. clæ lxxc LXI à Gabriele Naudæo editum. Meminit quoque ejus P. Merula Cosmogr. part. 2. lib. 4. qui illud Festi huc trahit: *Latine loqui à Latio dictum est, quæ locutio adeò est versa, ut vix ulla ejus pars maneat in notitiâ.* Tot sunt in illo instrumento, quo transactio continetur Stephani tutoris cum Gratiano pupillo, confusiones casuum, tot peregrinæ voces, ut satis ex illo pateat, quæ tum in plebe loquendi ratio obtinuerit: Hujus commatis sunt: *signum impræferit: inter nobis: ista successionis: manente hanc plenariam securitatem in suâ firmitate: inferendi breve de diversas species: collecti seu*

mercedes mancipiorum: & de res quas Guderit liberti, quod accepit, scotella, brabile, baudilos; polimita duo valentes solido uno: plictori vetere: Sarica prasina, Sarica misticia cum manicis curtas: Butte de cito, Cuppo, Rancilione: arcas duas valentes siliqua una: socas tortiles: Albiolo ligneo: sacina valentes asprione: Tina clusa: cocumeila: cacavello rupto: catena ferrea desuper foco pensante libras duas semis: Sacario: Orciolo: talea: albio: rapo: Buticella granaria: Sarica una vetere tinctisia: Leva vetere una: Vagella vetere una: natitia. quod accepit istras de domus qua sunt intra Civitate Ravenna: domo qua est ad sancta Agatha: ex casa qui appellatur: uncias duas ex uncias tres: fundi isti pro istius: ex portiones Urbicii quas vendita sunt: panga una: de successionem: cum argento eis tradito de perceptam omnem: omnia mobilia traditas vidi: de percepta omnem, terciam portionem quod isti Srephano: de successionem isti quod. Collicti competere poterunt: &c.

Monstra hæc verborum sunt, sed plebeium tamen fuisse sermonem dubitari non potest, & qui etiam ante ista tempora obtinuerit, cum verosimile non sit Justiniani demum tempore talem linguam repente, ut fungi unâ nocte solent, fuisse ortam. Dissentit hic quidem Barthius *Advers. lib. 13. cap. 2.* ab illis, qui hodiernam linguam Italicam etiam tum vulgarem ac in Romanâ plebe viguisse autumant, hoc inductus argumento, quod Italicorum, Hispanorum, Gallorum linguæ, totam hanc suam sermonis structuram à Germanis acceperint, cum voces latinas utcunque retinuerint. Non autem explicat, quâ ratione, quo tempore à Germanis acceperint. Si Gothos,

hos intelligit, quod nonnulli opinantur, certum est ante
 illorum tempora viguisse sermonem illum vulgarem,
 quod luculentis argumentis probatum ivit Melchior In-
 hofer *Hist. Latin. lib. 3. cap. 7. & lib. 2. cap. 5. & 6.* qui præ-
 larè de lingua latinâ meritos ejusq; conservatores fuisse
 demonstrat, secus sentientium opiniones refutans. Sed
 tamen linguam aliam Romanorum in loquendo quam in
 scribendo fuisse Barthjus constanter asserit, quem locum
 sic adscribere operæ pretium erit: *Veterum Latinorum
 in loquendo longè aliam linguam fuisse, quam qua à nobis
 usu frequentatur, dubium minimè esse debet. Litter enim
 significanter quoque hodie non pauci doctorum loquantur
 phrascs verbaque, tamen alia priscis in quotidiana usurpa-
 tione fuisse, vel ex linguis illis qua Latinam exteris consu-
 derunt, manifestum est. Adcòque impossibile arbitror vel
 conjectare posse quibus verbis loquendo veteres quasque res
 expresserint, nisi idiotismos Hispanica Italica & Gallica de-
 flexionis adhibeas. Sed ut vanus fore assis is labor sit, ita
 indicia quoque in autoribus non pauca numero, nec vilia
 condere supersunt, quibus ipsos proceres latinicatis aliter lo-
 cutos quam plebem adstrui possit. Unde illud commodò no-
 tro concludi potest, longè nos venustiore & politiore lin-
 guam latinam hodie sequendo autorum caractères habere,
 quam vulgò tempore Romane potentia fuerit usitata. Ad-
 ducit hinc aliqua vitiosa etiam stante eloquentiâ Roma-
 nâ usitata, ut è Fortunatiano Rhetore, qui suo ævo hunc
 theatrum, hunc prodigium vitiosè à Romanis dictum no-
 tat; & cavendâ gentilia verba, propria videlicet quarun-
 dam gentium, docet. Atque hanc ob causam non puto
 omnia illa quæ in Fragmento Petroniano Traguriensi,*

ha-

habentur esse damnanda ut suppositicia & spuria; cum certum sit, ut semper feminæ, pueri, rustici, in omnibus linguis peculiare aliquid habere solent, ita etiam apud Romanos habuisse.

Non obscurum ejus rei testimonium ipse Quintilianus præbet, cum ait lib. 12. c. 12. *quod aliam videatur habere naturam sermo vulgaris, aliam viri eloquentis oratio.* Imo ipso illo Augustæo ævo alium à culto illo sermonem quotidianum fuisse testis est Suetonius in *August.* cap. 86. qui hæc de ipso. *Quotidiano sermone quadam frequentius & notabiliter usurpasse eum litera ipsius autographi ostentant. Ponit assidue & pro stulto baceolum & pro pullo pulleiacium & pro cerito, vacerosum & vapidè sese habere pro male & betissare pro languere, quod vulgò lachanissare dicitur, item sinus pro sumus, & domos genitivo casu singulari pro domus.* In ipsâ quoque orithographiâ, eodem teste, eorum sequi potius opinionem visus est, qui perinde scribendum ac loquamur, existimant. Nam sæpè non literas modò sed syllabas aut permutavit aut præteriiit. Quo sanè loco ad rem nostram nihil adduci potest illustrius. Testis quoque est ipse Tullius lib. de Oratore, suâ ætate fuisse, qui impoliti & consuldò rudium similes & imperitorum videri volebant. Mirum itaque non est, si in ipsâ urbe Româ, cultissimo illo tempore, duplex loquendi ratio fuit, in provinciis latinis sermonem variè corruptum fuisse. Et hic est, quem usualem vocat Sidonius lib. 4. Epist. 10. *Reliquas denuò literas usuali sermone confexo.* Non enim tanti est poliri formulas editione

rituras. Ubi Savaro in notis *usualement sermonem* explicat, sermonem Gallorum, sed impositum.

Memorable quoque exemplum, unde vulgaris linguæ inæ impolities demonstrari potest, in Arnobii super almos commentario, quem Erasmus primum è Collegio Ankentalensi produxit, habemus. Is cum in cæteris libris suo genio illorum temporum & gentis suæ, satis cultè triberet, eloquentiæ professione clarus, qui ad æneam, totorum ætatem aliàs referri solet, sub Constantini M. tempora, in commentariis tamen suis supra Psalmum in linguam expressit, quæ vulgo tunc usitata fuit, ut enim genio se accommodavit, quod in illo nec pro aperitiæ signo habet in præfatione operis Erasmus, nec pro argumento suppositi fœtus. *In hoc opere, inquit ille, tot solacismi reperiuntur, præsertim adeò manifesti, ut vix Holcot & Bricot solacisset crassius.* Declarat hoc tertio exemplo Augustini, cujus orationes ad populum habitæ, non ab ipso scriptæ sed à notariis exceptæ, toto ælo à reliquis ejus scriptis differant. Addit denique Erasmus *ne Romæ quidem eo tempore, quo maxime florebat lingua, omnes locutos, quemadmodum loquebatur Cicero.* Ejus commatis apud illum: *offum pro os, ossis, floriet pro orebis.* de quo verbo August. lib. 2. cap. 13. de doctrina Christiana. *illud etiam quod non auferre possumus de ore cantantium populorum super ipsum floriet sanctificatio mea, nihil profecto sententiâ detrahit.* Auditor tamen peritior vellet hoc corrigi, & non floriet, sed florebit diceretur: nec quicquam impedit correctionem, nisi consuetudo cantantium. Similiter illa sunt: *hoc flos, hoc ros, Aditopare pro per tro-*

pelo.

poligiam applicare & infinita alia, quæ maluit Christianus scriptor usurpare, quam dicere alia quæ non intelligeret vulgus, de quibus omnibus doctissime & uberrime disserit eo in loco Erasmus. Hujus suæ impolitici in sermone apologeticum ipse scripsit Arnobius lib. 1. advers. gent. ubi ad objectam à Gentilibus barbariem respondet: Puerilis sanè atque angustæ pectoris reprehensio, quam si admitteremus, ut vera sit, abjiciamus ex usibus nostris quorundam fructuum genera, quod cum spinis nascantur & purgamentis aliis, quæ nec alere nos possunt, nec tamen impediunt perfrui nos eo, quod principaliter antecedit & saluberrimum voluit esse Natura. Prolixus est in hoc argumento illo in loco Arnobius, qui ibidem testatur, quosdam non abjecisse tantum sermonis cultum, verum cum possent ornatus atque uberius loqui trivialem studio humilitatem secutos, ne corrumpere gravitatis vigorem. Jungi illi potest Augustinus libro de catechizandis rudibus cap. 9. & lib. 2. Confess. cap. 5. ac plurima aliorum Patrum testimonia. Legi quoque potest Carolus du Fresne in Praefat. Glossar. à num. 57. ad num. 62.

Idæ occasione etiam versionis veterum Bibliorum meminisse possumus, quæ & *σολοις* *Φανή* multa continet, & vulgares voces & phrasæ, quas tamen speciosa dissertatione de latinitate veteris bibliorum versionis male accusata assertum ivit Albericus Gentilis. Novi qui de industriâ etiam solœcismos & ineptas phrasæ & formulas, sed vulgaris usus, immiscerent sermoni politico, cujus in publicis procerum conventibus usus esse solet, ne nimirum linguæ nitore vel scholam sapere videretur, vel non satis in-

intelligeretur. Tot supersunt in glossariis Latinis & Græco-Latinis voces, quas ut barbaras hodie damnamus, cum crediderim ego pari cum optimis, quibus Cicero utitur, antiquitate censi debere. Quod vero in usu esse desierunt, multis ex causis contigit, quas mirâ solertia indagavit diligens harum rerum scrutator Christianus Daumius, in libro de causis amissarum linguæ latinæ radicum, cujus beneficio, quandoquidem id opus Virum doctissimum moliri audio, restitutas latinitatis veras ac genuinas radices aliquando habebimus. Horridæ erant antiquæ voces sonique asperi & inamæni, breviores, quarum junctura aures offendebantur. Ut vero mollior esset oratio, delectui verborum studebant oratores, eligebant quæ numerosiora erant & sonantiora. Hinc simplicia repudiabant, assumebant composita, inchoativa, paragogæ, frequentativa. Schematum, Troporum, Synonymorum usus, numeri oratorii observatio, vocum illarum quotidianarum, quæ apud opifices, mulierculas agricolas obtinebant, rarior usus, tot linguæ latinæ radices nobis sustulerunt, quarum copiosum per singula capita catalogum recenset toto illo libro Daumius. Quibus simul junctis in sermone, si nunc quis uteretur, Slavonicam potius, quam latinam linguam loqui videretur.

Ipsa quoque librariorum, & Criticorum audacia multa autorum loca corripit, quorum unguis in Livio nostro adeo deplorant multi, & ipse Gronovius in præfatione suâ: nam antiquis illis genuinis, sed inusitatioribus sua substituerunt, ut pluribus exemplis demonstrat illic Daumius cap. 20. & vel ex unico Ciceronis ad *Assi-*

oum. lib. 16. ep. 12. patet, ubi in MStis Codicibus legitur *via massa* i.e. lutosa, cui intempestivi illi correctores substituerunt inepta, notati eam ob causam à Salmasio in Comment. ad Flav. Vopisci vitam Proculi Tyranni. Apud Vitruvium multæ sunt voces vulgares & plebeie, super quibus integravirorum doctorum Lexica prostant: Vel de solâ voce *Scamillus* scripti sunt integri commentarii. Idem cum Livio factum fuisse notavit Lipsius lib. 4. Epist. quæst. 10. *Non est antiquarius*, inquit, *Livius, fateor: sed nec omnia in eo prostrita & è fece vulgi. Vetus dictiois hand dubiè vestigia extarent, absque correctorum audacia fuisset.* Tot denique singularia in ipso Cicerone occurrunt, quorum perquam multa notata à viris doctis sunt, & Statilius integrum librum congefferat, quæ si apud Cicero- nem loca interjissent, à nemine nunc pro latinis haberentur,

Longè plura itaque olim plebi relicta fuerunt vocabula, quæ maximam partem in usu apud posteros jam Italos, Hispanos, Gallos manserunt, quæ plebea & sordida vocabantur, quorum integrum librum scripsit Lavinus teste Gellio *lib. 20. cap. 11.* ubi in exemplum è M. Varone affert vocem *Sculina*, pro quo qui elegantius loquuntur *sequester* dicunt. Talium vocum, quæ in Hispanica linguâ hodieque habentur, origines latinas è Glossariis cum curâ inquisivit Bernard: Aldrete lib. 2. del origen. de la lengua Castellana cap. 9. suntque e. g. *Ambrones, Astrosus, Asciola, Babiger, Baburrus, Bambalio, Bassatus, Basalia, Ballatrones, Bronco, Bwa, Burra* &c. Hinc vulgaris illa linguâ Romana orta est, quæ tot sordibus in-

qui-

quinata tandem fuit, ut Latina lingua ab illâ distingueretur, eoque nomine appellaretur, quæ nitidior esset & ad genium veterem instituta. S. Gerhardus Abbas Silvæ majoris in vitâ S. Adalardi cap. 8. *Qui si vulgari, id est Romanâ linguâ loqueretur, omnium aliarum putaretur inscius, -- si verò Theutonicâ, exitebas perfectius, & Latinâ, in nulla omnino absolutius.* Hinc sequiori ætate Rusticus ille sermo ortus, qui Romana Rustica dicebatur: quali usus est Ludovicus Germanicus in formulâ foederis, inter ipsum & Carolum fratrem Galliæ regem initi, quam operi suo inseruit Andreas du Chesne tom. 2. pag. 381, quæque ita incipit: *Pro Don amur & pro Christian poplo & nestro commun salvament, dist di en avant, in quans Deus sauir & potir me dunat &c.*

Rusticus ille sermo multis etiam præclaris suo tempore scriptoribus affectatus fuit. Gregorius Turonensis lib. 10. cap. 31. *Mistos libros licet stylo rusticiore scripserim, tamen conjuro omnes sacerdotes Domini, ut nunquam libros hos aboleri faciat.* Itaque Grammaticos nitidiore sc. sermone utentes rusticis opponebant, ut notat Barthius Advers. lib. 51. cap. 5. Imò eò processit Provinciarum æmulatio, ut gentis suæ vocabula latinâ normâ regulâque inflecterent, quemadmodum Græci Latina, Latini Græca: unde tot ortæ sunt barbaræ voces, quarum Glossaria integra à Vossio, Spelmanno, Lindebrogio & aliis scripta, quæ ob imperitiâ linguæ domesticæ, è græcis latinisque fontibus arcessuntur, cum sint purè Gallica, Germanica, Saxonica, Brirannica. Talia magno numero vel apud unum Spelmannum occurrunt ut *ania*

ein Au. (pratum) Balatiferum, Wallfahrt. Billagines
 Beylagen. Crota, Grotte. Custagium, Kosten. Dur-
 pilum Thümpfeiler. Eivocius, (primogenitus) Einig/
 Extalium Außzahlen. Fegangi Gefangen (per trans-
 positionem) Folgarii Völk. Friscus Frisch. Gafan-
 dus Gefändet. Gwalstonum Wahlstatt. Haderunga
 Haderung. Hakedus Häcket/Hecht. Hursta, Horst.
 (Sylva) & plurima alia in Fleta, Legibus Salicis, Burgun-
 dicis, Ripuariorum &c. quibus recensendis non est ut
 immoremur. Ipsi quoque Latini barbaras voces ad suæ
 linguæ sonum flectebant, ut præcepit Quintilian: lib. 2.
 cap. 9. Quod Thuanus quoque in Historiâ suâ imitatus
 est in Gallicorum nominum formatione, quâ in re à
 nonnullis reprehensus est.

Et illa loquendi ratio barbarismus olim dicebatur.
 Diomedes lib. 1. de Oratione hos rusticos scriptores vo-
 cat, qui rusticitatis enormitate incultig, sermonis ordine
 fauciant, imò deformant examissim normatam orationis in-
 tegratam, politumq; ejus lumen infuscant ex arte prolatum.
 Et si Gellius inter barbaros & rusticos distinguere videtur,
 lib. 13. cap. 6. Quod nunc autem barbarè quem loqui dici-
 mus, id vitium sermonis non barbarum esse, sed rusticum, &
 cum eo vitio loquentes rusticè loqui dictabant. Scilicet
 cum secundum Varronem de L. L. naturâ, analogia, con-
 suetudine, autoritate, latina lingua constet, si quid adver-
 sus illa peccatum est, vel barbarismus, vel solœcismus est.
 Utroque autem oppletum fuisse sermonem rusticorum
 manifestis exemplis constat, nisi forte antiquior ille ser-
 mo rusticus recentiori illo purior videri possit: nam &
 humi.

humilitas verborum rustico sermone notatur, quem pedestrem sermonem vocabant Vopiscus & Trebellius Pollio, de quo Salmasius ad Hist. Aug. Script. p. 286. Sed variaz barbarismi acceptiones sunt, de quibus nunc non agemus. Recentior verò ille sermo Romanus Rusticus, qui prava interpretatione, κακοζήλια linguæ latinæ, tabellionum & notariorum imperitia, primum crevit, in singulis gentibus Gallis, Hispanis, Italis novam aliquam formam adeptus est. Sed Romanæ linguæ titulum apud Gallos non solum, in quibus Provincialis lingua hoc nomine salutabatur, sed & apud Hispanos retinuit, etsi apud hos & Italos Limosinæ nomen quoque accepit, de qua plura vid. apud Carol. du Fresne in *Prefat. Glossarii* n. 34. 35. 36. Hinc illæ hodieque usitatae Italarum, Gallorum, Hispanorum linguæ, quæ *Romances* olim dictæ, unde & fabularum illarum *Comicarum Romanciorum* nomen deductum.

Videmus ex his quæ adduximus, quanto molimine Romani scabras illas, plebejas, & rusticas voces è sermone suo expurgarint: unde plus peregrinitatis in sermonem Romanum inferri potuit; quam ex ullo municipali dicendi genere. Quid quod in Romanis Scriptoribus ipsis hanc plebitatem & peregrinitatem nonnulli notarint. Scioppius in Vitruvio optimi seculi autore, aliquam plebitatem ac peregrinitatem agnovit; multa enim in illo sunt singularia, non tantum quod ad voces singulas spectat, tam illas, quarum in arte Architectonicâ usus est, quam alias, sed & phrasæ: forte quod familiarius ei loquendum fuit, ut populus, quæ scriberet, satis intelligeret.

Id ipse agnoscit cap. 1. lib. 1. *Peto, inquit, Caesar & te, & ab his qui mea volumina sunt lecturi, ut si quid parum ad artis grammaticae regulam fuerit explicatum, ignoscatis. Namque non uti summus Philosophus, nec Rhetor decenter, nec Grammaticus summus, sed ut architectus his literis imbutus, hac visus sum scribere.* In illo hoc notavit Barthius lib. 24. *Adv. c. 12.* quod plurali delectetur, cum numero unitatis possit esse contentus, quod & forte Romanum videri possit, cum idem lib. 40. *Adv. c. 12* à Romanorum consuetudine provenire autemet, quod plurimum numero unum alloquamur. Romanus certe sermo numerosam & plenam dictionem requirit. Sed idem mos etiam in popularibus linguis obtinet, de quo extat elegans Celsi Cittadini libellus. In Virgilio nonnulli rusticas locutiones sibi observare visi sunt, ut in *Eclogis, Cujum pecus*, quod ipsum scienter ac prudenter posuisse interpretes vetus existimat, ut vitaret ὁμοϊσλισμόν. Cui eam ob causam ita illudum est: *Dic mihi Damata, cujum pecus, anne, Latinum?* Non, verum *Agonis, nostri sic rure loquuntur.* Nequid dicam de barbarissimis, quos in illo ineptus veterum & recentiorum autorum Censor Claudius Verdierius, deprehendere sibi visus est, è quo hæc ut multa alia deprompsit Leo Allatius in libro de erroribus magnorum virorum in dicendo. Imò & solœcismos aliqui notarunt, quibus obijciendis etsi parciore est Servius, aliquid tamen solœcophanes passim notat, quæque ab aliis notata sunt, nec refutat nec excusat. Sed longe aliter de Virgilio judicat acerrimus Censor Rapius in Dissertatione de Carmine Pastoralis, qui Virgilium in bucolicis

iisdem

iisdem verbis usum esse ait, quibus in foro & Senatu Tullius. *Tam purè, inquit, Latineque loquitur Tityrus in umbra fagi, quam ipse in palatio Caesar Augustus. Quod non facturus à Theocrito, cuius Musa rustica & pastoralis, inquit Fabius, non forum modo, verum etiam ipsam urbem reformidat.* Gravis enim in urbe videbatur Doricæ pronunciationis vastus ille agrestisque sonus ad rusticitatem sermonis exprimendam magis accommodatus. Ac præter hanc in sono & dialecto, erat ipse quidam rusticitatis character Theocrito affectatus, cuius quæ sint partes Vavassor de ludicra dictione à p. 107. ad p. 125. declarat.

Non tamen simpliciter ego probem illud Probi, qui multo majori negotio bucolica scripta à latinis quam à Græcis autumat, quod non diversus sit ab urbano sermo rusticus apud Latinos, ut est apud Græcos: Nam ideo non minus negotii Theocrito datum fuit, quod rusticum sermonem voce & sono exprimeret: ut de Latina lingua falsum est, eundem fuisse rusticum & urbanum sermonem. Saltem pronunciationem diversam fuisse, ipse Cicero innuit. lib. 3. de Oratore, cuius hæc verba: *Rustica vox & agrestis quosdam delectat, quo magis antiquitatem, si ita sonet, sermo eorum retinere videatur, ut tuus, Catule, sodalis L. Costa gaudere mihi videtur gravitate linguæ sonor, vocis agrestis & illud quod loquitur priscum visum iri putat, si plane fueris rusticum.* Et paulo post: *Quare Costa noster, cuius tu illa lata, Sulpici, nonnunquam imitaris, ut iota literam tollas & e plenissime dicas, non mihi oratores antiquos sed messoris videris imitari.* Neque pronunciatione tantum sed etiam, ut I. L. Vives de ratione dicendi

cendit lib. 2. iudicat, quibusdam vocibus pagorum propriis rusticis ac urbanis differebant, parum tritis ore civitatis, tam immutatione literarum aut syllabarum quam metaphoris & omnibus similitudinibus atque exemplis de agro sumptis, quod videre sit in vetere Romano sermone, fuisse enim olim eum populum rusticum, phrasi, argumentis, sententiis, pronuntiatione crassa.

CAP. VII.

Quæ Romani & urbani sermonis genius? Duo in Oratione spectanda: Materiale & Ideale. οὐκίνητα & ἡδονα in urbana dictione. Illa quibus constet. λέξις, dictio Civilis unde aestimanda. In his quoque vocum selectus Observatione assiduâ habendus. Laus Antonii Schori. Ratio observandi. Vocum usus & seorsim & junctim considerandus, & junctarum vocum ordo. ἡδονα orationis urbana. Prima ejus idea ἀφέλεια simplicitas. Romana simplicitas, Romanè & Latine loqui, id est planè. Latine & Grammaticè loqui sibi opponuntur. Simplicitatis character etiam aliis communis. In Bucolico carmine regnas. Simplicitati jungitur suavitas. Illa præcipue obtinetur translationibus. Translationum magna varietas. Translationes simplices, venustæ, ex usu auserum Classicorum aestimari debent. Grammaticorum in Translationibus colligendis magna negligentia. Earum collectio suadetur exemplo Robortelli & P. Mesellani. Translationes sequiorum temporum facile dignoscuntur à Romanis. Flori audacia in Metaphorâ notata. Nero-

Neroniani temporis phrasis ab Augusto discrepat. Cum simplicitate & suavitate ὁξύτης s. argutia concurrat ad sermonis Latini Urbanitatem. ἐπιπλάσι & εὐθύτης. Romani sales, Urbanitas Romana. Urbana elocutio qua in re consistat, ex sententia Aristotelis. Urbanitas Attica. ἑῷ γὰρ Urbani. Urbanitas viris utitur accensetur. Ad urbanam orationem spectat & concinnitas in clausulis, compositio verborum. Urbanitas sermonis à Cicerone descripta, ad exemplum Atticissimi, item à Balzaco. Exemplum huius urbanitatis & peregrinitatis in Gallica & Italica lingua. In hac Florentinitas quibusdam notata. Voces Latina secundum auctores & aetates exigenda. Maffai exemplum. Bernardini Parisbenii Spilimbergii monisum.

AD Romani & Urbani huius sermonis genium penitus scrutandum nos jam convertimus, præsertim, cum viris eruditis adeò difficile visum sit illum imitando assequi. Scaligeri hæc quærelæ sunt: *Ad fastigium barbariei pervenimus, non habes quò ulterius progressum faciat. Jam stat in præcipiti. Multi Latine, pauci Romane loquuntur, & si quis forte Romani, at rari illum Ciceroniani seculi genium assequuntur. Quare Victorinus in Grammatica sua latinitatem definit, quod sit observatio incorrupta loquendi, secundum Romanam linguam.* Sunt scilicet in oratione duo præcipue spectanda. Primum verba eorumque structura, deinde quod ab animo & cogitationibus nostris verbis quasi imprimitur. Est enim animi character oratio. Materiale & Ideale vocat Cordemozus in elegantissimo de loquela tractatu. Illud autem in verbis, eorum formatione,

pronunciatione, structurâ consistit. Hoc vero omne illud quod ab animo dependet involvit, sive id à moribus, sive affectibus, sive rationibus, sive quacunque dicendi formâ procedat. Sunt vero illæ dicendi formæ variez, quarum septem principes constituit Hermogenes, interque eas aliquæ magis ad primam partem pertinent, aliquæ magis ad alteram. Verum de utraque singulæ tamen participant.

Quod si illam linguæ latinæ proprietatem consideremus, quam urbanitatem dixere veteres, nos Romanitatem dicere possimus, atque ad Hermogenis ideas expendamus, præcipuas in eâ deprehendemus *σαφειαν* perspicuitatem, & ἡδὺ moratum sive affectum loquendi genus. Illa ad verba potissimum refertur, hæc à moribus in orationem infertur. Utrique parti & singulis ideis octo sunt partes, sententiæ, methodus, dictio, figuræ, membra, structura, clausulæ, numerus Oratorius; quæ quasi membra, externa sunt, unde corpus illud orationis componitur. *Σαφεία* omnium prima est, ac per se & semper inesse debet orationi, suntque ejus partes duæ *καθαρὴς* & *ευχερής*, sermo purus & dilucidus. Singulæ pene conveniunt, nisi quod *ευχερής* magis in methodo & collocatione verborum ac sententiarum versatur, ac facilem & plenum orationis cursum efficit, ac secundum octo illas partes considerari debent. Nam 1. *Sententiæ* debent esse usitatæ, non implicitæ, perplexæ, reconditæ. 2. *Methodus* & tractandi ratio simplex & facilis, sine ambagibus, trajectionibus, hyperbatis. 3. *Dictio* usitata non affectata & obsoleta. 4. *Figura* in primis

primis illa, quæ vocatur ὁρθότης, ita ut non facile vel πλαγιασµὸς vel σύγχυσις hic locum habeat. 5. *Periodi* mediocres. 6. *Compositio* & *structura* verborum non quæsitæ, ac anxie ornata, nec tamen sine omni ornatu. 7. *Clausula* non adeò ad artis normam fabricatæ. 8. *Rhythmus* sive Numerus, in quo non nimia cura adhibenda.

Præcipuum in his omnibus locum obtinet λέξις sive *Dictio*, *Compositio* ac *collocatio* verborum. Consistit vero illa in verbis & phrasibus quæ civilis usus sunt, non tamen protritæ, plebejæ & sordidæ. Consuetudo enim illa secundum quam dignosci verba & phrasæ debent, est consensus hominum eruditorum & prudentiorum, quorum appellatione complector eos, qui non modo naturam sermonis probè cognoverunt, verum etiam usum & copiam bonorum verborum didicerunt. In illis respiciendum est ad verborum proprietatem sensum & compositionem. In propriis delectus quoque instituendus, ut usitata, significantia, sonora & apta cæteris præferantur. Ad sensum, qui & verborum & rerum est, faciunt verba, quæ plus significant, quam loquuntur, in quibus emphases sunt, quæ evidentiam præstant orationi. Collocatione apta nihil est in Oratione magis necessarium, ut vel sola illa ineptam & peregrinam reddere orationem possit, si videlicet adjuncta sæpe disjungantur à suis nominibus, substantiva verbis vel epithetis indecorè vel præponantur, vel postponantur & similia. Quæ continuâ & attentâ lectione Autorum latinæ linguæ purioris illius & aureæ ætatis, observari debent. Quam obser-

vandi rationem nemo explicatius proposuit, quam Antonius Schorus in illâ sua Methodo discendæ docendæque linguæ latinæ, nunquam satis laudandâ, & in præfatione Phrasium Ciceronianarum, quam Franciscus Vayassor delicatus alioquin autorum Censor, in suo de *Epigrammate* libro meritò auream vocat. Quoniam vero tria sunt in omni oratione: nomina, verba, particule, quæ singulis vis sit, probè notandum est. Ea vel sic seorsim, vel inter se juncta considerantur. Si prius: circumspicienda sunt sive nominum sive verborum vel synonyma, vel cognata, vel antitheta, vel epitheta; vel quibus illa, attribuuntur personis, temporibus, locis, rebus, unde & proprius eorum sensus, & quo aliæ ab illis distinguuntur, cognoscitur. Si posterius: diligenter notandum, quæ inter se voces jungi solent: nam verba interdum & adjectiva junguntur certis nominibus, quæ aliis juncta minimè latina videntur, vel saltem ad Romanum palatum non sunt. Sanè Antonius Civis Romanus Ciceroni latinè loqui visus non est, cum scripsisset *facere consumeliâ & denuntiare timorem*, quod vulgò ea non jungerentur. Et hæc quidem re potissimum peccari adversus Romanæ linguæ genium certum est, quod verba & phrasæ subjectis jungantur, quibus illæ non conveniunt, quod verba male collocentur. Nam etsi apud autores phrasis aliqua bona est in se spectata, aut ex rei indole, cui tribuitur, considerata; inepta fit, si personis, rebus, locis aliis applicetur. Quod sexcentis exemplis demonstrare poteramus, si nunc id ageremus, ac ipsius Germanicæ linguæ accuratior observatio nobis ob oculos sistet, si peregrinæ nationis homines illam loqui audiamus. Insignia ejus rei exempla in sequen-

orum

orum ætatum scriptoribus deprehendemus, & quibus unum illud instar omnium esse possit, quod habetur apud Ammian. Marcellinum initio libr. 23, ubi restaurationem templi Hierosolymitani à Juliano irritò conatu procuratam describit, in quâ oratione ipso sono & sensu & transpositione quoddam peregrinum rusticum & inconditum observes. Oritur hinc *συχυσις* trajectio, quæ *μίσθοδορ* in oratione vitiat, qualem in dilucidò genere omnino fugiendam præcepit Hermogenes. Magnæ itaq; nobis curæ erit verba illa, quæ se mutuo, quoque ordine consequantur, quæ verborum sint mutationes diligenter observasse, de quibus pauca Grammatici, longè plura & propemodum infinita usus subministrat. *Quis non perinde esse putet?* (inquit Vossius de Poëmatum cantu p. 42.) si quis dicat: *Vir optimus est. Auribus tamen minimè satisfacere credebatur, si quis vel in communi sermone posterius usurpasset.* In particulas accurata impendenda est industria, quâ ratione membra orationis connectant, se mutuo respiciant, quibus verbis convenient. Cujus rei vastitatem si expendo, penè est ut nihil hætenus factum esse pronunciem. Nec enim credet quis, quam multa hujus argumenti & pene innumera observari possint. Sed mittam nunc illa: nam peculiari aliquando dissertatione de *Purâ dictione* fusius de his agam.

Illud quod ab animo & moribus accedit Romano illi & puro sermoni est idea, quam 79⊙ vocat Hermogenes. Ab ingenio enim & moribus tum nationis tum hominum singulorum, præcipuè illorum qui Reip. præsunt ac eruditorum, ille color quasi & succus orationis venit.

nic. Idem illud quod his omnibus constat civile genus esse dixerim, quod adeò commendat Hermogenes lib. 2. περιειδῶν. c. 10. de quo ille: Φημί τάλυν δειν ἐν τῷ τοιαύτῳ λόγῳ πλεονάζειν ἰδὼν αἰεὶ. πότῃ τὴν σαφήνειαν πειῖστα τύπον, καὶ πὺν ἡθικόν τε καὶ εὐθεῖαν, καὶ μὴ τῶς λόγῳ γοργόν. Dico oportere in hoc dicendi genere (politico) copiosum esse in iis, quae efformant perspicuitatem, & moratum sermonem & sincerum, & post illa concisatum. In quibus requisitis tertium ad orationem potissimum pertinet, cetera duo in primis σαφήνεια, cui opponitur δυσκινασία & ἀσάφεια ad hanc orationis formam per se spectant. Sed de civili eloquentia quatenus oratoria ars in eâ spectatur, uberrimè egit singulari & doctissimâ dissertatione Böclerus.

Moratæ Orationis prima idea est ἀφέλεια s. simplicitas, per quam oratio est nuda, sine fucorem declarans, citra ambages, circuitiones, habetque illa partes cum idea τῆς σαφήνειας & καθαρότητος convenientes. Ita enim Hermogenes lib. 2. περὶ ιδεῶν c. 3. καὶ τὰ πρὸς ὁμολογέμενον, ὡς αἶγος καθαρά ἐννοιαὶ πάντως αὖ εἶναι καὶ ἀφελῆς. αἶ γάρ αὖ ἀφελῆς καὶ καθαρά. Illud constat omnes sententias puras omnino quoque esse simplices: ac rursus quæ sint simplices, illæ etiam sunt puræ. Non existimandum est simplicitate extenuari eloquentiam, quâ ornatur illa maxime, ut vinum & aurum, quo simpliciora, eò præstantiora sunt. Decantata illa Romana simplicitas apud Oratores & Poëtas est. Martial. lib. 11. cap. 21.

Absolvit lepidos nimirum Anguste libellos.

Qui scis Romanâ simplicitate loqui.

Verùm illic nequam sensus & plusquã duplex sub illa simplici-

plicitatē reconditur. Hinc vocēs illæ Romanæ & Latine loqui pro simplici & planâ oratione accipiuntur. Ita Cicero in Epistolâ ad Trebatium *Romano more loqui* appellat, quod nos rem simpliciter & candidè enarrare. Idem Philippi: septimâ *Gladiatorem appellavi, ut appellant ii, qui planè & latine loquuntur*, & Verrinâ quarta *Latine me scitote non accusatorie loqui*. Imo *Latine* & obscurè loqui sibi opponi solent, uti & *Latine* & *Grammaticè*, quod Grammatici plus fuci & artis inferre in orationem videantur, regulisque suis libertatē sermonis adstringant. Fab. lib. i. c. 10: *Non invenustè dici videtur aliud esse latine aliud Grammaticè loqui*. Neque enim statim latina est oratio, quæ grammatica, etsi latinam orationem grammaticam esse oportet. Est enim aliquid in collocatione verborum, quod omne à consuetudine dependet, de qua ne cogitant quidem Grammatici, & quod præceptis comprehendere non potest, sed solâ & continuâ observatione discitur.

Simplicitas hæc ut alicui dictionis generi per se competit, ita & cæteris omnibus, sed aliis quibusdam Orationis virtutibus juncta. Nam & gravitas & splendor & magnitudo à simplici quidem oratione differt, sed illi tamen non repugnat, imò illam præsupponit, ut materiam, cui formæ illæ induci debeant. Cum enim duo sint eloquendi genera, alterum *πρῶτος* Aristoteli dictum, nativum & sponte suâ fuscum; alterum *πῆλαιορμος*, vorseum scilicet & muratum, & oratorio artificio excultum, etsi illi magis competat, tamen neque hoc sine illâ virtute esse potest. Hermogene; *lib. 1. de form. c. 4.* sub finem docet usum

usum & copulationem perspicui & dilucidi generis cum amplo, sublimi vel magno: idem *lib. 2. c. 2.* de morato genere, cujus species est simplicitas ait: se non illud vocare solum, quod per totam orationem necessario debet apparere, quemadmodum color in corpore, sed etiam quod naturâ comparatum est, ut misceatur ubique & in vehementi genere & in aspero & in aliis omnibus. Præ cæteris Bucolicum genus illa ornat, ut omni ex parte illa elucere debeat. Quam sic repræsentasse non tenuis sed magni ingenii res est, ut præclarè demonstrat in laudatâ de Carmine Pastorali dissertatione Rapius.

E Simplicitate alius sermonis Romani characteris mus efflorescit, *Suavitas* scilicet, quæ quibus sententiis obtineatur; prolixè demonstratum est ab Hermogene ejusque doctissimo Commentatore Sturmio, quæ omnia hujus loci non sunt. Suavem vero orationem præcipuè efficiunt *Translata*, quorum singularis ratio habenda est. Sunt verò illa non unius generis & penè singulis dicendi formis propria. Sunt sublimia, venusta, Poëtica, inq; his quædam Comica, Tragica, Lyrica & sic deinceps. Quæ magno feligere judicio oportet, & nos aliquando in Poëticis nostris modum ostendemus, quo translata poëtica in hunc usum colligenda, plus utilitatis, quam omnia illa æraria habitura. Simplicitatem Romanam non nisi sui generis ornant translata. Qualia in Cicerone, Nepote, Cæsare, Terentio & similibus scriptoribus observanda & singulari curâ colligenda sunt. *Habet, (si Quintilian. lib. 8. c. 3. audimus) ipsa a Phœbea simplex & in affectata, quendam purum, qualis etiam in feminis amatur,*
or.

ornatum, & sunt quædam velut à tenui diligentia circa proprietatem significationemq. mundities. Sed neque in Cicerone ipso omnia ejusdem generis sunt translata. Est enim ubi Orator paululum à simplicitate deflectit, & iis utitur translationibus, quæ ~~maximè~~ dicuntur, quo nomine etiam Demosthenem exagitavit Æschines. Est ubi simplicitas sine translatis ornat, ut in Lysia Halicarnass. commendavit, quod tropis abstineat & simpliciter res indicet, nec tamen rerum magnitudinem imminuat. Quâ in re desidero Grammaticorum & Philologorum industriam, qui cum anxie satis & sollicitè epitheta, antitheta, adverbia, synonyma in Cicerone excusserint, de translatis ne cogitarunt quidem. Fr. Robortellus Comm. in Aristot. Poëticap. 264. consilium id suppeditat, ut colligamus translata. *Nostra hæc aetas*, inquit, *putat nil utilius esse, quam ex veterum libris, qui dicendi laude floruerunt, omnes translationis formas modosaq. colligere, ac animo ita complecti, ut pro suis aliquis utatur, quando opus fuerit: periculum enim est, si ex se confingat, ne disparem habeant analogiam, ne duriores sint, ne minus cognita, ne inusitata.* Vidit hujus rei utilitatem P. Mosellanus Græcæ linguæ in Academia Lipsiensi Professor, & quod ad laudem ipsi satis est, magni Camerarii Præceptor. Ut enim semper illustis hæc Academia elegantioribus studiis floruit, & in hunc diem floret, ita hæc quoque in re de literario negotio bene mereri potuisset, si Mosellani sui fatum non obstitisset. Ita enim de ipso Melchior Adam in vitâ ejus: *Erat Mosellanus Metaphorarum observantissimus earumq. à Cicerone aliisque optimis scriptoribus magnæ aceruum collectarum instar adagiorum Erasmi editarum opus,*

Annos aliquos supervixisset. Ego certè quoties hæc lego; hujus operis jacturam deploro: Nam dici profecto non potest, quantum in Metaphorarum recto usu positum sit, quam latè illarum vis in omnes eloquentiæ partes valeat. Quemadmodum sc. si loco adhibitæ vehementer ornant orationem, ita nihil magis orationem corrumpit, si prava sint, & repugnante usu & autoritate ex ingenii libidine & lasciviâ confictæ. Omnia enim penè styli vitia ab harum pravo usu pendent, neque alio magis characterismo Romani sermonis corruptela, quam illo nascitur. Inde enim prima linguæ Romanæ corruptela, estque hæc jam suo tempore Quintiliani querela: *A corruptissimo quoque Poëtarum figuras & translationes mutuamur, tum demum ingeniosi scilicet, si ad nos intelligendos opus sit ingenio.* Eminentioris certè naris Critici statim subolsaciunt, ubi aureæ ætatis scripta cum sequioribus conferunt. *Quod si Ciceronianas translationes,* (inquit Robortellus loc. supr. citat.) *& eorum qui eadem ætate vixerunt conseras cum illis, qui postea scripsere jam labefactatâ ac corruptâ Romanorum linguâ ob infusam peregrinitatem videas multum discrepare, magisque capiere illis quam his: venusta illa sunt, pares ac convenientes rebus, nota, apta, ac suaves, remque ob oculos ponunt, quasi præsentem intuearis: hæc horrida obsoleta, & à rebus ignotis ducta, dispares.* Vel in uno Floro luculentum ejus exemplum est, cujus translatis & argutiis, ut cætera sic satis proba, nihil interdum est ineptius, quod certissimum labefactati sermonis argumentum. Vide quid de eo Censor harum rerum acerrimus, magnusque amicus noster Grævius in Præfatione commentarii sui doctissimi moneat. Imo & in iis qui Florum præcesse-

runt

runt, illa Translationum licentia notabilis est. Qui Augustum ævum sequebatur Petronius jam tum aliquid illius labis contraxit, quem qui imitantur ejusdem succi aliquid trahunt. Huc etiam Scaligerum respexisse puto. cum in Baudio notaret phrasin Neroniani temporis, quod de illo iudicium Fratres Puteani in Excerptis consignarunt. Nostra vero quæ Romanum sermonem ornant translata, plane alterius generis sunt & talia, qualia è Robortello supra descripsimus: quibus illa Romani sermonis suavitas maximam partem consistit, inprimis si figuræ, numerus aptus, qualis simplicitatem & suavitatem decet, accesserit. Scitè Hermogenes lib. 2. περὶ ἰδεῶν c. 3. ἡ γλυκύτης οἷον καλλὶς τι τῆς ἀφελείας ἐστίν. Suavitas est tanquam pulchritudo simplicitatis. Et ibidem Suavitatem vocat ἀσπίρη ἐπιτάσιν ἕνα τῆς ἀφελείας velut intensionem quandam simplicitatis. Quibus ὥρα & ἀβρότης ab illo additur.

Porro inter Romani styli caracterismos est ὀξύτης argutia. Et si enim Hermogenes loco laudato dicit argutiam pugnare cum simplici genere: δεινότης γὰρ ἰδίον τὸ ποιῆσαι, inquit, tamen ille distinguit argutias. Vocatur enim illud argutiæ genus, quod simplicitati convenit ipsὶ ἐπιτάσιν βαθέτης superficialis profunditas. Nudus verò ille mentis conceptus, qui superficialiter producitur, quamvis sit profundus & reconditus, tamen illi videtur efficere genus orationis simplex. Ibidem ille ait, αἱ δριμύτιαι λέξεις ὡς ἐπὶ τὸ πλεῖστον γλυκύτητα ποιοῦσιν ἐν τῇ ἀφελείᾳ. Acutæ voces ut plurimum efficiunt suavitatem in simplicitate. Efflorescit itaque ex ipsâ re & verbis hæc argutia, quam ideò superficiale[m] vocat Hermogenes,

quia non altius petita est, ut in ipso arguto genere. Et hæc argutia, quæ tamen ad jocos propius accedit in Romano sermone Romanus sal dicebatur. Ita Martial. libr. 3. Epigr. 3.

At in Romano lepidos sale tinge libellos.

Agnoscas mores vita legasq; suos.

Commendathos sales ipse Cicero, quo nemo felicior in illis spargendis erat lib. 9. Epist. 15. ad Papirium Pætum scribens: ait enim sibi non quasvis aut cujusvis nationis facetias placere, sed Romanas veteres atque urbanas. *Accedunt, inquit, non Attici sed falsiores quam illi Atticorum, Romani veteres atque urbani sales. Ego autem, existimes licet quod lubet, mirifice capior facetiis maxime nostratibus.* Hi sales urbanitatis nomine veniebant. Cic. ad Curium epist. 31. lib. 7. *Vides exaruisse jam veterem urbanitatem. Veni quæso, ne tantum semen urbanitatis unâ cum Rep. intereat.* Eodem libr. Epist. 32. ad Volumnium. *Urbanitatis possessionem, amabo quicquid interdictis defendamus.* Alibi vocat subtilitatem veteris urbanitatis & humanissimi sermonis.

Hujus Elocutionis urbanæ ideam optimæ delineavit Aristoteles Rhetoric. libro. 3. cap. 10. quæ non per γλῶσσαι & externa vocabula, nec per propria, quia nimis nota, sed per translata & imagines celerem in nobis intelligentiam gignit, atque ex eâ intelligentiâ voluptate nos afficit, cum nihil magis jucundum sit quam discere. Nullum autem accuratius hujus Romani nitoris exemplum est, quam si se menti legentis vel audientis statim ingerat. Quemadmodum oculi formâ insigni conspectâ

specula ejus imaginem menti statim sistunt, quæ vel admiratione vel amore statim percellitur, ut Musæus :

ὀφθαλμοὺς δ' ὁδὸς εἶναι ἀπ' ὀφθαλμοῖο βολαῶν
ἔλκετο ὀλιγαίρην ἢ ἐπὶ φρένας ἀνδρῶν ὁδεύει :

Ita suavi & ipso aurium judicio mens nostra celerrime per hanc κατὰ φύσιν & εὐκρίνειαν in oratione comprehendit.

Quæ Romano sermoni Urbanitas propria erat, eadem quoque Attico, imò ab Attico in Romanum illata est. Idem enim urbi utrique eloquentiæ semper studiū fuit, eadem orationis cultura. Imo vero fatetur Quintilian. an. lib. 10. c. 1. sermonem Romanum non recipere illam solis concessam Atticis Venerem. In Atticis illa dicebatur εὐγενεία, & εἰρωνες urbani homines, quo nomine Socrates quoque appellatus fuit. Anacharsis apud Lucianum Athenienses vocat εἰρωνας ἐν πῶς λόγοις & M. Seneca in Suasor. nasum Atticum. Hujus urbanitatis lineamenta, eleganter duxit Arist. 4. Eth. c. 8. nam & inter virtutes locum aliquem obtinuit urbanitas, quæ ingeniosis facietis tempore & loco idoneo utitur. Quæ si ulli genti, Romanis ceretè propria & nativa fuit.

Nemo non ex his quæ dissertavimus videt in puritate, simplicitate, suavitate atque argutiâ sitam esse Romanam illam Urbanitatem, quibus addo concinnitatem in clausulis, quam ad simplicitatem etiam Hermogenes requirit. Sed illa pro genere dictionis variat. Id tamen certum est, quod Hermogenes monebat, clausulas & ex-tus periodorum & partium Orationis in simplici h-
ra-
tione

atione esse firmas ac stabiles magis, quàm in illà oratione, quæ rapitur & pendula est. Dionys. Halicarnass. de stylo Lysiae Oratoris Græci dicebat esse in eo *ὁμοῖον τῷ ἰδιώτῃ μυσθόν*, id est, talem compositionem, quæ videatur proficisci ab aliquo, qui artis ignarus est. Similem illa laboratam & simplicem, sed convenientem & jucundam in Corn. Nepote & Jul. Cæsare observat Bœclerus dissertatione de comparandâ latine lingua facultate c. 2. §. 10. & ex iis præcipuè discendam suadet, ad quem tamen vix doctissimum quemque adspirare posse arbitratur. Et in hac verborum compositione Dion. Halicarnass. pulchritudinem Orationis præcipue reponit. Eam ob causam judicarunt quidam suavitatem esse in Xenophonte, non autem pulchritudinem & pulchritudinem in Thucydide, non autem suavitatem, utrumque in Herodoto, de quâ jam supra egimus.

Ipse denique nos Cicero doceat, quis Romanus sermo sit. Ita enim ille in tertio de Oratore: *Me tuus sonus & suavis ista delectat, omitto verborum, sed hanc dico suavitatem, qua exis ex ore: qua quidem ut apud Græcos Atticorum, sic in Latino sermone huius est urbis maxime propria.* Et post pauca interjecta. *Quare cum sit quædam certa vox Romani generis urbisque propria, in quâ nil offendi, nihil displicere, nihil animadversum possis, nihil sonare aut olere peregrinum, hanc sequamur: neque solum rusticam asperitatem sed etiam peregrinam insolentiam fugere discamus.* Quintilianus ita urbanitatem describit lib. 6. c. 4. *Urbanitate significari video sermonem præ se ferentem in verbis & sono & usu proprium quendam gustum urbis & sumptam*
ex

ex conversatione doctorum tacitam eruditionem: denique cui contraria sit rusticitas. Et in eodem capite: Meo iudicio illa est Urbanitas, in qua nihil est absotum, nihil agreste, nihil inconditum, nihil peregrinum neque sensu nec ore gustare deprehendi possit, ut non tam sit in singulis dictis, quam in toto colore dicendi, qualis apud Græcos Atticismus redolens Athenarum proprium saporem. De hac Atheniensium urbanitatis studio Demetrius Phalereus libr. de Elocution. πλάσια λαλῶσι πάντα οἱ Δωριεῖς: Διόπερ ἔδὲ ἐκωμόδων δωρίζοντες, ἀλλὰ πικρῶς ἡττικίζον. ἢ γὰρ ἀττική γλῶσσα σπινεράμα μόνον ἵ ἐχει καὶ δημοσίον, καὶ ταῖς ποικύταις ὑπεραπειλαῖς πρέπον. Lata omnia loquuntur Doræ. Quare neque cum aliquos notabant urebantur Dorico sermone, sed amare Atticissabans: lingua enim Attica rotundum quiddam habet & populare & huiusmodi urbanitatibus aptum.

De hac Urbanitate & Romano tum animi tum sermonis caractere, cum Vir ad elegantias omnes factus Balzacus multa dissertasset in Gallicis suis opusculis, eorumque uno, quo de Conversatione Romanorum agitur, asserere non veretur omnes Græcorum Veneres omnemque Atticismum à Romanorum Urbanitate esse extinctum, diuque illam apud Romanos in usu fuisse, antequam nomen ejus nosceretur. Ejus quandam quasi ideam representaturus, his tam verbis declarat, quæ ob miram eorum venustatem, quodque illa, quæ hactenus à nobis dicta sunt, præclarè explicant, apponere non gravabor. *Sois que ce mot exprime un certain air du grand Monde, & une couleur, & teinture de la Cour, qui ne marque pas seulement les paroles & les opinions, mais aussi le son de la*
voix

voix & les mouuemens du corps. Soit qu'il signifie une impression encore moins perceptible; qui n'est reconnoissable que par hazard; qui n'a rien qui ne soit noble & relevé, & rien qui paroisse ou estude ou appris, qui se sent & ne se void pas; & inspire un genie secret, que l'on perd en le cherchant. Soit que dans une signification plus estendue il vüille dire la Science, de la Conuersation, & le don de plaire dans les bonnes compagnies. Ou que le mettant plus à l'estrois, on le prenne pour une adresse à toucher l'esprit par je ne scay quoy de piquant, mais dont la piqueure, est agreable à celui qui la recoit; parce qu'elle chasonille & n'ensame pas: parce qu'elle laisse un aiguillon sans douleur, & resueille la partie, que la mesdisance bleffe. Tant y a, qu'au iugement d'un grand Juge de pareilles choses, c'estoit une connoissance, dont les Grecs ont abusé; que les autres Peuples ont ignorée, & de qui les seuls Romains ont seu le vray & le legitime usage: Leur ayant esté si propre, & si incommunicable à leurs plus proches voisins, que ceux d'Italie mesme n'ont pü l'acquérir sans quelque déchet, ny la contrefaire si finement, que la ressemblance n'en fist remarquera diversise.

Qui dictionis Urbanæ & oppidanæ diversitatem accuratius indagare, ejusque quasi quandam imaginem sibi ob oculos ponere vult, hodiernam ille Gallicam, qualem Lutetia Parisiorum loquuntur homines elegantiores cum provincialium sermone conferat. Ut enim in populari aut aristocratico statu vel in Dialecto, dispecitur lingua, vel si una aliqua urbs rerum potiatur, ad hujus se linguam populus universus componit; ita sub unius imperio Principis aula, in qua versantur homines elegantiores, qui
nito.

nitorem linguæ exprimere laborant, cæteris provinciis in exemplum cedit. Loquuntur ergo Lutetiæ Parisiorum plerique linguam cultissimam, provinciales verò horridiorem illam, & quodammodo agrestem, vocibus & sono magna ex parte distinctam, ut joci & urbanis salibus nonnunquã eos excipiant Parisienses. Eadem in recentiore illâ Italarum linguâ Urbanitatis & Peregrinitatis vestigia nonnulli deprehenderunt. Nam Erythræus *Pinacotheca III. Imag. 35.* in hodiernâ illâ Romanâ nil offendi, nihil displicere, præter pauca quædam verba Romanæ Urbis propria, quæ jam obsoleverunt: nihil sonare, aut olere peregrinum ait, sed omnem urbanitate quasi coloratam orationem, quod de latinâ Cicero dicit. Nam Florentinæ quam alii præferunt dicit inesse vocis sonum, qui cum non rectè & pressè & æquabiliter, sed asperè hiulcè crebroque in guttur incidens ex ore funditur, minus auribus gratus atque etiam in quibusdam qui incorruptam illius antiquitatem conservant, ridiculus accidit. Qualem, ut ita dicam, Florentinitatem Romana lingua fastidit. Sed tamen Antonius Pactius Florentinus Urbanam illam Florentinarum vocum notam à peregrinis scitè distinguere novit: nam, ut ait idem Erythræus *Pinac. I. imag. 91.* *ex quodam urbanitatis quasi colore atque sono ipso germanas Florentinas voces ab ascitis discernebat.* Imo fuerunt eodem narrante *Pinacoth. I. imag. 157.* *qui Florentina verba rancida exoleta consecrarentur, quod illud quod scriberent tum elegans visum iri existimarent, si putidus vocabulis & ab usu remotis explicatum Florentinitatem oleret,* in quos Jacobus Michalorus fabulam scripsit, cui Nuptiarum fictarum nomen indidit, Lucianum in Lexiphane imitatus

tatus, ubi personam induxit veteri Florentinorum lingua loquentem.

Quod si exemplo Servii, de quo Cic. lib. 9. fam. ep. 16. *quod dicere facile potueris: hic versus Plauti non est, hic est: quod tritas haberet aures notandis generibus poetarum & consuetudine legendi*, etiam Romani sermonis voces ac dictiones, velut sono, pondere & colore nummos, internoscere possimus, bene cum nobis ageretur. Sed nemo forte è Criticorum familiâ hoc sibi supercilium sumet. Et si tamen & hic crebrâ lectione purissimorum scriptorum non Grammatici sed Oratoris aliquid explorari posse confido, ut est nonnullorum mira ex phrasi de ætate auctorum judicandi sagacitas. Cui si verborum illa collocatio ejusque diligens, sed ab oratore instituenda observatio accesserit, aliquid fortassis in hoc negotio profecerimus. Singularem hac in re Massei diligentiam imitari debemus, qui teste Erythræo Pinac. II. 18. omnia latina verba collegerat, ac pro ratione temporum, quibus inventa vel usu recepta essent, distribuerat, tum quæ verba historicis, quæ Poetis, quæ Oratoribus aptiora essent. Græcorum in his mira fuit industria, apud quos diversa fuere pro vocibus Historicis, Politicis, Oratoriis, Poëticis, teste Photio in Bibliotheca suâ, glossaria. In hanc curam unicè quoque intentum esse jubet Imitatorem suum Bernardinus Parthenius Spilimbergius, præclarus ille Horatii comentator, in elegantissima dissertatione de Imitatione Poëtica, Italicè scripta. *La onde fa di mestiero essere assidui nella lezione de' buoni, considerando la eleganza, la nettezza, la proprietà, qual parole passano nell'attrui luogo, qu ali*

quali ferme stanno nel suo, ciò che diversamente è costrutto, ciò che è puro & semplice, come le parole siano ordinate, disposte, qual è composta, qual raddoppiata, qual repetita, ciò che si sia usato per adornare & abbellire, qual parola è aspra, qual piacevole, & dolce, qual corrente, qual tarda, qual sonora, qual languida, & muta, qual lieta & leggiadra, qual trista & spiacevole, qual grave & qual lieve, dalla qual consideratione & memoria spesso avviene, che d'una parola il lume di una sentenza s'accende. De his aliisque alio loco prolixior dicendi occasio dabitur.

CAP. VIII.

DE Peregrinitate amplius inquiritur. Peregrinitas quadam laudabilis, quadam vitiosa. Quidam ut animorum, ita linguarum characteres certis gentibus proprii. Grammatica Philosophica è consilio Verulamii scribenda. Prima varietatis in sermone principia. E pronuntiatione & sono nativo primum litera, hinc verba, & ipsa lingua variant. Sermonis varietas cum modis Musicis comparatur. Elatioris pronuntiationis homines plerumq. tumorem in Stilo amant. Qui molliori voce sunt leviores stylum sequuntur. Singulis linguis aliquid vernaculum est, quod aliis linguis exprimi nequit. Diversitas maxima saepe in linguis unius gentis. e.g. Itala. Ejus causa è Camillo Baldo proposita. De singulis nationibus Italicis ejus judicia. Quare Germanorum voces pleraq. Monosyllaba, & illi bibaces, ridicula ejusdem ratio. Latina lingua in singulis gentibus novo quasi colore tingitur. Ideoq. maturè illa discenda. Vitium hoc peregrinitatis frequens in omni gente. Vavassorù eà de re judici-

*um. Græci in Latinis gracissanti, in Græcis hi latinismos se-
stantur. Erasmi Germanismus in Latinitate à Lilio Gyraldo
notatus. Gallorum in Latinâ linguâ multi Gallicismi, præ-
cipuè Barclaii. Peregrinitates domestica diligenter notan-
do. Henricus Stephani & Johannes Vorstius eo nomine lan-
dati.*

Romanæ & Urbanæ orationi duo, ut vidimus, adversantur, rusticitas & peregrinitas. Illam cum omnes omni industriâ studioque evitent, relinquimus. Hanc cum evitare omnes non possint, eaque nobis non advertentibus orationem vitiet, & vitio patriæ plerisque adhæreat, eo diligentius excutiamus necesse est. Id enim est, quod in Livio præcipuè reprehendit Asinius. Habet scilicet quisque sermo, ut gens, cultum suum, quo ab aliis distinguitur. Et ille quidem cultus in extraneū cum degenerat, Peregrinitatem infert orationi. Peregrinitas vero illa, ut Lud. Vives *lib. 2 de Ration: dicendi* docet, non est unius generis. Est enim quædam usitata, grata & tolerabilis, ut quædam phrasæ Græcæ Latinitati admixtæ vel latinæ Hispano sermoni aut Gallico. Est Peregrinitas barbara & importuna, ut cum pejora melioribus miscentur, vel alienissima conjunguntur, veluti cum latinissat Græcus, vel Hispanissat aut Gallicissat Latinus, aut cum Hebraismus in Latinitatem inferitur, vel Germanismus in Hispanitatem. Verum prima illa Peregrinitatis species ad nos non pertinet, cum illa non ipsa Orationis interiora ingrediatur, sed extrinsecus tantum adsumatur, ut si quis peregrini generis & coloris ligulas vesti patriæ adaptat. Et si illa non ubique & sem-

semper, sed certo loco adhibita laudem meretur. Altera illa Peregrinitas semper cum vitio est, quæ omnem linguam adulterino quodam colore & succo tingit. Habent enim regiones omnes nonnullos ut corporis, ita animorum & linguæ characterismos, quasi gentiles & congenitos, qui ut in nativa habitant, ita in adoptivas immigrare solent.

Res est omnino attentissima speculatione digna, unde illa linguarum diversitas, cum quâ pronunciationem, tum quâ naturas vocum & dictionem oriatur. De quâ cum Cardanus *de Subtilitate lib. 12.* Bodinus in *Methodo Historiarum lib. 1. c. 9.* Besoldus in *discursu de natura populorum c. 15.* aliqua notarint, sed levia, elegantissimè & doctissimè ut solet, de his disseruit ὁ πλωμαδῆς αἰ. Borrichius in dissertatione de Causis diversitatis linguarum. Huic innixum fundamento est illud Verulamii consilium de augmentis scientiarum lib. 6. c. 1. suadentis Grammaticam aliquam scribendam Philosophicam, quæ noter, quid peculiare cuique nationi sit in linguâ, quemadmodum etiam inter se differant illæ. Quod refert Græcorum illam in verborum compositionibus licentiam, à quâ Romana abhorruit severitas, Hebræorumque, qui metaphoris abuti malunt, quam istis uti compositionibus: item quare antiquæ linguæ plenæ declinationum, casuum, temporum, conjugationum: novissimæ verò plurimæ per præpositiones & verba auxiliaria segniter expediant: quare Græca lingua diphongos alat, Latina non item: Lingua Hispanica literas tenues oderit, easque statim vertat in medias: linguæ quæ ex Gothis flu-

xere aspiratis gaudeant. Hinc sive id naturalibus principii contingat, sive è consuetudine vel aliarum gentium commerciis procedat, oritur primum varia illa vocalium pronuntiatio: nam aliter pronunciant Suevi, aliter Angli, aliter Galli, consonantes quoque inter se confundunt: quod vel in diversis solius Germaniæ populis observes. E pronuntiatione illâ diversâ literarum diversâ primum oritur scriptio, hanc diversæ voces, inde phrasæ, & si seculorum diuturnitas accesserit, novæ linguæ, aliæque Eloquentiæ facies. Quam diversitatem cum sentiant homines solertes, causasque varias ejus sibi deprehendere visi sint, eò processerunt, ut è minutis pronuntiandi principiiis statim de populi genio naturalique dictione quædam conjicerent. Qui in pronuntiando vocales extollunt, stilum grandem; qui elevant stilum tenuem affectare ajunt. Alacritas linguæ & pronuntiationis stylum plerumque circumductum & diffusum gignit, qualis illa Gallorum; longa vocalium & vocum dilatatio stilum tumidum. Orientales populi plerumque rem magno apparatu proloquuntur & multo circuitu, multis pigmentis, quod de Arabum quoque stilo Fabricius prodidit in speciminis Arabici appendice. Septentrionales populi plerumque stili æqualem temperiem sequuntur. Comparatum sc. est cum sermonibus, quemadmodum cum sono Musico, quem non eundem amant omnes Gentes. Hinc nati modi Doricus, Æolicus, Phrygius & similes, quia gentes istæ tali sono delectabantur. Non ineptè eam ob causam de Poëtis judicat Masenius, in Heroicâ suâ Poesi cap 11, quod inferioris Germaniæ populi non facile Statii istam gravitatem assequantur, nec
con-

contra Bojorum gravitas ad illam Ovidii lenitatem fac-
se inclinet. Paret hujus rei diversitas vel in lingua la-
tinâ & græcâ. Habet enim Græca plurima, quæ La-
tina non satis bene imitatur; Latina, quæ Græca nullâ
fatis arte exprimat: Felicior Græca est in levioribus in-
rebus amorum, ad ipsas usque ineptias; Latina verò gra-
vis, moderata, parca. Unde voces plurimæ notatæ sunt à
Cicerone & aliis, quas Græca lingua non capit; de quo
argumento eleganter differit I. C. Scaliger in præclarâ
oratione de voce *Ineptus*, quæ adjungitur epistolis ejus
postumis. Similis pene observatio linguæ Italicæ, Galli-
cæ, Hispanicæ, quæ habetur in excerptis Perronianis, quæ
edita sunt è schediasmatibus FF. Puteanorum sub
titulo *Langues*. Nam Linguam Gallicam non adeo Comœdiæ
aptam dicit, quemadmodum Italicam. Hanc ad amo-
res; Hispanicam ad res exaggerandas & amplificandas ab
ipsa naturâ factam esse: Gallicam ad res civiles & histo-
rias præ cæteris adhiberi posse ait, unde & lingua Sta-
tus vocetur.

Hanc diversitatem linguarum in variis gentibus
cum viderint nonnulli, factum est, ut certis quibusdam
theorematibus physicis vel potius physiognomicis illam
differentiam definiendam sibi sumplerint, quæ tamen, ut
fieri in observationibus istis solet, non ex omni parte
fatis firma sunt. Camillus Baldus, Bononiensis, in li-
bro suo de divinatione epistolari, quo de moribus homi-
num ex epistolis, stilo, & sermone judicare docet, opero-
sus est in differentia sermonis, in solâ gente Italicâ, osten-
dendâ. *Multi in italica* inquit ille c. 8. *loquuntur labiis &*
lingua

lingua extremitate ventibus innixâ, ut Januenses, alii gaturæ, ut Florentini, alii sunt in locutione tardi & habent dictiones vocalibus plenas, ut Veneti, alii ab ipsis abhorrent, & habent verba ut plurimum consonantibus abundantia, non evidentibus & ferè bisyllaba, ut Bononienses, alii sunt hostes, litera L ut Senenses & Lucenses. Imo ut alii notant, singulis diebus in Italia peregrinantibus lingua aliquâ parte novatur. Et Dantes in lib. de vulgari eloquio in hoc angulo mundi, ut loquitur, supra millenas ire differentias testatus est, qui in variis istis dialectorum generibus excutiendis mirè illic operosus est. Singulorum Camillus Baldus causas habet vel universales, ut coelum & climata: nam duobus præcipue locis sub Æquatore & sub quadragesimo quinto gradu Zonarum temperatarum differentiam illam pronunciationis cerni ait: vel particulares, ut situs regionis, commercia, cibus. Et quidem quod ad situm regionis attinet, ob varietatē montium, lacuum, marium, fluminum, sylvarum, ut hominum inclinationes & propensiones variant, ita linguis, moribus discrepare ostendit Italiæ exemplo. Quæ cum dividatur, ab Apennino monte ab ortu ad occasum, atque ejus extremitates geminis alluantur maribus, magis lingua & moribus differre Italum ab Italo ait, quam Polonum à Polono, quod illarum regio, licet Italiâ major, æquali planitie constet. Ita noster ille observat, qui latos Italiæ campos colunt à montibus & mari distantes, si respiciant Septentrionem, cum frigidi sint participes, voces abbreviare ac consonantibus uti, ut Ferrarienses & Romandiolæ habitatores. Mediolanenses cū loco humido habitent, ob vaporū multitudinē, quādam imbecillitate loqui, & ultimis verborū syllabis multos addere accen-

centus; Etruriæ cultores qui collibus accedant uti aspirati-
onibus & gutture loqui more Hebræorū; cum enim mon-
tem habitent non minus meridiei expositum, quam Hie-
rosolyma, nec minus quam Sion saxosum, habere etiam ac-
centus Hebraicis similes atque conformes. Idem ta-
men autor, qui brevitatem vocum & multitudinem
consonantium, antea frigori, eandem in Germanis ca-
lori illorum adscripserat: Quod enim Germanis multa
sunt verba monosyllaba & plena consonantibus, quod-
que liberalius bibant, procedere ille ait à concentrato ca-
lore & præternaturali siccitate à multo calore producta.
An ergo externo frigori eadem quæ interno calori potestas
est? An fortassis illa conspirat? Sed nec illam esse auctoris
istius sententiam, ex eo patet, quod Genuenses Germa-
nūs similes faciat, quibus eadem linguæ velocitas insit, quia
loca calida, sicca & petrosa incolunt. Quid vero de Bel-
gīs dixerit Baldus, qui paludoso in solo & humido aë-
re habitant? at illi voces contractiones habent, quam ipsi
Germani. Verum altioribus defixæ radicibus hæ causæ
sunt, quam ut superficialiis illis contemplationibus erui
possint, neque hoc loco illæ eruendæ. Nos tamen inde
observabimus, quam facile sit in tantâ diversitate diale-
ctorum cultiorem linguam aliquid sordium adsciscere.
Etsi enim aliâ oriundus patriâ cultiorem linguâ fuerit insti-
tutus, fieri vix poterit, etiam Camilli Baldi iudicio, quin
aliquando se prodat, ut in Theophrasto videmus, qui licet
per viginti annos educatus Athenis fuerit, ab Atheni-
ensi tamen vetulâ unius verbi affectatione pro peregrino
habitus fuit.

Quoniam ergo hodie lingua latina nulli amplius populo familiaris est, sed per varias gentes propagatur, vel ex eo videre licet, quam illa in singulis populis novo & gentili quodam colore tingatur, quem Romanus ille candor aversetur. Non enim advertentibus illa obrepit peregrinitas, cum à consuetudine & autoritate latinæ linguæ, significatione, phrasi, inepta junctura discedimus. Eam ob causam Hieronymus epist. 7. ad Lætiam de Institutione filiæ, de linguâ latinâ maturè addiscenda consilium dedit, ne postea idiotismis corrumpatur: *Sequitur*, inquit, *statim & Latina eruditio, quæ si non ab initio os tuum composueris in peregrinum senum lingua corrumpitur, & externis vitiis sermo patrius sordidatur.* Est hoc adeo familiare eruditis è qualibet Gente vitium, ut non deprehendi nisi ab oculatissimis possit. Franciscus Vavassor delicatus ille latini sermonis censor libro de Epigrammate c. 15. refert oblata sibi fuisse quædam epigrammata, in quibus omnia laudem merebantur, non fuisse inania sententiis, nec sine acumine & lepore; versus elatos & canoros, verbis plenis & grandibus: aptâ compositionē: naturalē ordinem rerum; neque artem desideratam. *Verum tamen ad dictionem quod attinet, haud scio*, inquit ille, *utrum plus ali- quid latine poeta hic sciat, quam quantum in scholis philosophorum, aut theologorum, ubi ista fere dediscuntur, didicerit.* Hujus rationem ut daret, subjungit porro: *Pleriq; nisi carveamus Græca Latinè, Latina Gallicè scribimus. Cur istud tandem aut quomodo? Dupliciter. Primum quidem cum sint uni lingua communia quædam cum linguis aliis, quiddam proprium & singulare cujusque, certa elegantia, domestica nativæque Veneres; hoc si posterius negligimus, aut si parum callemus,*

aut si omnino non persequimur, illa resinemus duntaxat: quis prudens lector atque intelligens divinabit scire nos latinè aut Gracè, qui ejus quod peculiare sit alterutrius lingue nihil in carmine nostro advertat? Deinde cum ex duabus tribusve linguis unam aliis notiore, magisque familiarem habeamus: quid proclivius, quam ad hanc accommodare ceteras & inslectere ac desorquere: ex quo Latinismus, ut ita dicam, in Gracis, Gallicismus in Latinis obrepit? Quid igitur provideri in epigrammate placet, aut quam rationem haberi sermonis? Si quis epigramma scriptor Gracè condidit, deprehendat Lector volo vel ex uno versu alterove Athenas; si Latinè Latium quodammodo & Romam veterem agnoscat. Nec vero jam puerum esse aut tironem intelligas, qui discas sum primum, sed virum ac veteranum, qui multum dique didiceris. Quod si Gracum ex Latino aut ex Graco Latinum scriptor idem feceris: juvat ambigere Lectorem, uter scriptor scripserit prius, utrum redditum sis opus atque ex altero conversum. Ex illo vitio linguæ familiaris fit, quod idem notavit ejusdem libri cap. 8. quod bonitatem & præstantiam Graci Carminis non per se ponderant, sed ex Latinâ interpretatione. Quomodo contigit, id quod ab Hieronymo observatum est, ut ridiculum nonnulli Homerum Latinum judicent: quem si Gracum norint, aut si magis ex suâ illâ linguâ spectatum, quam ex alienâ norint: meritis ac jure suspiciant atque admirentur. Hanc ob causam Lilius Gyraldus (an satis æquus judex, critici viderint) *Dialog. 2. de Poetis nostri temporis*, de Erasmo illum inter Germanos Latinum, & inter Latinos aliquando Germanum videri censuit. Eadem peregrinitas in Barclaji scriptis deprehenditur, qui perpetuis Gallicismis scatet. Illos enim in ejus Scriptis

observavit perpetuus talium insectator Scioppius, teste illo qui Euphormionem cum notis variorum Lugd. Bata-
 vorum edidit. Nam in Hercule suo Coprophoro hujus
 cæterorumque virorum doctorum sordes congefferat; sed
 non protulit in lucem hoc suum sterquilinium. Ille ve-
 ro in libro de Rhetoricarum Exercitationum generibus
 circa finem hæc de Barelajo. *Similiter & Johannis Bar-*
claji dictio, (ejus qui hodie quoddam quasi juventutis cymba-
lum est) arguto & venusto hominis ingenio plus, quam La-
tinis generis commendatur. Ille enim de obscuritate di-
cere prætermittam, in quam sapius cum necesse fuit incide-
re, qui nec majorum gentium autores studiosè voluisset, &
quomodo alius nemo dicere averter, nec barbarisimi & solacii-
mi apud eum non inveniuntur, vixit, quos vero iniri vix
potest numerus, quos ipse calori indulgens, ac nec sua nec
amicorum lima patiens, se solo autore invexit. Præterea
& anonymus quidam, sed qui ipsi amicissimus fuit, teste
Erythræo Pinacoth. III, Imag. 17. ipsi objecit, quod latini-
tas ejus Romanas aures peregrinitate radat & veteris puri-
tatis sapore imbutum palatum offendat: quod tamen ipse
Erythræus in medio relinquit & Boclerus commentario
in Taciti Annal. 1, 4. 6. vellicare videtur, cum ait: nolle
se esse inter eos, qui eruditissimum elegantis ingenii moni-
mentum, quod sacite non possunt non mirari, qua tamen
possunt, premunt. Sed ille ingenii potius & inventionis
elegantiam, quam omnes & ipsi illi rigidi censores lau-
dant, forsan respexit: nam quod ad latinitatem attinet,
illam non usque adeo esse sinceram negari non potest.
Longè certe à populari suo Buchananano abit, cujus tantus
in latinitate nitor, & puritas, ut nil in illo præter hæresin
 ille

ille inter Grammaticos Momos omnes Argus & Lynceus
Scioppius reprehendat.

Est vero ejus peregrinitatis, quæ à linguis popula-
ribus in latinam linguam infertur, quo illa occultior, eò
accuratior instituenda observatio. Nam ut in Galliâ
Gallicismi, ita apud scriptores Italos Italicismi, Hispa-
nos Hispanismi regnant, quorum nunc discrimina depre-
hendere difficilius est, cum paucis hic esse censoribus datum
sit, qui nativum Romanæ linguæ decus è scriptoribus
aureæ ætatis dijudicare norint, & cui gentilia illa vitia,
non imponant. Quare bene de latinitate mererentur, quî
idiotismorum illorum à latinismo differentiam diligentis-
simè norarent, ut laudanda illorum opera est, qui illorum
cum latinâ linguâ convenientiam docuerunt, quod
in Gallicâ linguâ fecit Henricus Stephani, libro de latini-
tate falsò suspectâ; & in Germanicâ ejusdem tituli libro
Johannes Vorstius, ne illi Gallicismorum & Germanis-
morum specie imponerent.

CAP. IX.

Peregrinitas Latina lingua è provinciis. γλωσσαι, γλωσ-
σηματα. Peregrina voces jam olim collectæ & notatæ.
Hispanismus in Linguâ Latinâ. Hispana lingua an Roma-
na originem dederis? Hispani prisci & lingua & doctrinis
insignes. A recentioribus Hispanis aliqua Latina Lingua pe-
regrinitas illata videtur. Romanorum Schola latina in pro-
vin-

vinciis. Hispani præ cæteris provinciis latinitatis tenaciores. Barthii iudicium, qui idiotissimum Romanum in illorum linguâ & pronuntiationem vetustam agnoscit. An apud Afros & Hispanos scriptores supersint veteres Romana voces & phrasæ? Dissensus à Barthio. Erasmi de iis rectius iudicium. Utrum Hispani an Galli primi peregrinitatem in Romanam linguam invexerint? Petri Pithæi & Andrea Schotti lis de prærogativâ utriusque gentis in eloquentiâ latinâ. Vavassoris iudicium. Qui in Hispanos paulum videtur iniquior. Ciceronis de peregrinitate in urbem infusâ querela. Fastidium purioris sermonis ob affectationem peregrinitatis post Ciceronis tempora. Hispani primi conservatores eloquentiæ Romanæ. Seneca. Quintilianus. In hoc Hispanitas à Philolpho notata. Quintiliani defensio & elogium. Barthius quoque illum vellicat. Poëta Cordubenses. De Lucano, Seneca Tragico diversa nonnullorum iudicia. Martialis vindicatur ab insanis nonnullorum calumniis. Argutia ab Hispanis in latinitatem illata non omnino dammandæ. J. Jovianus Pontanus diversitatem in Romanis & Hispanicis argutis agnoscit. Quod & Ciceroni & ipsi Martiali notatum. Defenditur hæc in re Natio Hispanica adversus obreptatores. Africitas in latina lingua. Afri scriptores plerique, aliquid inconditi habent. Vivus de Afriis & inter illos Augustino iudicium. Verdierus notatus. Afrorum defensores Barthius, Fruterius, Lipsius &c. Proprietatem linguæ latinæ in illis laudant aliqui. Voces antiquæ latinæ multe in illis reperiuntur. Diæctio tamen in illa pura Romana non est. De Apuleio & Nemesiano iudicia.

Maxima

Maxima Latinae linguae peregrinitas ut nunc à populis qui illam adoptarunt; ita olim à provinciis illata est. Nam deductione coloniarum & donatione civitatis peregrinitas successit, cum & qui emigrarunt, illam alibi hauserint, & qui convenerunt in urbem, illam secum advexerint. Peregrinitas illa consistit vel in verbis, vel in constructione, vel consuetudine. Verba secundum Varronem sunt vel nostra, vel aliena, vel obliuia i. e. obsoleta. Aliena τὰ ξενὰ ἐπὶ τοῖς ἰδίῃς ὁμιλίαις πῶς δὲ ἄλλοις ἔσσονται, ut ait Theon Sophista in Progymnasim. sensibilem nimis peregrinitatem inducunt. Solebant verba illa Græci vocare γλῶσσαι, cujusmodi fuere Diodori ἱππικῆς, Hermonis κρητικῆς, & Philemonis Ἀπικῆς γλῶσσαι, quarum Athenæus meminit. Vocabant & γλωσσηματα voces minus usitatas. In verbis quoque duo ἀμαρτημάτων genera agnoscit sc. τὸ ἀκυρίαν & τὸ ἁπλοῦς. His ut frequentius peccatur, ita plus inde orationi peregrinitatis est, quam è verbis simplicibus peregrinis. Inter advenas illos è provinciis primæ fortassis Hispanis debentur, quorum contagione primum ille Romanus nitor infringi videbatur. Nam etsi è vicina, Latio sc. propior peregrinitatis metus, major tamen, è remotioribus locis erat. Primum ergo de Hispanismi in linguâ latinâ peregrinitate agemus, cui illam quæ à reliquis gentibus est subjungemus, ultimò loco de ipsius Latii & domesticis, ut ita dicam, peregrinitatibus dicturi. Quod ergo ad Hispanicam gentem attinet, dubitandum primum videbatur, utrum ab illis peregrinitas Romanæ linguae illata sit, an vero ex ipsa illa veteri Hispanorum lingua, antiqua illa Romana primum creverit.

Ad
Ro.

Romanam civitatem constituendam, (teste Dionysio Halicarnassæo lib. 1. extrem.) *confluxerunt præter Opicos, Mar-
 sos, Samnites, Hetruscos, Brutios, Umbros, Ligures Hispano-
 rum Gallorumque multa millia, aliaque gentes innumera
 vel ex Italiâ, vel ex aliis locis, linguâ & moribus dissone.*
 Unde verosimile videtur è gentium illarum interque il-
 las Hispanorum linguâ coaluisse illam priscam Romano-
 rum linguam. Ac fuerunt è gente Hispanâ Historici, qui
 Romam ab Hispanis fundatam volunt, quod tamen pro
 dubio & incerto habet Johannes Mariana: impugnat
 vero Bernard. Aldret. libro 2. del origen de la lengua Castel-
 lana. cap. 16. Nam è verbis Dionysii Halicarnassæi patet il-
 los non sub ipsa initia urbis Romæ, sed multò post acces-
 sisse, quod præcipuè ille urget. Poterat vero etiam tum
 novam Romana lingua ab illis faciem sibi sumere,
 populo, ut apparet, jam ab antiquissimis temporibus
 docto & literato. Nam ita de Turdetanis, Hispaniæ po-
 pulo, memorat Strabo 3. Geogr. *Hi inter Hispania populos
 sapientiâ putantur excellere & literarum studiis utuntur &
 memoranda vetustatis volumina habent: poemata, leges
 quoque versibus conscriptas, à sex annorum millibus, ut ajunt.
 Cateri etiam Hispani usum habent literarum &c.* Quibus,
 etsi annorum numerus fabulosus est, antiquitatis tamen
 multum subesse videtur. Verum, ut illa omnia ita se
 habeant, nullum tamen pro lingua ex Hispaniâ oriundâ
 confici argumentum potest. Etsi enim bona Hispanicæ
 linguæ pars in Romanam concessit, ut de Armoricâ ali-
 bi à nobis dictum est, eam tamen post tot secula muta-
 tionem Romana lingua subiit, ut abolitis pristini Hispa-
 nismi vestigiis, novo habitu compareret. Dubium ita-
 que

que nullum est, quin à recentiorum temporum Hispanis, quorum & ipsa successu seculorum lingua mutata, aliqua Romano sermoni inferri peregrinitas potuerit, postquam illi in Civitatem Romanam adsumpti, ut apud Hispanos vernacula illa ad genium Romanæ linguæ successu temporis composita, etsi primis temporibus latina lingua per Romanos illic propagata. Magnam enim in illo curam posuerunt Romani, ut provincialibus purissimâ illâ latinam linguam traderent, constitutis illic ludis & professoribus: ut fuerunt municipales illæ Scholæ apud Vesuntionem & Lugdunum, & illa apud Augustodunum in Heduis, cui præfuit Eumenius Rhetor. Imo ipsi illi provinciales, ut Romani viderentur, ultrò Romanam linguam affectarunt, unde tandem corrupta illa Romana, quæ hodieque apud illos in usu est, nata, cujus apud Hispanos historiam singulari libro Bernardus Aldrete descripsit. Hispanos sanè tenaciores latinitatis præ cæteris provincialibus fuisse Barthius mirus Hispanorum amator existimat. Nam *Adversar. lib. 10. cap. 19.* dissertarat, alium fuisse vulgarem latinè loquendi modum apud Romanos, quam illum quo libros scripserunt, probat illud ex Idiotismis linguarum ex Latinâ descendentium, præcipue Hispanicæ, cujus pleraque vocabula significanter latina sint, aliorum tamen trahantur quam in libris nos offendimus, quæ è medio usu loquendi petita referunt autores non libarios aut scriptores, sed confabulantes & conversantes Latinos. Addit nonnulla exempla, quibus id confirmat, ac concludit tandem Barbarissimos Latinitati mixtos longè elegantiores esse in populari Castellano sermone, quam ii sint, qui copiose in posterioris ævi autoribus

Q

repe.

reperiuntur: usus enim, ut ait, moderabatur linguam de manu velut in manum locutiones tradens: Idem lib. 47. cap. 13. *Romane lingue titulum sibi vendicans hodieque Hispani, & certo puto nulli idiotismum illi propiore esse, nec ullus magis integra servavit verba: Itaque magnâ nos deletione cepis Castilianismo hodierno.* Pronunciationem quoque Latinam in illis suis vocabulis retinuisse ostendit Adversar. lib. 41. cap. 17. ex litera F quæ antiquis latinis pro H accepta est: unde lingua Hispanica plurima latinis per F. pronunciata per H nunc quoque exprimat, mordicus retinens, quod à latinâ pronunciatione acceperat. Causam vero ejus rei duplicem esse opinatur, primâ, quod Latinismo adhuc vigente Hispaniæ exteris gentibus occupatæ sint: jam verò lapsa & ipso senio suo fatiscente in Italiam & Galliam alienæ linguæ venerint: alteram, quod Afrî scriptores & posterioris ævi Hispani magis proprie locuti sunt & scripserunt, quam ceteræ omnes nationes. Ita enim Adv. l. 7. c. 9. magnâ fiduciâ pronunciat. Accedit in hujus rei fidem Strabonis testimonium, qui lib. 3. de Turditanis ait, quod planè Romanos mœurs assumpserint, ne sermonis quidem vernaculi memores, ac plerique facti sint Latini, & colonos acceperint Romanos, parumque abfuerit, quin omnino Romani sint facti. Quibus addi illa possunt, quæ Alphonsus Garfias Matamoros in Apologetica narratione, de Academiis literatisque Viris Hispaniæ in gentis suæ favorem affert. Quæ si vera sunt, inclementer nonnulli cum Hispanis agunt, qui primos illos Latinitatis corruptæ reos faciunt.

Novi equidem quorsum tendat hæc suâ sententiâ Barthius; Putat enim in Afris & Hispanis scriptoribus multas superesse latinæ linguæ voces vel phrases, quas apud cæteros autores frustra quænaveris, sed quæ tamen Latinæ fuerunt, & in Latio usitatæ. Quam sententiam, ut ego non damnem, magnum tamen in se onus suscepturum existimo, qui illam Hispanorum prærogativam in verborum propriâ acceptione probare idoneis argumentis velit. Fuerint voces & Phrases latinæ, quibus illi usi fuerint; non corruperint etiam propriam significationem: fuere tamen in illis multa, quæ sua nollet Romanus scriptor & inter plebeja & fordida, ac à consuetudine abhorrentia rejecisset. Quisquilias potius sermonis & quæ inter reijculâ numerarunt Romani scriptores, collegerunt. Nullum enim ab illis delectum adhibitum, qui tamen in Romano sermone necessarius erat, multitudo vocum horridarum, utut latinarum & apud plebem receptarum, satis arguit. Quare rectius meâ quidem sententiâ hic judicat Erasmus præfatione in Hilarium, quæ est inter ejus epistolas lib. 2. octava cum ait: *vix ullos provinciales feliciter reddidisse Romani sermonis simplicitatem, præter aliquos, qui Roma à pueris sint educati. Nam & Tertulliano & Apulejo, inquit, suus quidam est character, & in decretis Afrorum, quæ multa refert Augustinus contra Petilianum & Cresconium deprehendas anxiam affectationem eloquentiæ, sed sic ut Afros agnoscas. Subobscurus ac submolestus nonnunquam est Augustinus, nec omnino nil Africum habet Cyprianus, ceterû licet candidior. Nec mirum, si Gallus refert Gallicum quiddam, si Poenus Punicum, cum in Livio nonnullos offendas Patavinitas. Ferè sit*

*autem ut major sit affectatio in his, qui lingua curuspiam
municipes sunt, quam qui Cives, qui advena, quam qui in-
digena.*

Quandoquidem ergo è provincialibus primum peregrinitas latinæ linguæ illata, versari inter viros doctos illa disputatio solet: Utrum Hispani, an Galli primi peregrinitatem intulerint. Franciscus Vavassor *libro de Epigrammate c. 6.* quo de origine acuminis in epigrammate agit, producit Petrum Pirhœum & Andream Schottum, illum Gallum, hunc Hispanum, utrumque pro gloriâ gentis suæ certantem, in eloquentiæ apud Romanos disciplinâ. Ille enim præfatione in declamationes Quintiliani populares suos: Hic proœmio in Senecæ declamationes Hispanos suos Romanis adeam dicendi vim, quæ tum in urbe vigeat, autores fuisse contendit. Ridet utrumque Vavassor de prærogativâ corruptæ eloquentiæ disputantes. Omne enim illud declamatorium studium, quod tum frèquentabatur, ut frivolum & inane, & Romanæ eloquentiæ judicio parum conveniens damnat ille, vel ipsius Ciceronis testimonio, qui in Bruto, Oratores acutissimos & indoctos & inurbanos & rusticos nominat, unde longè ab nitore Romanæ eloquentiæ hos argutulos abfuisse colligitur. *Queris quid malim?* inquit Vavassor, *Neg. hoc, neg. illud: & prope est alios ut malim potiores meo judicio, verèq. Romanos, qui ab utroq. nil didicerint; ut Livium & Suetonium in Historicis, Virgilium & Horatium, inter Poetas, quibus nihil est ejusmodi aut parum argutiarum.* Sollicitè itaque cavet Vavassor, ne in populares suos invidia hæc derivetur, præpimis in illâ, quæ in-

inter Orationes ejus tertia est, pro vetere dicendi genere contra novum, & ut omnem in Hispanos devolvat. Nam mores nationis Gallicæ suavissimi longè ab hæc magniloquentiâ illi abesse videntur. *Unde nobis bellum, inquit, inde hoc oris & lingua vitium erupit, ex hostili videlicet solo. Iberia primis illis temporibus, ut ferè mores sequitur dictio, lentam hanc verborum ac ventosam pompam & peregrinam insolentiam in urbem velut adulterinas & pestilentes merces induxit.* Imò & Gallis suis qui Hispaniam vicinitate contingunt, vel hodie idem affari vitium indignantur, qui multum hujus adventitii fastus ac tumoris cum in agendo, tum in Latine loquendo vel maxime retinent, quod cæterarum Galliæ partium congressu atque consuetudine emendari non possit. Quare amaris etiam facetiis illis illudit, cum multo periculosiorem hanc esse orationis strumam ait, quam corporis, cui cum Galli verbis atque tactu medeantur; hi tamen orationis strumam contrahant, nullâ medicinæ scientiâ sanabilem. Quæ etsi licentius in gentem æmulam imò tum temporis hostilem à Viro quidem docto, sed gentis, & patriæ suæ studioso dicta videntur, etsi fortè & Gallos hæc notâ non omnino immunes fuisse credibile est; nam & olim cothurnus ille Gallicanus in proverbium abiit, non defuerunt tamen & alii, etiam inter antiquos, qui de corrupto per provinciales sermone querebantur. Ipse Tullius Latinitatem genuinam suo tempore vitiatam dolet: Ita enim in Bruto: *Omnes vero qui nec extra urbem hanc vixerant, nec quos aliqua domestica barbaries infuscaverat, rectè loquebantur, sed hanc certe rem deteriore vetustas fecit & Roma, & in Græcia. Confluxerunt enim & Athenæ & in*

hanc urbem multis inquinatè loquentes, ex diversis locis. Idem lib. IX. cap. 15. In urbem nostram est infusa peregrinita nunc verò etiam braccatis & transalpinis nationibus, ut nullum veteris leporis vestigium appareat. Eodem etiam tempore rectum & levem sonum oris, quæ laus erat Romani generis, urbisque propria perverti cœpisse notat Vavassor de ludicra dictione p. 350. Imò eò processerat peregrinitatis ille morbus, ut statim post Ciceronis tempora, ejus scripta nonnulli ut minus nitida fastidirent. Notat Muretus ad locum Senecæ Epist. 59. ubi in Fabiano Seneca laudat orationem, ad nostrum fastidium nitidam, plerosque tum nonnulla Ciceronis ut parùm nitida, & expolita fastidio habuisse, idque è Dialogo de oratoribus, & è variis Senecæ locis perspicere posse. Senec. in Prolog. 1. Declam. Quicquid habet Romana facundia, quod insolenti Græcia, aut opponat, aut preferat, circa Ciceronem effloruit: omnia ingenia quæ lucem nostris studiis attulerant, tunc nata sunt, in deterius quotidie data res est, ut ad summum perducta, rursus ad infimum, velocius, quam ascenderat, relabatur. Adeò verum est, quod Vavassor in oratione pro veteri Eloquentia observat, quicquid optimum in quacunque arte à præstantissimis ingentis, sive in literis, sive in alia quacunque arte inventum, vel factum, id singulari fato in exiguum temporis curriculum compingi, quasi tot seculorum collecti sapientiæ & ingenii fructus in modicam quasi hominis ætatem maturuisse videantur. Imò periisse tum pene latinitatis ornamenta videbantur, nisi externi homines, & illi ipsi Hispani, quos peregrinitatis insimulamus ea conservassent, ut condonandum illis meritò sit, si quid ab illis Latinitati

ti vernaculi gustus illatum sit. Frequentes sunt de per-
 dita veteris linguæ gloria, imò ipsis vocibus, Varronis
 lib. 8. de L.L. Quintiliani lib. 8. cap. 3. Gellii & aliorum
 querelæ. Seneca Hispanus illa Latinitatis pereuntis ci-
 melia quasi raptim collegit. Imagines eloquentiæ pe-
 nes Quintilianum remanserunt, in quo tamen & Philel-
 phus Hispanitatem sibi invenisse visus est. Sed injuriosus
 profectò in Quintilianum non solum, sed in omnem E-
 loquentiam est, qui ita judicat. Ille enim Ciceronis non
 solum gloriam, sed & omnem orationis facultatem, qua-
 si è cineribus resuscitavit, totique se Italiæ Magistrum
 præbuit: imò si Campanum audimus, *in Censuris super
 varios auctores*, vel ejus dictio proximò post Ciceronem
 gradu poni meretur, cujus ego sententiam non omni-
 no damno: propius certè à Cicerone abesse profiteor, si
 priores Augusti ævi Scriptores exceperis. Popularibus
 suis sine controversia in latinitate præferri debet, neque
 plus illi Hispanitas, quam Livio Patavinitas ad bonæ di-
 ctionis laudem obest, etsi Livio tamen minor habendus
 est. Magnificum est Vallæ de eo judicium lib. 1. antidoti in
 Poggium: *Neminem posse neq. Quintilianum intelligere, nisi
 Ciceronem optimè teneat, neq. Ciceronem probè sequi, nisi
 Quintiliano pareat, neque unquam fuisse quencquam elo-
 quentem post Quintilianum, nec esse posse, nisi qui se totum
 arti ejus formandum, imitationique crediderit.* Etsi sunt,
 qui hoc Elogium ipsi ex æmulatione adversus Trapezun-
 tium natum existimant, qui perpetuus Quintiliani ca-
 villator fuit, vide & Pogg. Invektiva in Vallam 1. fol. 71.
 lit. a. Sed tamen in illo, utut imitatore Ciceronis dili-
 gentissimo diversitatem, quæ ab ætate est, notavit Bu-
 dex

deus Comm. Græca Lingua p. 1013. Edit. Paris. & Erasmus in libro de ratione vera Theologia judicat, frequenter in Quintiliani sermone hæsurum, qui præter Ciceronem nihil legerit. In censendis tamen Autoribus, præcipuè poëtis minimè satisfacit Barthio, ut qui Lucretium ad phrasin & corpus eloquentiæ non commendet, cum sit Poëta Latinissimus, Salustium majoris historiæ Autorem faciat, quàm Livium, nusquam etiam corruptior sit, quàm ubi bonos Autores sub censuram vocat, de quibus videatur Barthius adversar. lib. 43. cap. 2. lib. 48. cap. 19.

De Poëtis Hispanis alioquin notum est, Ciceronis judicium, qui ajebat Cordubenses Poëtas pingue quid sonare & peregrinum, in quorum censum ipse Seneca refert popularem suum Sextilium Henam, Poëtam ingeniosum magis, quàm eruditum, qui Ciceronis mortem versibus celebravit. Quid de Lucano judicent nonnulli, & ipse Quintilianus, notius est, quam ut hic recenseri debeat. De Senecæ tamen Tragœdiis clementius judicandum existimo, quam fecit Lipsius, non immeritò eam ob causam à Josepho Scaligero notatus. Martialem Bilbilitanum, quàm iniquè tractarunt nonnulli! Hunc vilem è trivio scurræ præ Catullo vocat Muretus. Ejus Epigrammata asinis placere Lilius Gyraldus, Raphael Volaterranus neque elegantia Latinæ, neque moribus prodesse ajebat. Eorum exempla, quot nancisci poterat, quotannis cum execratione Vulcano dicabat Andreas Naugerius: peregrinitatis enim maculam suavitati Romanæ intulisse existimabant omnes, quibus omnibus longè sincerius Josephi Scaligeri judicium opponi debet, ut

&

& Fr. Vavassoris in libro de ludiera dictione pag. 221. qui ita litem hanc decidit, ut vincere Catullum, & à Martiale vinci judicet. Ille puro ac simplicis candore figuris quoque elegantibus superat Martialem, atque adeo toto corpore epigrammatis; Martialis verò clausula Epigrammatis & acumine, quod proprium tunc latinorum & peculiare fieri cœpit, Catullum vincit. Præterea & Hendecasyllabi & Scazontes, & Jambi Catulliani multò sunt venustiores quàm Martialis, ut Elegiaci Catulliani duriusculi & scabri. Neque contemnendus sanè est in universum ille acuminum loco, & tempore apto, ac modò debito usus. Est enim & illa styli virtus, ac Hispanis quasi gentilis & propria.

Opéra itaque potius danda, ut hanc virtutem externam etiam Romana civitate donemus, atque ita miscamus sermoni Latino, ut illa minimè peregrina sed nativa videatur. Hinc gratiæ sunt potius Hispanis agendæ, qui ea parte Romanum sermonem ornarunt, quàm illi ob corruptum sermonem convitiis proscindendi. Siquid enim peccarunt orationem contaminando, alià quadam eloquentiæ dote compensarunt. Nisi forte cùm Joviano Pontano sentiendum sit, qui Hispanicis illis argutiis præsertim plebeis aliquid amari ac subacidi subesse judicat. Ita enim ille lib. 3. de Sermonibus cap. 18. de Martiali: *Valerius Martialis artificiosissimus Epigrammatum Scriptor ita in iis quidem jocatus est, ut frequentius carpat, quàm delectet, tametsi à demorsione ipsa delectatio quoque paritur. Adhuc dictis eius partim occultissimis quadam insunt spicula, partim verba, quæ non solum à faceto sunt aliena,*

verum aut obscena ipsa admodum scurriliæque, aut maximè
 ampullosa & acida, QUOD QUIDEM HISPANICUM EST. Nam
 etsi Hispani cum primis sint facietiarum studiosi; tamen si po-
 pulares respexeris an plebeios gentis ejus homines, invenies
 eorum jocos non tam propendere in lusum ac delicias, quàm
 in submersiones magisque spectare in invectivas & subsan-
 nationes, quam in risum voluptatemque è jucunditate conce-
 ptam, qua in facietis viris tenerissima quidem est. Sunt ta-
 men dicta ejus in universum arguta, subtiliterque conqui-
 sita, abstrusa sententia, eademque rara, salsa, aculeata, in-
 sentio verò maximè acuta, verba autem præcipuè accommo-
 data, quæque non prima tantum facie, atque in explicatu
 lectorem alliciant atque auditorem, verum qua in ejus ani-
 more relinquunt tacitam quandam quasi subitillationem. Ni-
 hilo tamen minùs in iis, non pauca quidem animadvertas,
 qua digna prorsus sunt facietis ac temperatis civibus reti-
 neantque decorum. Quantum itaque è verbis Pontani
 licet colligere, Hispanicæ genti illos ingenuos jocos &
 lepores abjudicat, etsi in Martiali illos non negat, ita
 tamen ut nonnunquam quædam inspergat, quæ gentis
 suæ genium sapiunt. Et hæc forte formâ distincti fuere
 à Romanis adeò celebratis salibus Hispanicæ illæ facietis,
 de quibus Cicero in Bruto loquens Crassum commendat,
 quod fuerit in illo cum gravitate junctus facietiarum, &
 urbanitatis oratorius non scurrilis lepos, qui & lib. 9.
 ep. 15. braccatis & transalpinis nationibus veteres lepo-
 res corruptos queritur. Quod ipsum etiam Martiali
 suboluisse nonnemo judicet, qui Hispanicæ Patriæ oblitus,
 ac vetus Romulidarum hospes, municipales Poetas &
 municipalia ingenia ubique exagitat, notatus eam ob cau-
 sam

sam à Balzaco illà quam ad Petrum Colhardum scripsit epistola, quæ inter selectas ejus habetur. Verum non imputari usque adeò toti genti potest, quod plebis est vitium, non apud Hispanos solum, sed & apud Romanos. qui enim agrestis ingenii sunt, agrestes jocos amant. Imò verò ex ingenio plebis de cæteris institui judicium potest, quod in illa agreste & sylvestre natura produxit, feliciori cultura ab iis emendari, qui sunt optimis disciplinis instituti, ideoque argutiam genti illi nativam esse, & peculiarem aliquam dotem, quæ ab educatione, disciplina perfici, temperarique possit.

Hispanis Afros subjungimus ob peregrinitatem Latinæ linguæ illatam malè passim audientes. Quoniam enim ex Africa semper aliquid monstri, ut proverbio vulgato dicitur, mirum videri possit, si nec Latinitati aliqua inde monstra subrepsent. Hispanis sanè ingenio quodammodo similes Afri, Sed tamen & Siren illa, victa quam dedit Africa, felicissimum Romani sermonis cultum ostendit, in quo ne oculatissimus quidem Afriticatis aliquid invenerit. Verum produxerunt posteriora tempora non paucos, qui & monstrosis verbis, & insolito aliquo & inepto dicendi genere puriorem linguam infamarunt, è quibus vel unum nominasse Apulejum suffecerit. Sed temperarunt sibi in iis quodammodo Christiani scriptores, Patres, Poëtæ. Nam hæc Genti illi gloria debetur, quod nusquam felicior proventus scriptorum fuerit, qui pro Christiana religione decertarint, omniq; scriptorum genere illam excoluerint. Minus sanè illis sordium in dictione, quàm cæteris adhæret. Sed re-

peries tamēn in illis, quod gentem habere sapiat. DE
 quibusdam Lud. Vives lib. 3. de tradendis disciplinis. *Ter-*
tullianum persurbatissimè loquens ut Afer. Cyprianus & Ar-
 nobius eiusdem gentis clariùs, sed & ipsi nonnunquam Afrè.
Augustinus multum habet Africitatis in contextu dictionis non
perinde in verbis, præsertim in lib. de Civit. Dei. Quod
 de Augustino iudicium Lud. Vivi sublegit ineptus ille ve-
 terum Autorum Censor, Verdierius, in censione suâ pag.
 149. sed flosculis parum Latinis furtum suum ornans,
 cum ait; *Augustinus quoad contextum orationis multum*
Africitatis habet, non perinde in dictionibus. Verborum,
 non dictionum, ut aiebat Verdierius, delectum maiorem
 instituit Augustinus, quàm cæteri, qui & in verbis, & in
 tota dictione, i. e. in caractere, stylo, & toto orationis
 contextu (id enim significat vox dictio) hanc peregrini-
 tatem sequebantur. Scio equidem esse suos Afros Scri-
 ptoribus etiam inter viros doctissimos defensores. Di-
 fertè enim Barthius lib. 41. Advers. cap. 10. Afros ma-
 ximè proprietatis studiosos vocat, & Fruterius Verosim.
 17. Apuleium vocat doctissimum hominem & Latinæ lin-
 guæ exactissimum censore, Casaubonus in Apolog. Apuleji,
 cum explicat ejus vocem invidere pro non videre, ait: *Sed*
quis propter huiusmodi voces, fastidiendam putes hujus eru-
ditissimi Scriptoris orationem, cum quid sit latine scire pro-
pus ignorare. Lipsius quoque 2. Epist. quæst. 22. & lib. 2.
 Elect. c. 22. stilum ejus adversus istos de Arpinati scholâ
 investes pueros (quo dictorio Ciceronis cultores ineptè
 exagitat) asserere non veretur. Etiam Barthius lib. 55.
 Advers. cap. 2. *proprietatis latine scriptorem optimum, &*
 lib. 24. Advers. cap. 1. *Scriptorem verborum & stili eruditis-*
simum

*finium, ac alibi proprietatis amantissimum veteres verèque
latinos secutum nominat. Doctissimus quoque Daumius l. de
caus. amiss. radic. cap. 27. verborum farraginem adducit,
c. g. Oculare, tunicare, Galeare, titubatus, vacuare, acer-
bare, aëra, plur. Neutr. Alvus gen. masci clienta pro eli-
ens, cupiens pro cupidè, curatura pro cura, repens pro
repente, canētare, orditum ab ordior, funerare, forare,
incerare, quæ Brovverus aliique in Tertulliano Apuleio
ceterisque Afris scriptoribus reprehendunt: cum tamen
apud genuinos etiam aureæ ætatis scriptores reperiantur.
Quæ etsi non nego: fieri enim potuit, ut latina verba a-
liis aureæ ætatis scriptoribus vel parcius vel planè non u-
surpata, quorum ego magnam superesse copiam arbitror,
ad hos Afros pervenerint; non puto tamen rectè ab illis
factum, quod verba insolentiora nimis frequentarint, &
quasi in perpetuos usus seposuerint, quæ purioris latini-
tatis autores, vel ut sordidas & plebeias, vel ut exiles &
minus sonoras, rejecerunt, vel magnâ modestiâ usurpa-
runt. Unde & illi qui Afros Scriptores commentariis il-
lustrarunt vocum inusitatarum adjicere glossaria necessum
duxerunt. Quarum foeditas tum demum rectius nosci-
tur, cum ita conglobatæ apparent. Lepidum itaque com-
mentum doctissimi Mariangeli Accursii est, qui in Dia-
logo suo Oscè ac Volscè conscripto è similibus Apuleianis
vocibus in unum sermonem contextis, ita pux-
me. Ego pol id spontaliter, cupiensque praeclariter fa-
ctitarem, si L. Appuleji multiloquentia lincamentationem
levigatiusque veriverbium saturantius ac non nepa byra
concallerem. Illam inquam suaviloquentiam facundiosam;
& Oratorum melos, quo ipsum Asiū cognomento autem,*

auratiorem auro fastigavit. Est quippen tanta ejus altiloquentia, ut pra hujus noe non vatracem Arpinatem polylogum, blatteratorem, lingulacam, immoderatam suam eloquentiam, pro nostris dixit credam. Vide in Apuleium & Apuleianos declamantem Andream Schottum Tullian. Quæst. lib. 1. cap. 21. ubi Apuleji imitatores pueris comparat, qui in pratis locustas potius salientes sectentur, quam flores obvios carpant. Est vero verborum delectus, talium sc. quæ suavia sunt, numerosa, civilis usus, evidentia: quibus Ciceronem aliisque uti videmus, origo eloquentiæ, in quibus ita laborarunt veteres illi aureæ ætatis scriptores, ut obsoleta, sordida, plebeia, exilia, inusitata tanquam scopulos sibi fugiendos existimarint, quæ male sedula quorundam industria in orationem latinam reducere conata est. Quare Picus Mirandula apud Crinit. l. 8. de honest. disc. c. 3. ut Hispanos suam naturam ad peregrinum inclinare judicat, quibus Plinium & Svetonium non rectè tamē, ut puto addit, quod sint in scribendo similes, figurisq; & græcis vocibus cupidius ac insolentius utantur, Punicos, & Carthaginenses duos, audaces & improbos in scribendo vocat. Ne Nemesianus quidem Eclogarum scriptor, etsi puri sermonis amans videri velit, & Africanam illam indolem superarit, iudice Rapino, à transmarinam peregrinitate immunis est. Ad Apuleium quod attinet, demiror Criticorum nostrorum indulgentiam, qui plus illi, quam ipse sibi, tribuunt. Ac solet sanè Criticorum argutatiunculis, qui ipsas etiam verborum sordes non averfantur, non usque adeò cum limato Oratorum iudicio convenire. Ipse de se primo metamorphos. libro. In Urbe Latia advena, studiorum Quiritium indigenum sermonem arumnabili labore

bare, nullo magistro praeunte aggressus, excolui. En ecce prae sumur veniam, si quid exotici ac forensis sermonis rudis locutor offendero. E quibus ipsis verbis nescio quam inconcinnè junctis & male inter se aptis, illa ingrata Romanis auribus peregrinitas satis elucet, ut quibus ista sapiunt, parum in emendatâ loquendi ratione sapere existimandi sint. Certè qui Ciceroniana cum Apuleianis contenderit, quod in Musicis inter *myrtus* & *corallus* differre videmus, discrepare deprehendet. Qui ex utroque sermonem miscere se posse crediderit, is eâdem operâ humano capiti cervicem equinam rectè junxerit.

CAP. X.

Gallicismus in Linguâ Latinâ. Cicero ipse Gallicismi genus habitus. Allobrox à Rufo dictus. Galli eloquentia laude olim cèlebres. L. Plotius ante Ciceronis tempora eloquentiam Roma docuit. Crescillius notatus. Roscius Gallus. Posteriores Galli affectatione peccarunt. De Ansonio Gyraldi judicium. Galli argutiarum affectatores. Grandiloquentia illis singularis. Hieronymi de Hilario judicium. Coshurnus Gallicanus. Erasmus de Gallicismis Scriptorum sacrorum. Ejusdem de Budæ stylo judicium. Picus Mirandula de Gallicis Scriptoribus quid judicet. Eloquente schola recentiores in Galliâ, sed corrupto iam sermone Latino. Anglorum vèterum & recentiorum in nitore Latine linguae negligentia & affectatio. Hodiernorum Gallorum purissima Latinitas laudatur. Itolorum fastidium er-

*ga transalpinos. Poëtevinisat Gallorum ineptè ab Italâ
Criticis taxata, ut & Lombardismi in Bentivoglii scriptis.*

Subjungimus Hispanis & Afris Gallos ejusdem criminis reos. Nam & ab illis in latinū sermonē peregrinitas illata est, etsi Hispanos culpæ huic magis affines, quam populares suos Vavaffor judicet. Mihi quidem illi nullo vel exiguo discrimine habentur. Nam quod Hispani timore peccant, hi ventosâ quâdam loquacitate peccarunt. Nisi hoc illi in laude sua reputent, quod ipse eloquentiæ parens Cicero cujusdam quasi Gallicismi reus habitus fuerit, ut quem apud Juvenalem *lib. 3. sat. 7.* Ruffus, Rhetor superbus & ineptus, ejus, ut ex Plinio discimus, æmulus Allobroga dixit, quod more Allobrogum crasse & fuscè loqueretur: nisi forte, ut nonnulli volunt, ideo Allobroga dixit, quod cum Allobrogibus potius, quam cum Romanis senserit. Si ad vitium orationis respexit, tantum abesset, ut peregrinitatis rei habendi Galli, ut potius in Ciceronianæ eloquentiæ virtutes arctius admitti fuerint.

Ac fuerunt sanè Galli jam antiquissimis temporibus ut omnis sapientiæ, ita & eloquentiæ laude celebres. Testantur id commercia cum Græcis, unde & ἀνθημι φιλέλλωες dicti, & Massiliense literarum emporium, in quo tyrocinia sua Romani juvenes posuere, atque Athenis ipsis teste Strabone *lib. 3. p. 125.* anteposuere, ac Scholæ Heduenses, ubi *nobilissimam Galliarum sobolem liberalibus studiis operas amant* Tacitus, tum & Ara illa Lugdunensis virorum illustrium disputationibz celebrata. Ne quid de prisca
Dru-

Druidum scholis dicam. Testis est Tacitus duabus rebus studuisse veteres Gallos, rei bellicæ & eloquentiæ, & Pomponius Mela *lib. 3. cap. 2.* è Sosipatro de iis. *Pleraque Gallia, inquit, duas res industriosissime persequitur, rem militarem & argute loqui.* In rei militaris peritiâ decantandâ multus est Gabriel Naudæus Syntagm. de studio militari *lib. 1. n. 7.* Eloquentiæ affectatio quasi nativâ illis semper fuit, atque à plurimis magnopere laudata. Juvenalis testimonio

Gallia Causidicos docuit facunda Britanno.

Eam fertilem Oratorum, D. Hieronymus nominat, ac ubi ubertatem Gallici nitoremque sermonis laudat. Idem ad Hebidiâ matronam Gallicam scribens, duos ex ejus familiâ viros laudat, Paterium, qui artem dicendi Romæ docuerat & Delphidium summum quoque Oratorem & Poëtam. Etiam Symmachus *lib. 8. Ep. 68.* cum Romæ non deessent oratores, quos audiret, tamen ipse *Gallicana facundia hantus* requisivit. Quid? quod ante Ciceronis tempora, cum ipsi Romani vel nulli vel rari essent, eloquentiæ ludos Galli doctores instituerunt, ut de Lucio Plotio Cicero ad Marcum Titinnium refert, quod fragmentum in libro de claris Rhetoribus Svetonius consignavit: *Equidem, inquit Tullius, memoriâ seneo, pueris nobis, primum Latinè docere cepisse Lucium Plotium quendam: ad quem cum fieret concursus, quod studiosissimus quisque apud eum exerceretur, dolebam mihi idem non licere.* Consinebar autem doctissimorum hominum auctoritate: qui existimabant Græcis exercitationibus ali melius ingenia posse. Quo è loco patet non displicuisse Ciceroni Galli hujus hominis eloquentiam, etsi illum tamen M. Cælius, ut

ordearium Rhetorem, ut inflatum, levem ac sordidum, eodem Svetonio teste deridet. Ad hunc locum procul dubio errore quodam ductus respexit Crefollius vacationum autumn. lib. 1. cap. 4. cum ait: *Ciceronem hominem Gallo ad oratoriam duce & magistro eoque perfecto orandi artifice gloriari: neque enim memini, quo loco ille de Gallo eloquentiæ magistro gloriatur. In mutâ eloquentiâ parem si non superiorem Cicero Roscium, eundem Gallum, habuit, per quem novo quasi spiritu eloquentia & Comœdia animari cœperunt, ut Græcos etiam illâ parte vinceret. De Julio Secundo, qui Quintiliani æqualis ac ab ipso familiariter amatus fuit, atque Julio Floro ejus patruo, utroque Gallo nota sunt, quæ Quintilianus lib. 3. cap. 3. commemorat, quorum illum miræ facundiæ virum, sed infinitæ curæ; hunc in Eloquentiâ Galliarum principem atque inter paucos disertum nominat. Strabo jam inde ab Augusti ævo Gallos negat dicendos amplius esse barbaros μετακείδους τὸ πλέον ἐς τὴν Ῥωμαίων τῶν καὶ τῇ γλώττῃ καὶ τοῖς βίοις, τινὰς δὲ καὶ τῇ πολιτείᾳ, μιμούμενος in Romanorum morem lingua & vitâ, quibusdam & civili gubernatione. Ausonius quoque ita Mosellam Galliarum Belgicarum fluvium compellat.*

Ampla Te Latia decorat facundia lingua.

Non itaq; omninò sunt eloquentiæ gloriâ fraudandi Galli, in quâ præ cæteris excelluerunt, qui ætati aureæ propiores, & ab ipsa juventute in urbe Româ educati crebrisque exercitiis firmati fuere. Nam in cæteris qui primos illos sequuntur, facile est nativum gentis vitium atque illam linguæ latinæ notare peregrinitatem. De
Au-

Aufonio certè, qui & ipse Gallus fuit, Gyraldus in V Dia-
logo suo, severius iudicium tulit. Ita enim de eius gra-
tiarum actione scribit: *In eâ crebra quidem sententia, sed
eloquentia quidem Gallicana, nec ea, in qua, Julius Florus,
ut scribit Fabius, princeps fuit: sed longè posterior, h. e. ut
nunc nostri Ciceroniani dicunt corruptior.* Hæc de illo Gy-
raldus, cujus hæc quidem in parte sententiam non conte-
mnendam arbitror, licet optimè sciam, Scaligerum ita
de Gyraldo iudicare, ut neminem ineptius de Poëtis ju-
dicasse dicat, quam qui de illis scripserit. Ipse quoque
Cicero in Gallis, quid sibi displiceat, invenit. Nam cum
in libro de claris Oratoribus Bruzus interrogaret: *Qui
est iste tandem Urbanisatis color? Nescio, respondet, san-
tum esse quendam scio. Id tu, Bruse, iam intelliges, cum
in Galliam veneris, audies tu quidem etiam verba quadam
non trita Roma: sed hæc mutari dediscique possunt.*

Corruerunt scilicet & illi eadem affectatione Ro-
mani sermonis simplicitatem, quâ Hispani. Nam & illi
acutum quoddam dicendi genus sectati, ut acris animi
atque concitati sunt, sed modo tamen ab Hispanis diverso:
nam & majori verborum copiâ illam suam argutiam in-
volvunt, neque ita in abstrusa, & recondita, quemadmo-
dum illi feruntur. Themistius jam diu Galatas, è Gal-
liâ oriundos orat. 4. vocat ὀξῆς καὶ ἀγχιῦς *acutos & so-
lertes*, Diodorus Siculus lib. 5. Gallos vocat ταῖς τὴν διαί-
ταις ὀξῆς καὶ πᾶσι μάλιστα οἷον οἷον ἀφ' οὗς *ingenio acutos, mi-
nimè à naturâ ineptos ad disciplinas.* Notavit & ipse Hie-
ronymus *Epist. 4. 13. Cothurnum Gallicanum.* Hinc
Barthius *Advers. lib. 33. c. 17. hæc de Gallis. Evox à le-*

gerimo latinitatis flore jam lapsa flumen ingenuū & à natura velut manantis eloquentia spernebatur, & in ejus locum succedebat studium immane concisæ & argute loquendi, quo omnis & eruditio & eloquentia absolvi videbatur. Id quod in Gallicanorum aut ab iis oriundorum Episcoporum ingenii ab altâ majorum aetate hâsit.

Erat tamen in Gallico illo dicendi genere argutiæ juncta singularis quædam grandiloquentia, non loco adhibita, ac obscura sæpe & inepta. Quod in Hilario notat Hieronymus, quem Gallicano attolli cothurno ait, cum alioqui Græcorum flosculis ornatus incedat, frustra quoque legi ab imperitiis, quod interdum longis periodis involvatur. Multa quoque eo de argumento disserit Erasmus Epistola 3. lib. 28. cujus characterem sermonis ita describit, quod etiam si res per se dilucidas tractet, tamen sit & intellectu difficilis & depravatu facilis; Frequenter, ait ille, adsurget ad floridam quandam ac theatricam sublimitatem, præsertim cum incidunt loca facile tractata, neque rarò ad schemata usque tragica extollitur, prosopæias & apostrophas. Subjungit porrò Erasmus. Nondum scio an hæc grandiloquentia Gallorum ingenii sit peculiaris. Habet hujusmodi quiddam & Sulpicius Severus, habet & Eucherius hoc etiam elaboratior, sed curâ felicior. Procedit inde ad sui seculi ingenia & quidem ad Gulielmum Budæum, in quo illum eloquentiæ Gallicæ colorem sibi deprehendere visus est. Non degenerat, inquit, ab hac phrasi Gulielmus Budæus, Vir inter hujus ævi scriptores celeberrimus: adeò sublimis, ut tubam sonare credas, non hominem: adeò sollicitè elaboratus, ut eruditum lectorem

nunquam saturat, trivialiter literatos procul submoveat. Porro sermonis obscuritas, tamen si partim inde est, quod frequenter orationem diversis è membris contextam, vix tandem longo circuitu absolvit; tamen illud etiam officit orationis perspicuitati, quod in argumento per se subtilitatibus involuto, laudem etiam affectavis argutia nonnunquam & copia. Huic Erasmi judicio de Budæo ὁμόψυχα Sturmium aliquo in loco scribere memini. Imò Andr. Shottus Quæst. Tullian. lib. 1. c. 21. ut Apuleizantem non obscure notat, cum de Beroaldo ait; *laboriosos illum in Asinum Apuleianum commentarios reliquisse; ut flores inde legeret Budæus, quibus Juris Pandectas illustraret.* Picus Mirandula, è relatione Petri Criniti de honest. discipl. lib. 8. c. 3. Gallorum, ut Cassidori, Apollinaris, Fulgentii, Ennodii & aliorum commentarios aspiciendos non probandos esse judicabat. Quare etsi perpetuè apud Gallos Rhetoricæ scholæ fuerint, non exuerunt tamen gentile illud vitium, quo peregrinitas Romano sermoni afflabatur: Sidonius quidem Apollinaris lib. 3. Ep. 3. testis est in Averniam undique gentium confluisse studia literarum, *ubi sermonis Celtici squamam depositura Nobilitas nunc oratoris stylo nunc etiam Camænalibus viis imbuebatur.* Sed vel ex ipsis hujus Panegyristæ verbis hujus eloquentiæ elegantiam conjeceris. Ut satis quidem appareat gratiæ aliquid datum fuisse ab Hieronymo, cum in libro adversus Vigilantium hæc scribit: *Sola Gallia monstra non habuit, sed viris semper fortissimis & eloquentissimis abundavit.* Imo verò & Cassidori illud lib. 8. cap. 12. sub Atharici Regis Gothorum personâ dictum, non nisi panegyricis coloribus tingitur, cum ait: *Roma-*

horum eloquium non suis regionibus invenisti, & ibi se Tul-
liana lectio disertum reddidit, ubi quondam Gallica lingua
resonavit: Ubi sunt qui literas Latinas Roma, non etiam alibi
asserunt esse disertas. Hujus viziati sermonis latini
 etiam Angli rei sunt, qui nescio quam grandiloquenti-
 am ut olim ita nunc sæpe affectant, ut rari admodum
 sint, qui Romanam illam simplicitatem & nitorem se-
 quantur. Certè superioribus temporibus vocibus ineptè
 confictis omnia involverunt & ut *Malmesburienfis in Vi-*
tâ S. Althelmi cap. 5. ait pompaticè dictare solebant ac
 verbis abstrusis & à Græco petitis uti. Nostro adeò
 tempore paucissimos reperiās nitore illius Romani stu-
 diosos: inter hos superiori seculo Aschamum tamen quis
 numeret: à Scotis certè in utraque oratione vincuntur.

Non immerito itaque, ut vidimus, exprobari olim
 illa Romano sermoni à Gallis illata peregrinitas potuit.
 Nunc vero ita incultissimâ gente mutata sunt omnia, ut
 nulla magis purum illum Romanæ linguæ nitorem in
 scriptis ostendat quam Gallica. Utenim illic hodie omnes
 artes, omnia studia florent: ita eloquentia Romana novâ
 quasi *παιγγενεσία* intra paucos annos reviviscere coëpit.
 Testantur pulcherrima ingenii monumenta, quæ magno
 numero oratione tam soluta quam ligatâ eduntur. Nam
 de reliquarum artium speciminibus, quæ innumera sunt,
 nunc nihil dicam. Nihil itaque causæ est, quare Italia
 gens latinitatis superiore seculo ad superstitionem studi-
 osa Gallicas illas Veneres, omnibus Italicis magis urbanas
 & Romanas fastidiat. Queritur de illo Italarum fastu
 & fastidio Balzacus in Epistola quam ad Petrum Costar-
 dum

dum scripsit, atque inter ejus selectas latinas reperitur. Quenam illa est, inquit, *Naugetiorum & Victoriorum iniquitas*? quis ille morbus populi, ut sibi videtur Romani, ad nostra quaque etiam optima nauscantis? Aegrè itaque fere Pictonis ejusdam Poëte carmen, qui, ut ait, quamvis natus in Provinciâ Galliarum, suo judicio, Aventino & Quirinali digna scribat, Poëte vinitatis accusari. Quam Poëte vinitatem, vel Poëte vinitatem sive Pictonismum Gallis nonnullis objectum falsè idem festivissimus Autor rides in libro Gallico cui titulus: *Les Entretien. Entretien V. chap. 5.* Ac alio sermone, *Entretien. XI.* quo de Critice spuriâ agit Italos exagitat, qui in Historiâ Cardinalis Bentivoglii, cujus ipse puritatem dictionis & præstantium admirari satis nequeat, Lombardismos quærant, Adeo sæpe apud Criticos illud Comici verum est:

Ne faciant homines intelligendo ut nil intelligans.

CAP. XI.

A Municipalibus Romana lingua peregrinitas. Urbanum & Oppidanum, Aulicum & urbanum dicendi genus. Oppidana dictio à Cicerone notata. Eadem Atticis fors. Etiam indocti urbanâ dictione literatos superant. Sonus quoque in Urbanâ dictione singularis. Sonus alius verborum, alius oris. Græca lingua major peregrinitas è Dialectorum usu. Italarum lingua antiquissima. Romana è Græca & Celticâ coaluit. Romani sollicitè suum sermonem à contagio municipalium custodierunt. Italica lingua enumerantur.

Erra-

*Etrusca sive Tusca Lingua origo. Romana & Italica lingua
nulla vel exigua differentia. Oratores Latini recensentur.
Quintiliani iudicium laudatur.*

Provincias exteras pervagati in Italiam & Latium
revertimur atque in vicinis peregrinitates Roma-
næ linguæ venamur. Nam vel è Latio puriori
Romano sermoni labem aliquam illatam Cicero
ipse in nonnullis locis conqueritur, qui in epistolis fami-
liaribus quodam in loco facetias Latio oblitus dicit. Ut
enim oblini homines solent cum peregrinantur, ita lin-
gua etiam è vicinis peregrinitatis quid adsciscit. I. L.
Vives lib. 2. de ratione dicendi, inter urbanam & rusti-
cam Orationem genus quoddam medium Oppidanum ag-
noscit, nec aliter hæc duo inter se distare putat, Urbanum
& Oppidanum, quam nunc urbanum & aulicum, quod
modo sit absque deliciis & ineptiis. Non malè sanè :
cum quæ in Aristocratico & populari regimine urbana
dictio triumphabat, ex nostri seculi genio aulica dici po-
test, ad quam se conformat oppidana. Hoc itaque quasi
municipale quoddam dicendi genus est. Ita Capasios
fratres eodem in libro, oppidanum quoddam & incondi-
tum dicendi genus sectatos exagitat Cicero, & Tincam
Placentinum hominem facetissimum Romæ diu commo-
ratum, Q. Granius, præco, cum quo dicacitate certave-
rat, obruit tamen sapore vernaculo, suavitate scilicet il-
lâ urbanâ, ut eodem in loco Cicero testatur. Erat vero
hæc Urbi & urbanis suavitas adeò insita & ingenua, ut
vel eruditissimi Latini ab indoctis etiam Romanis vince-
rentur. Romani minus studebant artibus iis quæ literis
con-

constant, quam Latini illi qui Latium colebant, eosque hâc virtute superabant. Testis est idem Cicero lib. 3. de Oratore. *Nostri minus student literis quam Latini: tamen ex istis, quos nostis, urbanus nemo est, qui literatissimum rogatorum omnium Q. Valerium Soranum levitate vocis atque ipso oris pressu & sono facile vincas.*

Non alia sanè linguæ Romanæ, quam Atticæ fata fuere, de quâ Cicero libro de claris Oratoribus: *Ut semel è Peireao eloquensia exvella est, omnes peragravit insulas, atque ita peregrinata tota Asia est, ut se externis oblinere moribus, omnemque illam salubritatem Attica dictionis quasi sanitatem perderet, ac loqui penè dedisceret.* Ac Quintilianus notat postquam Æschines Rhodum exilio delegerat, eoque studia Athenarum intulerat, illa saporem Atticum peregrino miscuisse, velut sata quadam cælo terraque degenerant. De Athenarum urbe atque sermone ita Cicero lib. 3. de Oratore scribit: *Athenis iam diu doctrina ipsorum Atheniensium interitis, domicilium tamen in illâ urbe remanet studiorum, quibus vacant cives, peregrini fruuntur, capsi quodammodo nomine urbis & auctoritate: tamen eruditissimos homines Asiaticos quivis Atheniensis indoctus, non verbis sed sono vocis, nec tam benè quam suaviter loquendo facillè superabit.*

Patet ex hoc loco præter usum vocum nativum, ac subtilitatem, formam scilicet verborum urbanorum & lenium animis & auribus jucundam ad urbanam dictionem à Cicerone requiri & sonum qui exit ex ore: cujus singularis Atticis & Romanis suavitas fuit, aliis non facile

imitabilis. Cum enim differente organorum motu voces exprimantur; aliqui ex imis pulmonibus hauriant; aliqui ore cavo; aliqui rotundo, dentibus labiisque pressis forment; aliqui obscuro voce sint; aliqui langueant: ita varios edi sonos necesse est, barbaros alios & inconditos, alios venustos & suaves, qui educatione & consuetudine oriuntur ac firmari solent. Sonus alius est verborum, alius oris. Sonus verborum singularis; Cicerone lib. 3. de Oratore teste, manet apud Plautum & Nævium, unde conjecturam capere licet, quo sono vocis fuerint usi. Oris autem sonus in pronuntiatione consistit. Soli itaque in tot Græcorum gentibus Athenienses, soli in tam diversis Italiæ nationibus Romani hunc saporem sonumque linguæ habebant, quem salubritatem & sanitatem, quem lucum & sanguinem incorruptum Orationis eleganti translatione Cicero vocavit.

Est vero Græca lingua ad peregrinitates propensior, quo major in illâ est Dialectorum varietas & licentia. Neque custodire puritatem suam Atticus sermo poterat, cum vicinæ gentes & Respublicæ, æqualis potestatis, leges ab Atheniensibus sibi præscribi non paterentur; ut major erat Romanorum autoritas, qui vicinorum linguis sub jugum redactis nunquam illam concesserunt autoritatem, quam Græcæ linguæ Dialecti sibi arrogarunt. Quales in Rebuspublicis & populari regimine maxime vigere notarunt nonnulli. Ubi vero ab unius arbitrio civitatis omnia pendent, facilius est eam coercere licentiam, quæ sibi relicta latius serpit seque puriori sermoni immiscet. Hinc in Græcis poetis, in quibus licet una

una aliqua dicendi ratio regnet, è Dialectis tamen alijs multa admista videas: quam libertatem in linguam quoque Gallicam, verum sine ullâ, ut ego arbitror, ratione reductam volebat Ronsardus & Mambrunus in doctissimo de Epico Carmine libro part. 2. quæst. 10. n. 12.

Ad Italos quod attinet, magna hic ut populorum, ita & linguæ antiquissimis temporibus fuit diversitas. Imo ipsa Roma, si Dionysium audimus, primum Græcâ lingua usa est, quæ Celtarum aliorumque vicinorum & advenarum linguis mista tandem in latinam coaluit: cujus historiam hæc parte nuper quoque in docto Atlanticorum opere cap. 3. Olaus Rudbekius illustravit. Lingua Latina, docente Lipsio de rectâ ejus pronuntiatione, exiguis olim finibus contenta circa Romam ferè & finitima infero Tiberi hæsit. Italiam cæteram adeò non pervasit, ut hinc Tusci Liguresque, inde Magnæ Græciæ incolæ diversissimo usi fuerint sermone, quem diu etiam aucto Imperio tenuerunt. Post Punica bella sub annum ab V. C. b LXXIII nondum se lingua latina non multum dilataverat. Nisi quod Livio teste, cum agit de bello Tullii Hostilii adversus Fidenates, *magna pars Fidenatium, ut qui coloni Romanis additi essent, Latine sciebant*; quod certe sub ipsa Reipubl. initia contigit. Fuit quoque Cumanis petentibus concessum, *ut publice Latine loquerentur, præsonibusque Latine vendendi jus esset.*

Verum postea à Colonis & Civitatis communione illius linguæ usus invaluit, adeò ut Plutarchus libr. de Quæstionibus Platonicis circa finem dixerit *suo tempore*

omnes ferè mortales sermone Romano usus. Accessit hinc Romanorum autoritas, qui ad honorem suum hoc pertinere rati linguæ Romanæ usum publicum esse voluerunt, suosque Cives municipali contagione, quoad fieri potuit, immunes servarunt. Nam in filiis suis Hetruriam aruspiciæ discendæ causâ missis magnam diligentiam adhibuerunt, ne linguam temerarent, ut Cicero lib. 1. de LL. testatur; & teste Svetonio in Claudii Imperatoris Vitâ cap. 16. *Splendidus vir Graciæque provincie princeps, verum lasini sermonis ignarus, non modo albo iudicium erasus est, sed etiam in peregrinitatem redactus.* Testis est Valerius Maximus lib. 2. cap. 2., quanto studio Romani linguam suam propagarint: *Magistratus, inquit ille, quantopere suam populi que Romani maiestatem retinentes se gesserint, hinc cognosci potest, quod inter cetera obtinenda gravitatis indicia illud quoque magnâ cum perseverantiâ custodiebant, ne Græcis unquam nisi Latinè responsa darent, quin etiam ipsâ Lingua volubilitate, quâ plurimum valens, excusâ, per interpretem loqui cogebant, non in urbe tantum nostrâ sed etiam in Graciâ & Asiâ.* Quo scilicet Latinæ vocis honos per omnes gentes venerabilior diffunderetur.

Linguas in Italiâ complures olim fuisse, ut dixi, res est notissima. Quemadmodum enim illi originibus, animis, imò & coloribus (nam novem in illis omninò distinctos colores vel hodiè observavit Camillus Baldus commentario in Physiognomica Aristotelis part. 1. cap. 4.) diversi fuerunt, ita & linguas sibi vernaculas domique natas singulæ gentes habuerunt. Fuerunt vero illæ vel CisTiberinæ, ut Latina, cujus Dialecti Tusculana, Lanuvina

vina, Prænestina, Formiana, Marforum &c. quæ & ipsæ antiquitus à Latinâ discrepabant, & Græca, cujus species Sicula & Tarentina. Intermediæ quasi erant Sabina, Osca, Volscæ, Campana, Brutiorum. Vel Trans-Tiberinæ, ut Etrusca, cujus species Falisca & Rhetica & Ligurum. Ab his vicinis linguis primum crevit Latina lingua, quæ inopiam suam externarum vocum accessione sublevavit. Illinc è Græcis voces accepit plurimas; Hinc ab Etruscis & Tuscis. Hos è Syriacâ linguâ oriundas voces habuisse aliqui crediderunt; Rodornus vero Schrieckius è Celtis deductas, quod longè est verosimilius, autumat. Nam Originum Celticarum lib. 1. antiquum illud monumentum, Inscriptionem Etruscam, quæ sibi ab Errico Memmio, præfente Joh. Passeratio data fuit, proponit & examinat. Cujus commatis Inscriptiones plures in Tabulis octo æneis characteribus Hetruscis repertæ fuerunt Eugubii in Umbria, Perusiæ in Etruria, Florentiæ in Palatio Reipublicæ ad Scalam quandam in dextro pede simulacri ejusdam Chimææ, quod cum in locum Areæ translatum. Eugubiarum tabularum specimen producit Merula *Cosmogr. part. 2. libr. 4. cap. 18. pag. 201.* qui planè se hîc ignarum profitetur. Schrieckii quidem ego conjecturas audaces non omnino probo, sed Celticæ veteris vestigia subesse est verosimillimum. Rheticam, quæ illi subest, è Germanicâ multa traxisse credibile est, arguitq; ipsum Tuscorum nomen, gentem esse Germanam atque è Germanis oriundam.

Postquam Romani cum Italiæ populis & vicini-
bus Latinis arctiora instituerent commercia, factum est,

T 3

ut

ut veteres illæ linguæ longâ consuetudine paulatim tollerentur, iisque Romana succederet, remanentibus tamen quibusdam apud omnes populos veterum linguarum reliquiis inter rusticos ac plebeios homines, ipsaq; lingua jam communior facta Larina diceretur. Hinc tot apud Grammaticos antiquos leguntur voces, quas ut minus latinas & Romanas vel saltem ut plebeias abiecerunt Tusculanæ voces notantur: *Triatrus*, *Quinquatrus*, *Sexatrus* &c. *Strappus*. Prænestinæ, *Nesrones*, i.e. Testiculi, *Tongitio* i.e. notio, *Conia* i.e. Ciconia. Græcæ voces innumera Latinitate sunt donatæ. E Sicilia quoque & Tarento quædam semigræcæ voces quoque in illam illatæ. Japyges antiquissimi Italiæ orientalis incolæ, inter quos principes Salentini Linguam etiam antiquis temporibus peculiarem literasque habuere, cujus aliquod fragmentum extare Joannes Pontanus, Hermolaus Barbarus aliiq; testantur. Sabinâ linguâ *Nerones* fortes dicebantur. Mars *Mamers*. *Sol* Sabinum esse vocabulum testatur Varro. *Talus* Prænomen Sabinum, *Casus* pro acutus, *Curis* Hasta, *Ausum* pro auro, *februum* purgamentum &c. Oscum sermonem à Latino diversum fuisse hic Titinnii versus testatur:

Oscè & Volcè fabulantur: nam latinè nesciunt.

Oscæ sunt *Meddix* Magistratus, *Sollum* Solidum, *Famel* servus; unde postea *famulus* vox latina, *Ungulus* Annulus, *Dalivus*, insanus, *Petora* quatuor, *Casnar* Senex &c. Huic linguæ insultare soliti fuere Romani: nam *Oscæ Ludicra*, quæ vocabant, celebrabant, quorum etiam Strabo lib. IV. meminit.

Quan-

Quando itaque voces ex his gentibus superfuerunt omnino credibile est phrasas quoque insolitas ad genium vernaculum formatas in Romanam linguam illatas fuisse, quas statim subolfecerint emundioris naris homines Romani. Quintilianus de iis disertè ait: *Verba aut Latina aut peregrina sunt: Peregrina ex omnibus prope dixerim gentibus, ut homines & instituta etiam multa venerunt. Tacito de Thuscis & Sabinis & Praenestinis quoque: nam eorum sermone utentem Vectium Lucilius insectatur.* Fuerunt tamen etiam inter Romanos, qui ut sæpe fieri solet, etiam cum minime peregrina essent, suspecta tamen quâdam censendi prurigne multa habuerunt. Nota sane sunt Urbana erga Provinciales in omni gente fastidia. Coaluerant jam ita Latini & Itali omnes cum Romanis, ut non tam immane inter illos discrimen circa extrema hæc tempora quis deprehenderet. Laudat sanè è Latinis, qui sua tempora præcesserunt, Cicero in lib. de Oratoribus, Q. Vectium Vectianum è Marlis prudentem virum & in dicendo brevem, Q. & D. Valerios Soranos, C. Rusticellum Bononiensem, & omnium eloquentissimum T. Betulium Barrum Asculanum, & apud majores suos disertissimum ex Latio L. Papirium Fregellanum. Ac fuerunt qui Romæ ab ineunte ætate commorati Scriptores omnes elegantias imbiberunt. Patavinitatem tantum abest, ut in Livio deprehenderit acerrimus Latinitatis Censor Quintilianus, ut potius pronuntiata decretoria quasi sententiâ, omnia Italica suo tempore pro Romanis agnoverit.

CAP. XII.

URbani fastidiosi erga provinciales. Plures Provinciales eloquentiâ latinâ floruerunt quam Romani. Ciceronis Arpinitas. Terentius Afer. Plantus Umber. De præstantia Plantina dictionis adversus Asulanum & Naugerium. Cornelius Nepos non fuit Romanus. Virgilius Mantuanus. In illo à Pollione notata Mantuanitas. Carbilli pictoris Eneidomastix. Catullus Veronensis. Propertius Umber. Ovidius Sulmonensis. Defensus adversus Marullum & alios. Horatius Venusinus: in veteres iniquior. Vitruvius, Manilius non fuisse Romani. Salustius Sabinus, Livius Patavinus. Lucretius & Caesar Romani. Ille mala latinitatis auctor male à Lambino habitus. Caesaris dictio nitida. Varro alter Romanus, alter Gallus. Cursii, Cornelii Celsi, Velleii Patriculi Patria incerta. De hoc ridiculum Asulani iudicium. Phædrus Thrax purissima latinitatis scriptor. Marquardi Gudii in illum animadversiones inedita laudantur. Barbaries & Thracismus illi obiectus discutitur. Intempestiva Criticorum Censura notantur. Columella Gaditanus. Plinius alter Veronensis: alter Novocomensis. Quintilianus Hispanus. Petronius Romanus. Alii scriptores Neapolitani, Campani, Hispani &c. Martialis Bilbilitanus. Ejus uxor urbanam dictionem affectabat. Similes Provincialibus nulla peregrinitas adverti potuit, qui Pollio potuit in Livio? J. L. Vivis de Pollione iudicium.

Vidimus Romanos tum provinciis exteris, tum Italiæ & Latio item de peregrinitate linguæ suæ infusâ

fusâ litem moventes, ut pateret eò clarius, quo jure ob-
 jici Livio Patavinitas possit; ac deprehendimus Urbanos
 nostros homines in intentato illo crimine, si verum fa-
 teri velimus, nimis interdum querulos, fastidiosos, su-
 perciliosos, addo & invidos. Ut enim domestica amare
 plerumque consuevimus, ita & hic nonnunquam fit, ut
 peregrina licet optima nostrisque meliora, quacunque
 etiam specie, contemnamus. Ac sanè si nomina illustri-
 um virorum, quorum fama literarum monumentis ce-
 lebrata est, conferamus, majorem eorum numerum,
 qui è Provinciis & Latio oriundi, diuque Romæ com-
 morati vel in ipsis provinciis libros reliquerunt, quam Ro-
 manorum hominum inueniemus. Ipse Cicero Arpinas, ho-
 mo novus, annon præ tot Romanis claruit: cum tamen in-
 venti fuerint scioli, qui sermonem ejus è patriâ aliquid
 trahere Arpinitatis calumniarentur. Quis Terentius?
 Afer. Sed illo urbanius fieri nil potest. Plautus annon
 Umber est? Et tamen hunc Gellius, optimus certè cen-
 sor, vocat verborum Latinorum conservatorem diligen-
 tissimum & linguæ atque elegantiae in verbis latinæ prin-
 cipem. Et rectè quidem: Nam si pauca prisca, obsole-
 ta, semigræca, jocosa exceperis, quæ Comœdiæ indulgen-
 da videbantur, reliqua omnia elegantissima sunt. Con-
 temnendæ enim sunt Asulani in Plautum calumniæ, quas
 solidè discussit Florid. Sabinus Apologiâ in linguæ latinæ
 calumniatores. Nisi forte verus earum autor fuit Nau-
 gerius, homo quidem doctus, sed mire superciliosus &
 nescio qua *ῥωμαιομανία* laborans, ut qui Martialis quæ-
 dam exempla quorannis in Manium Catullianorum ho-
 norem Vulcano offerre solebat. Quid verò? plurisne

æstimanda est alicujus Naugerii, quam ipsius Ciceronis autoritas. Is enim lib. 3. de Oratore Plautum in exemplum posuit, ad quod sui temporis, quæ minus ipsi placebat, latinitatem exigeret. *Equidem*, inquit ille, *cum audio socrum meam Laliam, eam sic audio, ut Plautum mihi aut Nevium videar audire.* Addo his magnificum Varronis, at cujus Censoris? judicium, qui, ex sententia Stolonis, Plautino sermone ipsas Musas locuturas ajebat.

Cornesium Nepotem, quo nil venustius Romanus scribere calamus potest, Padi accolam Plinius, Catullus Italum, Aufonius Gallum, Merula Veronensem facit: Romanus cerre non fuit. Virgilius ille Poëtarum Latinorum Princeps Mantuanus fuit, & in hoc Lynceus noster Romanus Pollio, scilicet ut gratiam Eclogam IVtam inscribenti referret, Mantuanitatem, si Diis placet, observasse sibi visus est. Id enim de eo notavit Scaliger *Poëtic. lib. 4. cap. 17.* quo autore incertum: Fr. Floridus illud Hieronymo tribuit. Sed superant tamen divina Virgilii Carmina, cum Pollionis illæ Tragædiæ, de quibus Horat. *lib. 1. sat. 10.* modicè, ut videtur, sentit, dudum oblivione sepultæ fuerint. Hunc quoque Carbilii pictor aggreffus, à quo Æneidomastix liber in illum scriptus, & Macrobius furti illum arguit, ipse fur plusquam manifestus, qui libros Gellianos compilavit. Catulli, Poetæ, si quis alius, lepidissimi & latinissimi Patria Verona est. Propertius Umber inter principes aureæ ætatis poetas omnium suffragiis reponitur. Primus enim Italorum Elegiam Latio donavit. Blandi oris Ovidius illum vocat & iure sodalitiis sibi junctum fatetur. Ipse Ovidius o-
mini.

annium deliciarum & elegantiarum Pater, annon Salmoneus fuit? & hunc tamen ineptissimus Marullus non è Poëtarum solum ordine deturbare ausus est, sed & in Latinitate ejus nescio quid desideravit. Dignus certe, ut Floridus Sabinus in Apologia sua ait, quem factò impetu apud inferos Poetæ excarnificent & in crucem agant. *Tanta omnibus*, ait porro Floridus, *admirationi semper fuit Ovidius, ut non ingeniosus sed ipsum ingenium, non latinus sed ipsa latinitas, non Musarum Sacerdos, sed ipsum Musarum numen sit habitus.* Quod autem ad Latinam linguam attinet, eruditi omnes uno ore fateantur, si illa funditus periisset, uniusque Ovidii scripta superessent, ex iis facillimè eam restitui posse. Nolo nunc de iis dicere, qui declamatorias in illo argutias notarunt. Victorium hominem maximè sibi sapientem, qui in oratione & versibus enervatum ausus est dicere jam alii contuderunt. Romanæ fidicen Lyræ Horatius, qui primus lyrici carmine celebratur, an forte is Romæ natus ac illo urbanitatis lacte primum enutritus est? Minimè quidem; sed ut ipse de se Od. 9. lib. 4.

Longè sonantem natus ad Ausidum
& Sat. 1. lib. 2.

— *Lucanus an Appulus, anceps.*

Nam Venusinus arat finem sub utrumque colonus.
Nec fuit, quod ego memini, qui vel levissimum in ipso peregrinitatis vitium notaret, neque hostes habuit, nisi obscuros quosdam homunciones, quos passim in satyris suis insectatur. Ipse vero in antiquiores præsertim Comicos & Satyricos acerbior est, ut Plautum & Lucilium, quorum ille tamen omnium judiciis effertur, hic à Quinti-

liano ita laudatur, ut totus ab Horatiano illo iudicio dissentiat. Superfunt in aureæ illâ ætatis classe Vitruvius & Manilius, quorum etsi Patria incerta est, Romanos tamen non esse constat. Et ille quidem barbare non loquitur, iudicio Scaligeri, sed inconditè: Hunc peregrinum esse iudicat Gyraldus, quod inquinatè loquatur, reprehensus in eo à Scaligero, qui idiotismos quosdam & incondita agnoscit, non vero fordes, quas ipsi affricare voluit Gyraldus. Subjicimus his Historicos Salustium & Livium nostrum, quorum ille in agro Sabino natus primam historiæ Romanæ laudem reportavit, cujus oratione atque brevitate Quintilianus iudicabat fieri nihil posse perfectius, atque adeo Thucydidi illum è Latinis opponere non dubitabat. Hic noster Patavio oriundus, Salustii virtutes aliis & ut ego quidem arbitror majoribus superavit. Uterque hostem & calumniatorem Pollionem habuit: nam ut in Livio Patavinitatem, ita in Salustio singulari libro, nimiam antiquitatis affectationem reprehendit.

Equos ergo in tota hæc aureæ ætatis classe, quâ potissimum hæc censeretur Urbanitas, Romanos habebimus, præter duos forte Lucretium & J. Cæsarem, ambos quidem latinissimos, quorum ille tamen, si Quintiliani non spernendum iudicium sequimur, legendus quidem, sed non ut phrasin, id est corpus eloquentiæ faciat: forte quod ex argumento Scholastico civilis dictio formari nequeat. Quò respexit forte Dionysius Lambinus, cum Lucretium malum Latinitatis autorem vocat, quâ tamen cum sententiâ ille minimè audiendus est; potest enim

enim latinitas bona esse in autore, quem necessitas adigit ut in argumento novo voces & phrascs aliquas populo inauditas fingat. Julius Cæsar, etsi ipsi latina, nitida, sine affectatione fluens oratio lineamenta potius Historiæ duxit, quam corpus concinnavit. Ideoque Livius ipsi in imitatione præferendus. Quam ob causam, ut puto, strigosum ejus stylum vocavit Masenius: Qui eam ob causam reprehendendus omnino est. Licet enim characterismos illos perfectæ historiæ in illo non deprehendas: mira tamen est in illo sermonis castitas, & qualis erat in prisca Romanâ nobilitate; Quod enim parum diligenter nec integrâ veritate scripsisse judicavit Pollio, hujus quoque insectator, ad nos nunc non pertinet. M. Terentius Varro & ipse Romanus cum de Re Rusticâ & linguâ latina tantum scripserit non adeo ad Auctores, è quibus phrascs ac eloquentiæ corpus formatur referri debet, P. Terentii Varronis Atacini è Narbonensi Galliâ oriundi scripta interierunt.

Ubi ad argenteam ætatem processerimus, plures etiam inveniemus peregrinos quam Romanos. Curtius, Velleius Paterculus, Cornelius Celsus, patriæ incertæ, sed non mali, quod ad latinitatem attinet scriptores: ubi de Velleio hoc ridiculum notandum est; notante Gronovio in præfatione Livii, Asulanum, eum sc. cujus modo mentionem fecimus, insimulare Basilieneses, quod historiâ rerum Romanarum sub nomine Paterculi ediderint, in quo nihil fere latinum legatur, quod Augusti tempora redoleat, quibus eum floruisse velint. Quo sanè nil dici potest puridius & insulsius. Phædrus Augusti vel Tiberii

libertus, gente Thrax Æsopi fabulas latinis versiculis descripsit adeò nitidis & limatis, ut nil Romanus dici scribique possit. Vavassor *de ludicr. dict. pag. 206.* ejus dictionem ab omni peregrinitate & insolentiâ remotam judicat, narratque accepisse se à Jacobo Sirmondo, cum Petrus Pithœus primum misisset Romam hos libros Luteriæ editos, Romanos ut emunctæ naris homines novitate voluminis percussos non dubitasse, quin ætatem redoleret Augusti ac summam illam facilitatem styii & scripturæ repræsentaret. Id autem non immeritò miratur Vavassor, qui factum; quod Seneca Æsopios logos intentatum Romanis ingeniis opus dixerit, cum Phædrum hunc haberet, quem opponere possit toti Græciæ. Nec putat tamen ille, quod Petrus Pithœus & Lipsius judicabant, ideo hoc ab ipso dictum: quod Phædrus non genere Romanus, sed Thrax fuerit, ab omni enim malignâ invidiâ alienum fuisse Senecam existimat. Verum quoniam Tiberii, Caligulæ & Neronis tempora non admitterent vel cogitationes liberas, ideoque ob apologos, quibus illius seculi tyrannis notatur, silentio suppressum hunc libellum credit. Quâ de re integrum esto cuique judicium. Id certum est libellum hunc Urbanum illum & Romanum nitorem servare incorruptum; modò à mendis omnibus repurgatus esset, quæ infinita in eo restare docebit nos aliquando incomparabilis in his literis MARQUARDUS GUDILIUS, si exorari possit, ut suas in illū animadversiones luci publicæ exponat. Ut sit autem in hoc opusculo nitidissima latinitas, non defuerunt tamen inter Criticos etiam magni nominis viri, qui longè aliter judicarent. Seriverius animadvers. in Martial. lib. 3. epigr. 20. nu-

nugari ait, qui hunc Phædrum ad tempora Augusti & Tiberii referant, quo ille ævo minimè dignus sit. Causas hujus sententiæ suæ se ostensurum promittit, ubi animus otiumque ista frivola pertractandi fuerit. Neque satis mirari Scioppii indignum in hoc autore supercilium possum, qui in Infamiâ Famiani, hunc scriptorem, *velut domo barbarum & sermone non parum sape plebeium* vocat, inque eo nescio quid Thracici subodoratur. Quam ob causam reprehendit illum Cl. Schefferus Phædri commentator, qui tantum abest, ut tale quid in illo invenerit, ut potius in plerisque Virgilium, in cæteris Plautum, Terentium, Ovidium imitatum fuisse judicet, hocque convicium pari jure cum Livianâ illâ Patavinitate censet. Hos quoque tam delicatulos censores merito vellicat Barthius cum *Advers. lib. 48. c. 10.* hujus ipsius Phædri quædam emendaturus præfationis loco invehitur, in *genus quoddam hominum mira*, ut vocat, *ambitionis, quod ut sapere videatur profundius ceteris omnibus, non jam exponere veteres scriptores, sed censere & in ordinem redigere incipit, idque adeo vecordi animo, ut Latinos auctores illatinitatis damnare non jam pudori habeat, sed gloriæ loco censeat, barbaria eos damnare, qui vigenſe flore lingua Latialis cum primis clari fuerunt.*

Nolo operosè in cæteros inquirere, qui vel eadem ætate, vel latinitate jam declinante vixere. Columellam Gaditanum novimus, qui tamen sermonis suavitatē, politia, vi quoque & eruditione principibus latinæ linguæ scriptoribus accensetur teste Barthio *lib. 37. cap. 7.* imo Varrone illo Romano terrior est. Plinii duo sunt, alter
Vero-

Veronensis, qui universam rerum naturam, pari linguæ elegantia descripsit, alter Novocomensis, cujus epistola & oratio Attici quid spirant: & quibusdam præ Ciceronianis, quo tamen falluntur, sunt in pretio. Quintilianus quo nemo artem oratoriam inter latinos elegantius adornavit, annon Hispanus? Et hunc tamen, si Ciceronem exceperis, omnibus præferre non dubitant nonnulli, etsi Philelphus in illo Hispanitatem invenisse sibi visus est. In hac tamen ætate unus præ cæteris laudari meretur eques Romanus, Petronius, purâ quidem latinitate, sed impuro argumento laudabilis, ne quid de Neronianis temporis phrasi, de quâ suprâ, hic dicam. Seneca uterque, Lucanus, Mela, Hispani, Statius Neapolitanus, Valerius Flaccus Campanus, Juvenalis Aquinas, Claudianus Alexandrinus eâ eloquentiæ laude claruerunt, quam ista tulerunt secula, in quibus tamē alii aliis puriores & elegantiam primæ ætatis propius contingunt. Martialis Bilbilitanus, etsi ob peregrinitatem Hispanicam nonnullis, sed maledicis censoribus, vapulat: laude tamen elegantiarum latinarum minimè privandus est. Ipse sanè affectavit quam maximè, adeo ut & uxorem suam ob elegantias Romanas magnopere laudet lib. 12. Epigr. 21.

*Municipem rigidi, quis Te, Marcella, Saloniæ
Et genitam nostris, quis putet esse locis?
Tam rarum tam dulce sapus, Palladia, dicent,
Audierint si Te vel semel esse suam.
Nulla neque in media certabis nata Suburra,
Nec Capitolini collis alumna tibi.
Nec cito ridebit peregrini gloria partus,
Romanam dicat quam magis esse nurrum*

*Tu desiderium domina mihi mitius urbis
Esse iubes. Romam Tu mihi sola facis.*

Verum sufficiat in tot scriptoribus enarrandis nos fatigasse, quos ideo adduxi, ut demonstrarem eloquentiam Romanam plus debere ipsis exteris, quam Romanis. Et est sanè prodigio similis res, tam paucos fuisse Romanos qui literis quid consignarint, & si qui fuerint, unà cum illo argutulo Pollione pessum ivisse: cum contra omnes immortalem illam nominis sui & Romani gloriam, tum Provinciales, tum Itali & Latini tueantur. An hoc ignavia tam pauca scribentium, an fato iniquiori imputabimus? Jam tuam itaque fidem testor Pollio! quid est quod unum inter tot provinciales Livium huic Patavininitatis culpæ affinem facit? cum reliqui nihil hujus gentilis labis contraxerint. An potuerunt cæteri omnes hanc eluere peregrinitatis maculam: solus Livius & tamen Romæ vivens non potuit. Vel itaque leve aliquid & nugatorium, in quo illa Patavinitas consistit, vel quod potius duxerim, mera aliqua calumnia est, à supercilio & invideo Pollionis animo profecta. Imo vero, ego Joannis Ludovici Vivis judicium, quod ex his quæ hæcenus disertavimus, deduci videtur, probaverim: qui lib. 2. de causis corruptarum artium, in municipalibus autoribus majorem interdum eloquentiam, quam in ipsis Romanis agnoscit. De Livio ille: *Livius sermone illo, quem Pollio Patavininitatem dixit sapere, eloquentior fuit multis Roma natis, & forsassis illo ipso Pollione.* Et in de tradendis Disciplinis libro 3. idem: *Livii Patavininitatem quam*

gustabas Pollio Asinius, nos non gustamus: Scilicet non habemus jam palatum usque adeo eruditum, aut certe morosum.

CAP. XIII.

Peregrinitatis censura agere institui potest. Censura recentiorum reprehenduntur. Scaligeri in Erasmi Invektiva, quod Livii Patavininitatem cum Pollione probavit. Ejus de Pollione judicium. Urbanitatis incertum judicium. Cicero ipse in illa dignoscenda fluctuans. Femina optima urbanitatis custodes. Etiam indocti. Facere contumeliam Plautino seculo probatum, Tulliano rejectum. Livius non male à Tanag. Fabro notatus, quod sensum vocis latina Classis non rectè ceperit. Tilemanni ineptum de Patavininitate & voce majestatis judicium. Urbanitas an ad Ciceronis tempora restringenda. Censura nonnullorum in antiquos auctores. Solæcismi, Archaismi, Singularia in Cicerone. Neomemotè ex Analogia vitandi. Q. Mar. Corrad. notatus. Scioppii audacia in censendis Metelli verbis. Peregrinitates alia à Scioppio & Francisco Sanctio notata. Non temerè de his iudicandum. Pollionis nonnulla voces à Manutio damnata. Palmari. In Cælio & Cicerone filio duriora notata. Criticorum depravationes generant voces & phrasas barbaras. Nizolius à corruptis exemplaribus multas collegit. Exempla earum. Lambinus & Manutius notati.

Cum plurima hæcenus inquisiverimus, ut tandem pateret, quæ in re Patavinitas Livio objecta consisteret,

listeret, parum tamen isto conatu nostro proficimus: alix enim ex aliis oriuntur difficultates, quæ ejus investigationem, si qua illa fuerit, remorentur. Nam et si quidam Urbanitatis color fuit, et si & peregrinitas quædam à nonnullis illata, tamen ejus à nobis censura nulla institui potest: præsertim, cum & ipso illo perfectissimæ latinitatis tempore non satis ea diversitas ab ipsis urbanis hominibus dijudicata fuerit, ac provinciales in urbe Romæ educati in totam se urbanitatem ita induerint, ut omnis latinæ linguæ gloria penes illos steterit, quemadmodum præcedenti Capite ostendimus.

Quare intolerabiles videntur recentiorum hominum de antiquis autoribus censuræ, qui latinitatis nullam aliā, quam ex lectione & observatione instituere possunt. Merito itaque Erasmus reprehendit Scaliger in Oratione quam adversus Ciceronianum ejus scripsit: nam & Erasmus Pollionis illam de Patavinitate calumniam suam fecerat. *Aliud, inquit, sonat auribus tuis improbo nunc verbo adsuetis, Erasme, aliud Romano viro, qui tamen Asiniana calumnia Patavinitatem Livio obiectare ausus es, quam tu quo loco, quo tempore cognoscere, quo modulo Erasmus metiri potes? Quâ ratione Teutonicus vitium illud conflari, quo judicio dignosci dices? Si omnes voces Romanæ sunt, si universa structura ex veterum cements lapidibus rediviuis, incorruptâ maseriâ constas, si candor ille illam felicissimam ætatem etiam superat, si omni invidia omni calumniâ major est, quam in lacteo illo flumine labem labes deprehendas? Cum tamen illius sententia ne his quidem qui objeceras ceteros Romanos habueris adfertores.* Acris hæc

in Erasmus investiva J. C. Scaligeri est, quam iisdem pene verbis Scaligeri dissimulato nomine Scheurlius in *Stras. Merc. sect. 2. part. 2. cap. p.* in Erasmus iteravit: sed à tanto viro profecta, cuius iudicio & censuræ plusquam sexcentis aliis tribuendum. Nam nec ille hanc in Livio Patavinatatem perspicere potuit, cumque cum Livianis ille Pollionis fragmenta conferret, Poetic. lib. 4. cap. 17. hæc de ipso pronunciare veritus non est: *Quod si Pollio sibi solus Romanè vel loqui vel scribere visus est, cui Livius olet Patavinatatem, Virgilius Mantuanitatem, Ciceronis dictio parum sapit, sanè si iis qua illius exstant, non dixit meliora: malim profecto cum hisce minus Romanè loqui, quam cum illo cum ad modum, quem legimus ex fragmentis.*

— Quid ergo illius Patavinitatis alii notent, quam Scaliger tantus & Censor & Grammaticus deprehendere non potuit? imò quam ipsi Livii tempore Romani dignoscere non potuerunt, cum, notante Strebæo comm. in Cic. librum 3. de Oratore ante Livium Urbani ab antiquitate longè deviarint. Mira enim est ejus urbanitatis fluctuatio, neque certa ejus tempora constitui possunt. Nam cum ab usu hominum in urbe viventium illa penderet, placuit alio tempore, quod alio displicuit, ut sunt varii hominum animi & in annos mutabiles, ipsaque lingua, & pronunciatio quotidie gliscit. Ciceronem ipsum multa sui temporis offendeabant, magisque priorum temporum dictione capiebatur: nam delectabatur cum audiret loorum suam Læliam, & eam sic audiebat, ut Plantum sibi ac Nævium videretur audire: *facilius enim, inquit, mulieres incorruptam antiquitatem conservant, quod mul-*

eorum sermonis expertes ea senent semper qua primâ didicerunt. Quo fit etiam ut homines sine literis eleganti tamen dictioni adsuescant, ut Curio ille, qui literarum nihil sciebat, de quo Cicero in Oratore, *quod splendidioribus verbis uteretur usq[ue] aliquo domestico: cum magni intersis, quos quisque audias quosidie domi, quibuscum loquatur à puero, quemadmodum patres, pedagogi, matres etiam loquantur.* Quo tacito sensu, sine ulla arte aut ratione, tota theatra olim reclamant, si quid in sermone offendisset. Rursus idem Cicero sui temporis quædam improbat, quæ tamen ante ipsum bonæ notæ habebantur. *Facere Contumeliam* Plautinò seculo rectè dicebatur: nam usus est hæc phrasi Plautus in *Afinaria* & Terentius in *Eunucho* & *Phormione*. At Ciceronis seculo in desuetudinem hæc loquendi ratio iverat. Cum enim Antonius ita in edicto scripserat: *An ulla consumelia est, quam facis dignus?* Cicero Philippic. III. sic animadvertit: *Quid est porro facere contumeliam? quis ita loquitur?* pro quo nunc fortassis rectius afficere contumeliâ diceremus. Exagitat ille alia quoque Antonii verba, qui tamen Romanus, & quem tamen benè Latinè loqui ipse judicaverat. Quale itaque nostrum de vocibus Latinis iudicium erit, si in eo ipse Cicero fluctuat? Imo Vives in libro de *Disciplinis puritatem linguæ majorem & castigatiorem in C. Cæsare in M. Bruto & aliis Romanis principibus, quam in M. Tullio fuisse autumat*; nec phrasin ejus omnibus placuisse, non Bruto, non Calvo, nec ipsi Pomponio Attico amicissimis.

Fuere nonnunquam voces non adeo antiquæ ipsiſſimis ſcriptoribus optimis ignoratæ, vel illas ſibi in memoriam non revocarunt. Quod de Livio probat Tanaquil Faber. Obſervavit enim in epistoſis ſuis; Livium cum verba hæc in Annalibus, *Classibus ad Fidenas pugnatum*, legeret, non intellexiſſe, per *Classes* in plurali numero ſignificari equeſtres copias, cum & Virgilius eodem ſenſu hæc voce uſus ſit, immerito ob hanc cenſuram ab Ephemeridum Gallicarum ſcriptoribus notatus, quibus peculiari libello reſpondit ſuamque cenſuram defendit: nam non inſolitum eſſe ait phraſes quasdam ab ipſis autoribus latinis non ſatis intelligi, præcipuè ſi ad artem non omnibus notam referantur. Quemadmodum Cicero *lib. 3. Epist. 21. ad Atticum* ingenuè fatetur, ſe diu non intellexiſſe, quid eſſet *inhibere remos*, uſque dum ipſe tandem à nautis hoc didicerit. Erudita hæc Tanaquilis Fabri cenſura eſt: ſed inſiceta & inepta Tilemanni in Diſcurſu Philologico de Hiſtoricorum delectu, cum p. 219 in Livio reprehendit, quod quia ambitioſus fuerit, ſibiſque magis quam aliis ſcripſerit, (in eo enim Patavinitatem Livii conſiſtere autumat) non uno in loco maluerit terminis politicis abuti atque elegantius ſcribere, quam integrius, improprius quam verius, cum cenſoribus, decemviris, conſulibus majeſtatem attribuerit. Nunquam enim majeſtatis vox politico illo & hodie uſitato ſenſu antiquis accepta, ſed recentiorum ſcholis eo ſenſu uſurpari cœpit. Majeſtas vero antiquis quemcunque externū ſplendorem, & magnitudinē, qualis negari Magiſtratibus Romanis non poterat, denotabat. Patavinitate vero ambitionē ejus notari nescio

nescio quomodo putidum est, neque cuiquam ante ipsum in mentem venit.

Videmus itaque in ipsâ urbe discrepasse à se ipsâ urbanitatem, quæ è iudicio illorum, qui Ciceronis ætatem secuti sunt, ut Quintiliani ac aliorum ad Tulliana tempora hominesque tum scribentes restringebatur. Quam sententiam etiam nos amplecti ipsa ratio jubet: cum ab hoc quasi puncto & apice nitor ille sensim labi cœperit. Etsi non defuerunt ingenia obstinatiora & morosiora, qui antiquiora tempora præferrent. Quemadmodum Hadrianus Ennium Virgilio, Catonem Ciceroni prætulit, quod antiquum scribendi genus amaret, utque tam præpoteri ingenii aliquod urbi monumentum relinqueret Catacrianos libros obscurissimos composuit. Neque tamen cū in Ciceronis ætatem urbanitatē compingo, illo solo illam censeri volo. Stultus enim est Doletus meritoque à Fr. Florido Sabino exagitatur, qui alios autores omnes præter Ciceronem sterco appellavit. Sæpe etiam cæteris Veneres sunt, in quibus si dissimilitudo quædam apparet, ea tamen ita delectat, ut non dissimiles esse nolis. Ut vulgum, ita eloquentiæ varietas est, ita Oratorum & scriptorum, qui tamen suam sibi suavitatem, quamquam in diverso genere servant, & eodem tamen Urbanitatis colore orationem pingunt.

Ut vero non defuerunt olim putidi Grammatici, qui Ciceronem, Virgiliumque sub centuram vocarint: ita & hodie, quod mireris, inventi, qui heroibus illis omnem invidiam supergressis, malæ latinitatis dicam scribere non

verentur. Quo nomine Richardum Pacæum Britannum Fr. Floridus Sabinus in eleganti illâ Apologia suâ reprehendit, ejusque calumnias contundit. Cui addi potuisset stultissimus ille veterum & recentiorum autorum Censor Verdieus, qui utin omnibus aliqua, ita in Virgilio barbarismos sibi notasse visus est. In Ciceronem nostro quoque tempore ferociter adeò debacchati fuerunt inepti rhetorculi, non digni qui matulam illi porrigerent, imò ad triremes damnandi. Doctissimam in illos investivam vide apud Inchoferum Hist. Sacr. latin. lib. 2. cap. 15. In hoc tamen solœcismos quidam deprehendere sibi visi sunt. Notavit id Erasmus lib. 28. Epist. 3. pag. 1646. lit. F. edit. London. Manutius quoque in Cicerone ferendum esse solœcismum ait, si vetera exemplaria consentiant. Sed veros Henricus Stephani in *suo Pseudo-Cicerone* solœcismos Ciceronis non admittit, nisi forte ubi is vehementi dicendi vel scribendi impetu præter opinionem abreptus: imo multis ostendit exemplis archaismos, solœcismos vel insolentes loquendi modos non inveniri in Cicerone, nisi qui per Criticorū & librariorū negligentia & audaciam eò irreperint. Occurrunt tamen apud illum voces minus usitatæ. Jam pridem Statilius singularem de singularibus Ciceronis librum conscripserat, & ostendit ille Index, Grammaticus, quem Gruterus operi Ciceroniano subjecit, quam multis ille usus fuerit vocibus & phrasibus, quas apud alios non facile invenias, quibus uti nunc non adeo conveniat. Budæus sed ille mirè ἐλλογµανής, & ut omnium Latinorum ita & Ciceronis contemptor, Ciceroni νωτισµὸς objecit in Comm. Gr. Ling. p. 1019. cujus tamen ipsius ob crebras verborum con-

conversiones minimè Romana dictio est, ut jam supra diximus. Non est ingenio in his indulgendum, adeòque quod antiquis non licuit, multò minus licet recentioribus, qui Analogiam secuti licentiam sibi sæpe sumunt novæ formandi vocabula. Quà in re supra modum facilis est Q. Marius Corradus qui in libro *de Copia latini sermonis lib. 2. pag. 12. & seqq.* indiculum verborum nectit, quibus nos sine vitio uti posse autumat, Vir alioquin puræ satis latinитatis. Verum illius neutiquam probanda est sententia, quam Vir in his literis summus Olaus Borrichius in *cogitat. de Etas. Latina lingua, in verbo Puritas*, optimis & rationibus & exemplis refutavit. Reperti sunt inter recentiores Grammaticos, qui etiam in Romanis scriptoribus peregrinitates notare voluerunt. Quanta Scioppii audacia est, qui in Scaligero pro solæcismo reprehendit: *quam à multis jam annis capite & fortunis oppugnat*: neminemque sic locutum ait, præter Q. Metellum Celerem hominem & arrogantem plus satis, & in sermone non satis neque proprietatis neque elegantia studiosum. Sunt vero hæc verba Metelli apud Ciceronem lib. V. familiar. Ep. 1. *Nec Metellum ob dictum capite & fortunis per se oppugnatum iri.* A Scioppio igitur jam discet Metellus homo Romanus, quomodo propriè & Romanè loquatur. Quis ille stupor, imo potius quis furor est? Vulgarissima enim loquendi ratio est, ut multis exemplis adversus Scioppium ostendit Gronovius *observat. libro 4. cap. 13.* Neque multo felicior ille est in Peregrinitatis Exemplis, quæ judicio de stylo Historico inseruit: in quibus, ut cætera præteream, Græcismum hunc Casauboni, ut nullo autore dictum, damnat: *define querelarum*; cum

eadem verba apud Horatium reperiri vel puerifciant. Recensuit & Franc. Sanctius, longè Scioppio modestior & doctior sub finem Minervæ suæ quasdam peregrinitates. *Habere orationem dicimus, non facere: verba facere, non agere: agere gratias, non facere: fer opem dicimus, da opem non dicimus: dare verba asitatum est, tradere, s. præbere verba, inauditum.* Quid dicam de illis qui sibi docti videntur & passim habentur. Quidam enim ex illis scripsit: *Vigilant milites in monte: pro speculantur de monte: tentat frangere aciem, pro conatur aciem perrumpere: dimisit suos milites pro dimisit copias seu exercitum; impedivis com meatum pro interclusis: victu carebat Cæsar, pro refrenmentariâ: duxit vineas, pro egit: primi in consilio pro consilii principes: reportarunt prædas: pro egerunt: milites monuit, pro hortatus est: signum facit, pro signum dedit, renovavit prælium: pro restituit vel redintegravit, aciem, ordinavit, pro instruxit: redierunt milites pro receperunt se: misit ad succurrendum, promissit subsidio: fecerunt vim pro impetum fecerunt, magnis viis contendit, promagnis itineribus: perdidit oportunitatem, pro amisit occasionem. Sic loquuntur qui linguam, non stylum exercent.* Bene hæc ab illo notata, sed tamen in iis nonnulla defendi possunt. Et si enim non negem in actibus civilibus phrastes quasdam occurrere illis planè proprias, quibus eo sensu si non utaris, imperite & improprie loqueris. Verum semperandum hic est à decretoria sententiâ. Non enim omnia notari ab omnibus possunt.

Illud quoque lepidum est: illum Romanissimum Hypercriticum nostrum Pollionem à nonnullis sub Virgulam cen-

Censoriam vocari, & de verbis minus Romanis vel saltem asperis & novis reum peragi. Manutius ille est, qui Pollionis Epistolam quæ XXXI. est lib. X. famil. interpretans, primum hæc verba: *Nam de legione trigesima tradenda quantas conciones habuerim* (ita enim legitur in antiquissimis Codicibus) *quid ego scribam!* reprehendit. Vox enim Conciones, qua hic utitur, quæque significare deberet vehementes literas, minus illi comoda videtur. Deinde in XXXIII ejusdem libri epistola, vox PALMARER inaudita apud alios, Manutio reprehenditur. Locus ille est: *Neque ego non videbam, quanto usui Reip. essem futurus, si ad Lepidum venissem: sed scribenti ad me ejusmodi literas quas leges, & concionibus videlicet, quas Narbone habuisse dicitur, similes PALMARER necesse erat, si vellem commentum, per ejus provincias iter faciens, habere.* Ita, in omnibus antiquis libris scriptum fuit. Putat vero Manutius Palmari hic idem esse quod Palpari, id est adulari, palmâ enim blandimur, item ut palpo. Henricus Stephani in *Pseudo Cicerone* suo à Pollione potius palparer quam palmarer scriptum fuisse autumat, quod verbi palmare aliæ sint significationes, quæ nihil cum illa verbi palpari significatione commune habent: quod vox composita depalmare arguit. Ridiculè, itaque ut putat, Φιλόκλῆς fuerit Pollio, si cum usitatam vocem palpari in promptu haberet, unicâ literâ mutatâ longè petitiâ, vocem afferre maluisset. Ideoque Victorius vocem palparer in editione retinuit, eamque suo calculo nuper probavit Cl. Grevius. In Cœlio quoque, cujus epistolæ Tullianis mixtæ, Manutius multa notavit non dura solum, sed durissima, quæ vix pro latino habere videtur, è quibus

nam hoc, ut cætera præteream, *objurgatus* est pro *objurgavit*, quem tamen adversus ipsum defendit Henricus Stephani. Idem Manutius de Ciceronis filio judicat, non modo ab elegantia & copia, sed interdum etiam à proprietate paterni sermonis longè distare, è quibus forte illud est: libr. XVI fam. *Cum omnia mea causa velles mihi successa, tum etiam tua*. Nec desunt è Criticis, qui verba illa *mihi successa* audacter tollunt. Sed caute iis vocibus utendum est, cum metus de exemplaribus corruptis cohibere nos debeat, neque insolens vocabulum, quod olim tanquam scopulum vitandum iudicabant eloquentiæ magistri, et si Ciceronianum, nos contra tanquam pretiosam gemmam consuetabimur.

Accedit etiam, quod multa in Autoribus, ut jam supra monui, corrupte librariorum imperitia ac Grammaticorum & Criticorum audacia, ut non adeo firmum de singulis iudicium institui possit. Sæpe in Codicibus occurrunt, è quibus nullus elici sensus possunt, vocabula, ita depravata, ut quid sibi velint ignores. Hic cum lectiones illæ qualescunque retinendæ essent, illi ubi occurrat insolitum quid, statim hære, verba mutare pro libitu, primò margini notare alia, quæ paulatim in sermonem ipsum irrepunt. Quod infinitis Ciceronis locis evenisse demonstrat Henricus Stephani, ut è Cicerone demum factus sit Pseudo-Cicero. Atque ex his locis eorumque corruptione vocabula quæpiam ceu vermes ex purre dine nata. Ex his lacunis hausit infelix Nizolius, qui tot barbara & illatina è corruptis Ciceronis exemplaribus collegit, quibus magnâ cum audaciâ Ciceroniani illi usi sunt, ut non
exi-

origuam illorum sylvam idem Henricus Stephani in suo Nizolio-Didascalo collegerit. Hujus farinae sunt: *Facetosus, Multissimus, Complices, Capitulum*. Synonyma, anticheta, phrasae ipsi sine judicio colliguntur, ut cum inter Synonyma vocis Magni, ponit *Bonus & Insanus*, ac si sine discrimine illis uti possim; Ut, cum Cicero dixit insanas substructiones, ego *insanum hominem, insanam urbem*, pro magnis dicere me posse credam: Vel cum *bonam partem* pro magna dixerit Cicero, ego similiter in quacunque re magnâ hoc uti epitheto possim. In hac corrigendi audaciâ non Henrico Stephani tantum, sed & aliis Dionysius Lambinus male audit. Huic idem jungit Manutium ipso Lambino periculosiorem, qui multo plura loca correctionibus suis depravaverit, & minorem in Latinitate diligentiam ipso Manutio adhibuerit, cujus plurima illic adducuntur exempla. E quibus omnibus patet, quam difficile sit, de urbanitate vel peregrinitate alicujus auctoris ferre judicium, cum non idem sit Autoribus in delectu verborum judicium & pulchra nonnullis videantur, quæ aliis minus apta & decora. Ut vanus itaque labor omnino futurus sit, si esset in Livio quicquam Patavinitatis, illam nunc nostro tempore à nasutissimis Sanctiis & Scioppiis, totâque Grammaticorum & Criticorum tribu, saltem quantum illa à Grammaticis dependet, indagari.

CAP. XIV.

Patavinitas Livii à recentioribus Latinis deprehendi non potest. Balzaci lusus in Barbonem Patavinitatem demonstraturum. Cl. Sarravio Patavinitas contempta. In urbe interdum plus peregrinitatis & in provincialibus plus urbanitatis. Urbanitatis inepta affectatio. Theophrastus ex affectatione verbi Attici pro hospite habitus. Græci magni Atticarum vocum affectatores. Sophistæ ob eam causam irrisi. Apud Romanos quoque intempestivi verborum Romanorum antiquorum affectatores. Italorum recentiorum latine scribentium *ῥωμανισμὸς*. Eorum erga Gallos & Italos fastidium. Inde orta illa Ciceronianorum *κακοῦνλῖα*. Illi à viris doctis passim explsi. Itali vulgari linguâ scribentes mirè Florentinitatem affectans. Alberici Gentilis de illa censura.

Cum adeò difficilis & incerta sit, in primis si inter veteres autores comparatio instituat, urbanitatis in verbis & phrasibus indagatio: quid est, quod Patavinitati amplius immoremur? Quæ si nec antiquis, præterquam maledico illo Pollioni, notari potuit, frustra nos erimus eâ de re solliciti, cum certissimum nodum in scirpo quærere, qui istam in Livio venantur. Quare facetissimus Balzacus, Vir omnium elegantiarum, in lepidissimâ illâ Satyrâ Gallicâ suâ, quam in Rhetorculum & Magistellum Barbonem lusit, cum multos ejus *κακοῦνλῖα* false exagitasset, inducit gloriantem: se monstraturum in Livio Patavinitatem illam, quam reprehendebat Pollio, & in quibusdam Senecæ Tra-

Tragœdiis pingue illud Cordubensium Poëtarum, de quo olim Cicero, & in Cicerone ipso vitia illa, quæ in eo Brutus animadvertit. Ostendit & Cl. Sarravus Senator Parisiensis, Vir summus, quam ille hanc Patavinitatem contemnat, in epistola qua I. Fr. Gronovio de edito Livio gratulatur. p. 188. *Præcipuus tibi, ait, quanquam non solus scopus in textu emaculando, quod si quid video, ita magnificè præstisisti ut jam Livium legamus. Livium, inquam, non autem infectorum correctorum hariolationes: adeò penitissime omnem ejus, quacunque illa sit, Patavinitatem imbibisti & exhibuisti.*

Ultitaque tandem hanc de Patavinitate commentationem absolvamus, ac porro declaremus, quam futiliter illa objiciatur Livio, ipsam urbanitatem quæ in certis vocibus, & phrasibus consistit, ejusque affectationem non esse sine vitio, & olim plus urbanitatis extra urbem atq; in provinciis sæpe fuisse, quam in ipsa urbe ostendemus. Quæ si vera sunt, ut certe verissima esse probabimus, Pollio cum sua illa Patavinitate exhibendus est. Est hæc urbanitatis affectatio & Urbanis & provincialibus propria. Hi enim cum familiare sibi & gentile vitium objici sciunt, eò sollicitiores in exuendo illo sunt. Quare fit interdum, ut ipsos urbanos elegantia superent, qui melius sæpe & accuratius velut advenæ characterismos illos sermonis observant; ut interdum nimia urbanitatis affectatione se prodant. Illi urbani, cum provinciales contemnant, ac sibi in omnibus plaudant, suos sæpe sensus sequuntur, quæcunque etiam plebeja & exilia optime dicta interpretabuntur: provincialium autem
cu-

curam & industriam nitori sermonis additam, ut ornatum aliquem peregrinum repudiabunt. Utrique in ipsa urbanitatis affectatione plus peregrinitatis habent, quam qui sui succi & saporis sermonem formant. Theophrasto id accidisse meminimus, qui cum diu vixisset Athenis, atque ita loqueretur, ut à divinitate in dicendo nomen invenisset, Aniculæ tamen Atheniensi hospes visus est, quod ut Quintilianus testatur nimis loqueretur Atticè, et si Cicero illum minus Atticè locutum dicat. Erat verò apud Græcos magna Atticarum vocum affectatio, quas ideo singularibus quibusdam Lexicis colligebant, ut eorum usus promptior esset. Hinc Philostr. lib. de vit. Sophist. Criticæ Stylum laudans ait: ὡς περ ἀκλινὰ ἀνθράκῃ, καὶ Ἀττικὰ ὀνόματα ἀσφαινεῖται τῷ λόγῳ. *Sicut radiorum fulgores, sic Attica verba in oratione relucens.* Platonis eloquentiam laudat Lucianus, cum vocat καλλιφωνίας δεινῶς Ἀττικῶ καὶ τὸ κεχαρισμένον, καὶ πιστὸς μετὸν. Quoniam vero Sophistæ tum demum pulchrè se dicere putarent, si Atticas voces sermoni immiscerent, factum est, ut à prudentioribus riderentur. Hinc Plutarchus vocat hoc νόσημα lib. de audit. & Philostratus barbarum, in temperanter & nimium uti Atticis. Lucianus vero, ut pro more suo sannis quibusdam exagitarer in ἐν τῇ διδασκῇ, Sophistis suis suader, ut sibi verba quædam Attica seligant, ac semper in ore habeant: ἐπιπὰ πέντε καὶ δεκά πρὸς ἢ πλείους τῶν ἔκαστον Ἀττικὰ ὀνόματα συλλέξαι, τὰ ἀττικὰ, καὶ ἀττικὰ, καὶ μῶν, καὶ λῶν, καὶ ἀμερόπη. Extat elegans Ammiani super hos Atticissantes Rhetorculos Epigramma lib. 2. Epigrammatum Græcorum à Brodæo collectorum p. 237. ubi illa verba recenset:

καὶ πευτὶ καὶ μῶν, καὶ πηστράκοντα, καὶ ἄττα
σκεψάμεθα καὶ τοι ἐν δία, καὶ μά δία.

& aliud Anthol. lib. 2. cap. 51.

ὦ γὰρ ἐ, καὶ μῶν ἐν, καὶ πῶ δὴ, καὶ πῶς ὦ πῶν,
καὶ θαμὰ, καὶ φέρε δὴ, καὶ κομιδῇ, καὶ ἴθι;
καὶ σόλιον, μάλιον, πωγώνιον, ὠμιανὴ ἔξω
ὥς τάτων ἢ νῦν εὐδοκιμῇ σφίκα.

Fuisse & apud Romanos intempestivos tales veterum Romanarum vocum ad ipsam usque rusticitatem affectatores jam supra diximus. Salustium præprimis ideo exaggitavit Pollio, quod antiquiores voces feligeret. E. M. Catonis commentariis verba excerpfit, & velut breviarium ad usum proprium habuit. Hinc Lenæus Pompeii M. Libertus priscorum & Catonis verborum furem in-eruditissimum appellavit. Idem quoque in Antonio Octavius Augustus reprehendit, quem insanientem vocat, quod ea scribere vellet, quæ mirarentur potius homines, quam quæ intelligerent. Ciceronis æquales antiqua omnia laudabant, & Cicero, ut erat æquius, sui temporis eloquentiam anteponebat, ut ait Aut. Dial. de Oratoribus. Idem cum nonnulla reprehenderet in Cicerone, subjicit. *Sola mirantur atque exprimunt hi qui se antiquos oratores vocant. Versantur vobis ob oculos, qui Lucilium pro Horatio & Lucretium pro Virgilio legunt, quibus eloquentia tui Aufidii Bassi, aut Servilii Neviani, ex comparatione Sisennæ aut Varronis sordet.* Major tamen fuit Italorum literis resuscitantibus *Ῥωμαϊσμοῦ*. Quippe qui, ubi primi ad literas latinas resuscitandas manus admovissent, neminem mortali-

et alium in hujus gloriæ societatem admittere voluerunt. Tanto enim fastidio omnia transalpina & peregrina exceperunt, ut optima quæque, & Italicis cultiora ipsis sorderent. Queruntur de illo Italorum fastidio & supercilio passim Galli. Ac Germani quoque iniquè ab illis habiti, de quibus nunc prolixius disserendi locus non est, cum peculiari Dissertationi de Germanorum meritis literariis hæc reservamus. Illud sanè lepidum est, quod Georgio Fabricio Patavii eximiam latine loquendi peritiam in Melanchthone dilaudanti Lazarus Bonamicus respondit: *Profecto ille homo incipis loqui*: quasi Melanchthon, si cum Italis conferatur, tantum balbutiat, cujus tamen latinitas adeo nitida & pura est, ut majorem, quam illa Italorum dictio ingenuitatem & ἀφελειαν spiret. Quare & Galli Italos ob hunc fastum ridiculos, non raro exagitant, ut Henr. Stephani in suo Pseudo-Cicerone pag. 85. Victorium, qui Turnebi adversaria vellicaverat. Ita enim H. Stephanus: *Si fuisset ostensor Turnebus, ut ille qui cum per contemptum Cisalpinum nescio quem appellat, & a quodam verbosus atque in variarum lectionum scriptor, de cujus loquacitate memini se aliquando apud me questum esse, ita suos Adversariorum libros dilatare potuisset, ut quatuor millos onerarent.*

Atque is ipse Victorius, quod mirete, non in sui tantum temporis scriptores, sed & in vetustos arrogantissimam sibi censuram arrogavit: nam teste Balzaco *Opusculis Gall. diversis Diss. 6. cui titulus, les Passages defendus* in quodam supra Aristorelis librum commentario, Virgilium reprehendit, quod proprietatem verborum non ob-

observeries quodquæ minus putè & Latine scribat, quam Lucretius, de quo tamen Quintilianus judicarat ex illo formari non posse phrasin seu corpus eloquentiæ. Itaque de illo Balzacus: *Ce commentateur chagrin intende une procès contre un possession de seize cens ans, & ne considere ny la faueur d' Auguste, ny l' amitié de Mecenas, ny les applaudissemens de tous les siècles, ny toutes les voix de la Reminée, qui donnez gagné à sa Patrie.* Refert eodem in loco Balzacus alium quendam ejus loci delicatulum, cum existimaret primam linguæ corruptionem incepisse in Ovidio, lib. Metamorphoseon, ut fabulas tamen sciret, in vernaculam linguam convertendos curasse, ne aliquod è latinitate Ovidianâ contagium contraheret filius. Narrat & eandem historiolum Hercules Ciofanius præf. in Metam. Ovid. Fuit & Academicus quidâ Romanus, eodè Balzaco teste, qui in Barclaji Argenide ostendere voluit, ut ipse loquitur *quinze cens Improprisés de conte fait, & ie n'essay combien de pechés originels, & de locutions estrangeres.* Ex hac Italorum superstitione Balzacus adeò se anxium in Gallico sermone factum scribit, ut pene omnia quæ legeret Gasconismis infecta crederet. *En François (inquit) sont m' estoit suspect. Sur chaque mot d' un Escrivain de Province je consultois l' oreille d' un habitant de Paris.*

Ex hac *popaisoparâ* & fastu Italorum, qui linguam Latinam non virili judicio, sed nescio qua puerili imitatione æstimarent, in verbis solis hærentes, at in rebus jejuni, orti sunt illi qui se Ciceronianos nominabant, & nulla nisi Ciceronis verba, cujus tamen eloquentiæ vim non capiebant, in oratione admittere volebant. Qui

cum maximè Urbani haberi cupiebant, facti sunt plusquam oppidani & planè lutulenti. Nam & de Ciceronianis vocibus & phrasibus non rectum formabant iudicium, ut qui corruptis uterentur exemplaribus & lacinias quasdam formularum è Cicerone contexebant, cum Ciceronem illo divinæ eloquentiæ vigore & spiritu exprimere deberent. Hinc menses in unam epistolā scribendam impēdebant; nisi cavillantur Erasmo & Scioppio. Commovit illa res Erasmus, ut Ciceronianum suum scriberet, quo nomine præter meritum ille à Scaligero exagitatus. Infinitos eorum errores, ut jam suprà diximus, Henricus Stephanus in *Pseudo-Cicerone* suo & *Nizoliodidascalo*, ostendit. Eosdē, ut multos nunc alios prætermittam, Taubmanus in tractatu de linguā latinā dignè excepit: inter quos tamen aliqui, non satis idonei iudices, ita adversus Ciceronianos pugnant, ut Ciceronis ipsius causam prodant.

Non minus hic in vulgari suā linguā insaniunt Itali, in quā & ipsi Florentinas voces singulari curā intercirc sermoni suo, atque in iis velut in mustaceo laureolam quærere consueverunt, ut jam supra cap. 7. docuimus. Idem de iis testatur Albericus Gentilis libro de actoribus fabular. cap. 17. eoque nomine eos quam maxime reprehendit. *Tantum abest ut probare Florentinos aliquos nunc possis, qui nolunt Italum loqui, nisi quod Boccacius & Petrarca & unus præterea atque alter locuti sunt olim. Isulii. An quia lingua illorum est Attica, cæteris nobilior, non propterea aut Umbra, aut Picena, aut alia est Italica? Thuscus, Sabinus, Prænestinus sermo reprehensus, & Patavinus. ego omnia Italica pro Romanis habeo.* Sic Quintilia-

nus, quisapit aliquantulum supra nuperos Florentinos. Ser-
monis nostri oculos Virgilium & Ciceronem dicis Petrarcha,
& nos si cum his oculis cernimus, non ultra Florentinum ho-
rizontem cernamus? Etiam in epico carmine (epicum
Tassî pœma, cui invidens, hos commovit in sam absurdam
opinionem) non licet loqui nisi Thuscè, & quemadmodum
seniores illi locuti sunt? Diversum Aristoteles de epico habet,
in pœticis. Et sic igitur Attica nostra lingua Thusca &
singulis collata præstet. Sed & Jonica & Dorica & Æolica
& alie Græca sunt, quibique uti scriptores optimi possint,
& communis itaque ipsique Attica antistet, & Italica com-
munis antistet Thusca. Hæc de Italis Gentilis. Ac pene
Germanos nostros similis aliquando hæresis occupavit,
qui vel unius gentis idiotismos sibi exprimendos propo-
suerunt, vel obsoletas aliquas aut novas voces assumpse-
runt. De quibus alibi prolixius.

CAP. XV.

Utrum in urbe an extra urbem peregrinitati occasio data
quassum. In urbem confluxerunt omnia peregrina. Er-
go & in urbe peregrinitas. Provinciales sæpe sono magis quam
Idiotismo à Romanis discrepabant. Provincialibus etiam cul-
tissimi sermonis usus fuit. Familia Romana per totum or-
bem Romanum dispersa. Galli magno latinitatis studio du-
cebantur. Hispani Romanam linguam cum oblivione sua
recipiebant. Latinus sermo in Hispaniâ etiam plebe publicus.
Conciones latina ad populum Hispanum habita. Inscriptio
Z 3 Em.

Emporiana de receptione lingue latina. Quintilianus, Antonius Julianus praelari ex Hispanis eloquentia magistri. Juliani lepidum pro Latinitate cum Graculis certamen. Columella, Latio Porcius, Hispani, in linguâ cultissimi. Nostorum temporum aliqua monumenta cum Romanâ latinitate certare possunt. Luxus, fastidium & ignavia Romanorum inducenda peregrinitatis potiores causa.

Non est porro ita intra Romanos carceres ista: coërcenda urbanitas, ut nec extra Urbem illa locum invenerit: vel illic solum quâdam velut peste afflata fuerit: extra Romam omnia corrupta & barbara, intra illam omnia sincera genuina & nitida olim extiterint. Minimè profecto:

Romanos intra muros peccantur & extra,

ac fortassis citius illa intra urbem corruptela orta fuit, quam in provinciis. Cum enim Romam velut ad scopum quendam omnes gentes tenderent, quo frequentior illic omnium populorum confluxus fuit, eò plus sordium intra Romam receptum fuisse credibile est. Quemadmodum cum in unum aliquem alveum multis canalibus impuri latices derivantur, alveum ipsum magis inquinatum esse necesse est, quam ceteri latices. Innuit certè hoc Dionys. lib. 1. Antiq. cum ait: *Mirum videri possit, quomodo ea civitas penitus non barbara fueris reddita.* Cui consonat illud Isidori lib. 1. Orig. cap. de Barbarism. *Unaquaque gens facta Romanorum, cum suis opibus, vitiis quoque & verborum & morum Romam transmisit.* Ut itaque hic de illis quodam modo liceat dicere, quod de aliis vi-

*vitiis Aut. Dial. de Oratoribus. Hac mala primum in urbe
 nata, mox per Italiam fusa, jam in provincias manans.* In
 urbe primum civitate donata, quæ è provinciis in urbem
 pervenerant. Nam cum provinciales plerumque id ope-
 ram dare soleant, ut ad urbanorum linguam & eloquen-
 tiam, quoad ejus fieri potest, sua componant, & prate-
 rea omnis ille urbis cultus & nitor, illi mores urbani am-
 pla splendidâque agendi dignitate compositi, aliaque sen-
 sim in orationem irrepunt: non illi soli onerandi hoc
 crimine sunt, cum in partem & fortassis maximam plebs
 urbana veniat, Patricii verò & homines principes facili-
 suâ autoritate hospites in ordinem redigant. Neque enim
 nunc ideo Lutetiæ Parisiorum minus nitidus est sermo Gal-
 licus, quod tot provincialium illie confluxus sit. Vo-
 ces Oratorum publicæ, & librorum monumenta facile
 illam integritatem conservant, atque ipsis illis oppidanis
 exemplo sunt. Neque adeo solet linguæ diversitate his
 quam vocis sono peccari, qui cuique genti quasi à natura
 insitus. Et hunc interdum magis formidant delicatæ ur-
 banorum aures, quam voces ipsas inconditas. - Atque
 ita sono discrepasse provinciales Ciceroni aliisque nota-
 tum est, & nos jam supra ostendimus. Quâ inductus
 ratione Pignorius Patavinitatem alicujus soni à Romana
 discrepantiam definire volebat, Quintiliani quodam loco
 invitatus, qui è Pediano cognoverat Livium lit. E. pro
 literâ I usum. Cujus sententiæ vanitatem satis deduxi-
 mus. Nam non Patavinis tantum sed & quibusvis aliis, etiam
 Romanis, illa literarum mutatio in usu fuit. Testaturque
 ipse Cicero 3. de Oratore Sulpicium Cottam imitatum
 jota literam tollere, & E plenissimum dicere.

Quis

Quis porro non crediderit illo tempore quo regnabat maxime Romæ urbanitas, provincias omnes etiam sermone fuisse cultissimas. Propagarunt illum coloniæ. Ludi apud illos plurimi & quidē magnā cum curā instituti. Gallia, Hispania, Græcia, Illyricū, totus Imperii Romani orbis, confusus fuit gentibꝫ Romanis. Nulla, dicere ausim, gens nominis Latini in toto Romano imperio fuit, quæ non exurbanis oriunda sit per clientelas in provincias & exterarum nationes propagata. Testabitur in Inscriptionū corpore Index nominum propriorum, ubi multas gentes cum agnominibus suis in Galliā, Hispaniā, Græciā invenimus. Etsi è tam vasto numero earum quæ perierunt, paucarum tantum superest memoria. Quis nescit quam magnus saltem in Galliā & Hispaniā Inscriptionum numerus sit, quarum aliquæ in lucem erutæ, longè plures temporum injuriā perire? Ideoque non omnia statim peregrina, quæ è provinciis, habenda,

De Galliā nemini superasse dubium potest. Nam Cisalpina, quæ Togatæ nomine venit & diu latinā linguā usa est præclaros oratores dedit, Italici legibus ac institutis formata ut Dion. scribit. De Gallis Braccatis qui Narbonenses dicuntur Strabo testis est lib. 4. *non esse barbaros, sed plerosque jam omnes Romanam formam linguamque & vitæ rationem & civitatem adeptos.* E Galliâ comatā primores Romanam civitatem affecuti, teste Tacito Annal. lib. 11, & ex illo tempore, moribus, artibus, affinitatibus Romanis mixti, Martialis quoque lib. 7. Epigr. 87. sibi gratulatur, quod in Viennā Galliæ Narbonensis urbe, Romanorum coloniā sua ab omnibus Carmina legantur:

Fer-

*Fertur habere viros, si vera est fama, libellos
Inter delicias pulchra Vienna suas.*

*Me legis omnis ibi senior juvenisque puerque
Et coram setrico casta puella Viro.*

*Hoc ego maluerim, quam si mea Carmina cantant
Qui Nilum ex ipso protinus ore bibunt,*

*Quam meus Hispano si me Tagus impleat auro
Pascat & Hybla meas pascat Hymettus opes.*

*Non nihil ergo sumus, nec blanda murmure lingua
Decipimur. Credam jam puto, Lausce, tibi.*

Jam supra etiam ostendimus, fuisse vel ante Ciceronis tempora insignes in Latinitate viros Gallos, qui publicos Romæ ludos aperuerint, è quibus omnibus patet usum linguæ latinæ Gallis æque fuisse vernaculum ac fuit Romæ, ac plures, viros quidem principes, urbanitatis studiosos, quam peregrinitate vernaculâ oblitos.

Ad Hispanos latinæ linguæ usum mature satis propagatum ex Historiâ patet, quam adeò illic pervulgatam fuisse Strabo testis est, *ut nec sermonis quidem vernaculi memores fuerint*, illi maximè qui ad Bætiam habitant. Non sine causâ Horatius de Hispanis & Gallis Carminum suorum lectoribus gloriatur, cum suo tempore illæ non solum Romæ sed in provinciis cupide legerentur, e quibus monumentis illi linguam urbanam etiam extra urbem, perdiscere poterant. Ita vero ille *lib. 2. Od. 20.*

— — — *Me peritus
Disces Iber, Rhodanique posor*

ubi Hispanos singulari epitheto *peritos* vocat: ut qui præ cæteris provincialibus Romanis artibus & linguâ imbuti. Vulgarem Hispanis linguam latinam fuisse vel ex eo patet, quod Cæsar, ut *lib. 2. de bello civili* refert, *habita concione Corduba omnibus gratias egerit, Civibus Romanis, quod oppidum in suâ potestate studuissent habere: Hispanis quod præsidia expulissent: Gaditanis quod conatus adversariorum interfregissent seseque in libertatem vindicassent.* Audita ergo & intellecta Hispani Cæsar's oratio, qua latinus nil dici poterat. Testatur & Pollio epistola ad Ciceronem, quæ est in familiarium libro decimo trigesimo prima, se Cordubæ conciones ad populum habuisse: *Illud me Corduba pro concione dixisse, nemo vocabis in dubium: Provinciam me nulli, nisi qui à Senatu missus fuisset, traditurum.* Lingux Romanæ apud Hispanos receptæ testimonium illustre est in quodam Lapide Emporitano. Urbs enim à Massiliensibus in Hispania condita Emporizæ cujus meminit Strabo *lib. 3.* quæ partim Græcis, partim Hispanis, partim Romanis constitit. Ita vero habet Inscriptio.

EMPORITANI POPULI GRÆCI
HOC TEMPLUM SUB NOMINE
DIANÆ EPHESIÆ EO SECULO
CONDIDERE, QUO NEC RE-
LICTA GRÆCORUM LINGUA

NEC

NEC IDIOMATE PATRIÆ IBE-
RÆ RECEPTO IN MORES IN
LINGUAM IN JURA IN DITIO
NEM CESSERE ROMANAM
M. CETEGO ET L. APRONIO
COSS.

Novi equidem non genuinam hanc Inscriptionem haberi : sed ad probandum illud quod volumus satis autoritatis habet. Licet enim non sit antiquissima, scripta tamen ab iis fuit, qui antiquitatis notitiam habuere, & ad quos rei historia per manus tradita, præsertim cum consonent Historici. Nam Strabo testatur Emporiis Dianam Ephesiam cultam & Livius lib. 34. satis accuratè describit, *quomodo in corpus unum confusi omnes, Hispani prius, postremo Græci in civitatem Romanam adscitis.* Non fuit porro ex ulla gente felicior & eloquentior post Ciceronem eloquentiæ Magister, quam ex gente Hispanâ Quintilianus, qui Romæ publico stipendio eam artem professus est: Meminit & Gellius Antonii Juliani, Hispani, qui Rhetor Romæ erat eumque *lib. 1. cap. 4.* ita describit, *quod fueris honesti atque amani ingenii, doctrina quoque ista utiliore ac delectabili, veterumque elegantiarum cura & memoria multa, scriptaque omnia antiquiora tam curiosè spectaris, aut virtutes pensaris, ut iudicium factum esse ad amussim diceres.* Hujus ille Hispani certamen eruditum cum

Asiatico juvene aliisque Græculis, Latinis & Hispanis illudentibus *lib. 19. cap. 9.* recenſet. Poſtquam ille multa Sapphica & Anacreontica ceciniffet & Græculi Julianum, tanquam barbarum & agreſtem qui ortus terrâ Hiſpaniâ foret, laceſſerent, tum, ait Gellius illum, pro linguâ patriâ (ita Latinam vocat) tanquam pro aris & focis animo irritato indignabandum ita reſpondiſſe: *Ne Nos id eſt nomen Latinum tanquam profeſſos quosdam & inſubidos ἀναφροδίας, condemneris, permiſſite mihi quaſo operiri pallio caput, quod in parum pudica oratione Socratem feciſſe ajunt. & audite ac diſcite, noſtros quoque antiquiores ante eos, quos nominaviſtis poëtas, amaſſos ac veneres fuiſſe.* Tum reſupinum capite velato, voce admodum quam ſuavi verſus ait ceciniffet Valerii Œditi veteris poëtae, item Porcii Licinii, & Quinti Catulli, quibus mundius, venuſtius, limatius, preſſius Græcum Latinumque nihil quicquam reperiatur. Videre ex illis exemplis licet domeſticam Hiſpanis & patriam fuiſſe linguam latinam habitam, pro qua in acerrimam illam contentionem venire veritus non eſt Julianus digniſſimus etiam ſuo tempore elegantiarum Romanarum præco & defenſor: nam urbanitati & nitore illum ſtudiſſe ex autoribus illis, quorum carmina recitavit, notat. Annon & ex Hiſpanis Columella, etſi ætate poſterior, puriſſimam & Romanam latinitatem ſectatur in Ruſticis ſuis, ut præipſo Varro durus & ruſticus videatur? annon multa ille vocabula adducit, latina, quibus populares ſui res ruſticas efferant? quod maniſeſtum eſt indicium, etiam ruſticos Hiſpanos non aliam quam linguam latinam locutos. Neque Latronis Porcii Hiſpani

Elo.

Eloquentia hic silentio prætermittenda, quam Seneca in Proæmio controversiarum multis laudibus effert.

Denique an non iis temporibus idem factum esse credi potest, quod nunc nostro seculo contigisse videmus? Sunt Itali, Galli, Hispani, Germani, Scoti, Belgæ, qui adeo exquisitam in monumentis suis latinitatem ostendunt, ut ipsa Roma antiqua nihil elegantius scribere potuerit, domesticæ peregrinitatis nemo quicquam, licet oculatissimus deprehendat. Ejus perquam multa possent exempla proferri, si eâ de re dubitare quis possit. Quare non sine causa Barthius judicat esse inter recentiores nostros, qui cum Romanis ipsis certare possint, Romanam autem jam declinantem multis paransangis antecendant. Quod si id hodie fit, cur non idem in Romanis fieri provinciis potuit, ut quos sollicitiores in eo fuisse verosimile est, ut ad fastigium Romanæ eloquentiæ gradu proximo accederent.

Non sola itaque Prôvincialium peregrinitas causa corruptæ eloquentiæ fuit, sed domestica quædam Urbanorum intemperies, & ut in rebus cæteris omnibus, ita & in sermone luxur & fastidium imò & ignavia. Ea enim ingenii humani indoles est, ut optimarum etiam rerum, si quotidiana sunt, nauseam quandam concipiat, & semper novum aliquid, inauditum, insolitum, admirabile, excelsum quærat. Quare statim post Ciceronis tempora, ejus dictio minus nitida quibusdam visa est, ortique fuerunt, qui sententiarum argutiis se totos dederent. Tunc Castii incepti declamatoris orationes Ciceronianis, indignante Se-

nēca, prælatæ. Vide præœm. in lib. 3. controuv. Multæ sunt Senecæ in Proœm I. Controuv. ac alibi, Quintiliani in Institutionibus, & in Dialôgo de Oratoribus querelæ, de quâ re etiam nos p. 126. egimus.

CAP. XVI.

BRevīs eorū quæ de Patavinitate Livii dicta sunt Ἀνακρίσεις. De Pollionis moroso ingenio nonnulla interseruntur. An Patavinitas Liviana in quibusdam idiosismis vel singularibus consistet. Iniqui Livii censores Erasimus, Joseph. Scaliger, Lipsius notantur. Erasmus maturiore ætate Livio æquior. Scaliger nimium ornatum in Livio reprehendis atque in illo Patavinitatem consistere autumat Grande dicendi genus si fuit in Livio ornari volebat. Casarū Commentarii sine ornatu non implent omnia Historia requisita. Ciceronis judicium. An Liviani styli sublimitas oratoriam sublimitatem æquet? πελοσογία ineptē in Livio saxata. Brevitas & Celeritas styli historici. Patavinitas Livii in redundantia verborum nonnullis reponitur. Quintiliani de μακρολογία Livii judicium refellitur. Lipsii in Livium scommata resunduntur. Summa Livii virtus ubertas. Beniana calumnia à Pignorio refutata. De versibus in Livianâ historia observatis iudicia. An in Compositione verborum quadam reprehendenda? Censores veterum autorum denno notati. Modestia illis commendata. Livii gloria Pollione omnibus, Censoribus superior. Finis operis.

UT tandem manum de tabulâ tollamus, atque huic dissertationi nostræ, omni Patavinitatis suspicione discussâ, coronidem imponamus, primum, quod à nobis dissertatum est ad unam summam referemus, deinde si quid de Censuris in Livium audacioribus reliqui est, eâdem operâ discutiemus.

Non itaque vel in Pompeianarum partium studio, vel in Gallicæ nationis odio, vel in Patriarum laudum affectatione, non in Orthographiæ peregrinitate, sed in aliquo dictionis vitio, ista Pollioni Patavinitas consistere visa fuit. Qui cum ita de præstantissimo Historico iudicaret, non rei veritate, sed invidia familiarique illa maledicentiâ quâ erga omnes suos æquales usus est, ductus fuit. Qui enim Ciceroni, Salustio, Cæsari, Virgilio non pepercit, qui teste Seneca proœm. lib. 3. controvers. (illa enim superioribus nunc addimus) eâ ambitione laboravit, ut primus Romanorum advocatis hominibus sua scripta recitarit, qui naturæ adeo contumacis, ut cum fortuna etiam suâ rixaretur, quarto enim post filii obitum die declamaverat; qui Augusti ipsius amicitiam adeo vilipendebat, ut in gravissimo ejus luctu lætitiæ signa ederet: an is cum Livio humanius ageret? aut ejus gloriam æquo animo ferret? Quoniam verò occasionem huic calumniæ dederat illa quæ inter Romanos & oppidanos notata fuit sermonis discrepantia; in quo Urbanitas & peregrinitas latine linguæ consisteret, disquirendum erat. Erat vero urbanus & oppidani sermonis magnâ antiquis temporibus differentia, quæ cum incremento Romani imperii paulatim desit, exiguïs remanentibus reliquiis. Urbanæ dictionis vir-

virtutes erant, quod perspicua morata, simplex, suavis, arguta. Peregrinitas vel è provinciis, Hispaniâ, Galliâ, Africa in quibus lingua latina præ ceteris floruit, vel è municipiis Italiæ & Latii in Romanam linguam illata. Quibus accedunt, quæ hodie è vernaculo sermone à qualibet gente peregrinitates admitti solent. Fuerintne jam in Livii dictione, quæ peregrinitate aliqua Patavinâ Latinum sermonem infuscarint, id ut antiquis ipsis inquisitu difficile, ita nobis longè difficillimum, qui non gentilem & domesticum habemus, sed lectione solâ linguam nobis latinam formamus. Et si enim in Livio sint quidam Idiotismi, scilicet *idæ* quædam, quæ apud alios non inveniuntur, ita enim Patavinam Livianam doctissimus Cellarius in *Prolegomenis Curarum posteriorum* intelligi voluit: Quo iudice istos Idiotismos, quos non adeo multos esse arbitror, ut à purâ latinitate abhorrentes damnabimus? cum multa in ipso Cicerone singularia occurrant, non temerè rejicienda, quod apud alios non legantur: quarum aliqua Andreas Schottus in *Nodis Ciceron. l. 3. c. 17.* notavit: quem admodum & illa quæ in Hygini Fabulis Munckerus aliiq;prehenderunt, etsi primâ specie insolita videantur, non tamen statim exturbanda, cum non pauca ex iis vindicavit Cl. Schefferus; neque ea sit MStorum Codicum integritas, ut in illis semper acquiescere possimus. Quod si ergo Livio aliquid Patavini adhæsit, mirum id videri, poterat, quâ in solo Livio gentilem hanc labem notarit Pollio: cum ceteri tam aureæ quam argenteæ ætatis scriptores pene omnes non Româ sed è provinciis oriundi, nihil hujus vitii contraxerint. Accedit adeo incertum Urbanitatis, si voces & phrasæ spectes, iudicium: in quâ cum veteres ipsi

ipsi fluctuant, multò magis recentiores illi Censores fluctuabunt. Quæ urbanitas non ita intra urbem unam compingenda est, ut nulla ex ipsâ peregrinitas oriri potuerit: non ita provinciis in universum abjudicanda, quin illis fuerint, qui ipsos urbanos urbanitate vincerent; Cum vel inter recentiores sint, qui sola Autorum Lectione eos in latinâ linguâ profectus fecerint, ut velcum antiquis certare possint.

Faceſſat itaque hinc maledicus Pollio, & qui ipſo magis è recentioribus Criticis temerarii judices ſunt, & cenſuram ſuam ſine populi ſuffragio exercent. Equidem Viris ſummis talia nonnunquam excidiſſe doleo; ut Eraſmo, Scaligero, Lipſio. Ac Eraſmus quidem, qui primum in Ciceroniano ſuo in Pollionis partes conceſſerat, maturiore ætate, ut de Cicerone, ita de Livio, rectius procul dubio ſenſit. Ita enim in Epistolâ ad Georgium Haloinum, quæ eſt libr. XII, 26. *Quod hæſtenus nemo tuo ſatisfacit animo, nec inter hos, qui ſcripſerunt de ratione paranda lingua latine, nec ex his, qui nunc complures libris prodiſſis teſtantur, quantum aſſecuti ſint in Lingua Latinâ, fortaſſe nec ipſe Cicero ſatisfaciet animo tuo, ut non deſuerunt, quibus Maro viſus eſt ſolæcus & barbarus Livius.* Joſephus Scaliger ſuis in Manilium prolegomenis, quam à divini Parentis ſui judicio diſcrepat! Nam cum ille ſeminus Romanè cum Livio, quamcum Polliione, ut iſ in fragmentis, loquitur, loqui malle diceret; hic Polliionis ſententiæ ſuum adſicere calculum non veretur: *Quemadmodum, inquit, aliud eſt ornate loqui, aliud purè: iſa aliud eſt βαβαιοῦ, aliud, inconditè loqui: quod quidem*
B b
mul.

multis imposuit; qui Παρθενον vocans inconditum sermonem. Illa anus qua in Theophrasti sermone peregrinistatem notavit, magis Atticè, & minus ornatè quam Theophrastus loqui potuit. Idem dicas de Livio: cujus dictio ornati-
or, quam Latinior illi Critico videbatur; qui Patavinisatem in eo animadvertebas.

Sed quem ornatum hic Scaliger reprehendit, qui Romanum illum nitorem obfuscaret? An quod grande dicendi genus secutus est? hanc enim Patavinisatem interpretabatur Philelphus, quod sc. Livius plerumque neglexerit sequi vulgare genus orationis, & se communis sensus consuetudini minus accommodaverit. Quid Philelphus hic suâ censurâ velit, ipse credo, non satis explicaret. Sed si grande in Livio dicendi genus est: an hinc ullum Latinæ linguæ vitium? Requirebat certè aliquid augusti argumenti majestas, neque satis ornabat historiam Romanam purâ illa simplexque Caesaris dictio, quæ ut Cicero ait, omni ornatu quasi veste, detracta. Quæ etiam Fr. Florid. Sabius lib. 1. Lect. subciv. cap. 2. sententia est: Cum illos Commentariorum libros mundissimos credamus, virtutes tamen quæ ab historico requiruntur non exactè docent. Quid enim si ducem apud milites concionantem exprimere cupias, an Caesaris iter insistas? non opinor, cum nulla apud eum absoluta legatur oratio, quod est historico, ut si quid aliud necessarium. Quid si rei difficultatem, horrorem, persurbationem & alia quæ se scribenti offerunt, verborum structura, seu contextu ob legentis oculos ponere & facta, (ut ait Salustius) dictis exaquare labores? an in Caesaris commentarios intueberis? an non po-

sus in duo historia Romana lumina Livium & Salustium.
 Quare Cicero ipse, etsi præ manibus haberet Cæsaris commentarios, tamen hoc scriptionis genus apud Romanos non satis ornatum querebatur. Nam in I. de Legib. hæc ad Ciceronem ex Attici personâ dicta habentur. *Postulatur à te jam diu vel flagitatur potius historia. Sic enim putant te illam tractante effici posse, ut in hoc etiam genere Græcia nihil cedamus. Atque ut audias, quid ego ipse sentiam, non solum mihi videris eorum studitis, qui literis delectantur sed etiam patria debere hoc munus, ut ea qua satis per se est, per eundem te sit ornata. Potes autem tu profecto satisfacere in eâ, quippe cum sit opus, ut tibi quidem videri solet, unum hoc oratorium maximè. Quod si ergo è Ciceronis sententia Oratorium maximè est Historicum, scribere, & ad orationem ornatus omnino requiratur; non potest à justo Historiæ corpore abesse ornatus. Ipsæ Ciceronis orationes annon sunt ornatissimæ? nihil tamen ille ornatus Latinæ linguæ derogat. Quare inepte hæc tanquam contraria sibi opponit Scaliger.*

Non probaverim tamen illud Andreæ Schotti, *lib. i. Tullian. quæst. cap. 18.* qui Livium hoc grandi genere uti existimat, quo Cicero in orationibus utitur. Nam etsi Livius præ cæteris plenius rerum & factorum circumstantias recenset, variasque digressiones & descriptiones loci temporis immiscet: ita tamen se gerit, ut historicum se esse meminerit, qui res gestas dilucidè & quantâ fieri potest cum delectatione enarrat: non vero omni amplificandi genere, factâ ubique morâ exardet. Itaque in Concionibus rerum argumentis est densior, quam rerum

ornamentis copiosior, ut rectè de eò judicavit Bucoldianus l. 2. de Invent. & amplificat. orat. cap. 38. In omnibus ita se gerit Livius, ut de Historico stylo præcepit Trapezunt. l. 5. Rhet. p. 175. *Nullo modo qua ad rem pertinent circumstantiam historicus relinquet, & cum nihil minusarum etiam rerum prætermittat, modum quoque ad unamquamque rem adjiciet. Neque tamen in singulis, ut oratores faciunt, immorabitur, sed singulorum expositione, non amplificatione consequetur, ut & res geri videatur & affectus moveatur, ex quo fit, ut in hac quoque minuta descriptione rerum ab historico genere formæque narrationis non discedat, quam quidem descriptionem tum sc. latissimè occupabit, cum res magna acciderit.* Ita porro hoc grande dicendi genus in Livio circumscribit Trapezuntius, ut nunquam humilitate rerum demitti, nunquam magnitudine ulterius quam oporteat efferrri, nunquam denique multitudine confundi judicet.

Inepti itaque sunt & nihil in eloquentiâ sapiunt, qui nescio quam in Livio *ωφισολογία* damnant, quod etiam in Cicerone vitium à stultis hominibus reprehensum fuit, qui illam copiosè loquentem sapientiam non capiebant. Quod si quis Salustii historiam cum Livianâ conferre velit, ut erudite contulit Joannes Jovian. Pontanus in Actio Dialogo, satis quantum præ Salustiana brevitate decoris habeat Liviana copia, deprehendet. Argumento sanè differunt. Salustius flumen aliquod decurrit, Livius totum Oceanum pervavigat: Ut credam ego Quintiliani judicium non vacare aliquo mendo cum lib. 2. cap. 5. Salustii.

Iustium majoris historiæ autorem vocat, quam Livium, ubi tamen Barthii emendatio *Advers. lib. 48. cap. 19.* mihi non satisfacit.

In illâ tamen ubertate quod mireris, non defunt illâ Historici styli virtutes Brevitas & Celeritas, sed suo dicendi generi accommodatæ. Nam etsi Salustius brevitate superat Livium, tamen Livius in copiosâ oratione intra illos se fines continet, ne ultrâ ubertatem historici styli excurrat. Celeritas vero, *γοργότης*, brevitati quodammodo cognata (nam in ipsâ brevitate copiam quasi continet, & in copiâ breviter præ se ferre videtur, estque brevis & accurata complexio, collectio sive conglutinatio complurium simul rerum ac verborum & quasi partium) adeo in Livio est mirabilis, ut ipsam rem subijcere oculis videatur, ut cum de Annibale: *Inhumana crudelitas, perfidia plusquam Punica, nihil veri, nihil sancti; nullus deûm metus, nullum iurjurandum, nulla religio.* De hac Celeritate pulchrè Pontanus: *Ut manus ad agendum, pedes ad inambulandum innisendumque multis pollens iuncturis, sic & ipsa celeritas suis articulis indefessa indefatigataque est.* Quæ sermonis virtus cum mirificè narrationi inserviat, cui à naturâ destinata videtur, cum & varietatem non solum sed & venustatem orationi conciliet, delirant profecto qui inutilem hanc verborum coacervationem existimant, easque ob causas *περίεργος* & sermonis redundantiam in Livio reprehendunt.

Sunt qui in eo Patavinitatem illam consistere autumant. Nam Franc. Mothæus Vayerus in libro Gallico

de

de antiquis & præcipuis historicis hoc recenset: *Quelques-
un pense qu' elle consistoit simplement en une repetition, ou plu-
tost multiplicité de plusieurs dictions synonymes dans une mes-
me periode, contre ce qui se pratiquoit à Rome, ou l' on n'
aimoit pas cette redondance qui faisoit remarquer les estran-
geres.* Nemo non videt stulta esse hæc & temeraria ju-
dicia pari numero cum illâ Caligulæ censura habenda, qui
verbosum Livium vocabat, uti Virgilium tanquam nullius
ingenii minimæq; doctrinæ hominem arguit & de Homeri
Carminibus abolendis cogitavit. Synonymorum sanè co-
cervatio Romanis, Ciceroni imprimis, non inusitata. Repre-
hendit & Quintilian. l. 3. c. 3. in ipso *μακρολογίας* cum ait
lib. 8. *Legati non impetrata pace resro domum, unde ve-
nerant, abierunt;* cui non malè respondet Böclerus in de
Eloq. Viri civilis: *longè differre interdum sensum sriben-
tis à legense; atque sicut magistris dicendi solenne est omnia
ad regulas artis usque ad minutias revocare: isa Scripso-
res de industria à præceptis, cum ratione, ad fiduciam &
securitatem quandam sua studia referre, denique ad venu-
statem orationis totius vix pertinere, si capillus non prorsus
ad lages Geometricas sit repositus.*

Quis ergo Liphum, Virum quidem doctum sed mi-
nimè idoneum harum rerum judicem ferat? qui *notis ad
polis. lib. 1. cap. 9.* Livium supinum & frigidum, imo &
τυφίλογος, sententiis quidem bonum, sed non frequentem
agnoscit. Ex Lipsii ingenio si veteres æstimari autores
deberent, miram haberemus & nullius boni succi ac colo-
ris eloquentiam. Quæ ille in Livio ut vitia reprehen-
dit, virtutes sunt. An ille in Livii vitiis tam acutum cer-
nat ut aquila aut serpens Epidaurius,

Cum

Cum sua pervideas oculis mala lippus inanēti.

Nisi enim omnia argutiis & minutis ac abruptis sententiis fracta fuerint, illi frigida erunt & *πυκνολογᾶ*: Cum nemo magis in illa brevitate frigidus & *πυκνολογῶ* sit, quam Lipsius & qui illum sequuntur. Non est ineptus sententiarum ostentator Livius, sed quæ in illo latent Civilis prudentiæ oracula, abunde ostendit Machiavellus. In Lipsium frequentiores in Livio sententias requirentem optimè convenit, quod Cicero in Oratore suo de Thucydideis illis judicat, qui multas habent obscuras abditasque sententias, vix ut intelligantur. Quid illi in Livio laudabile videatur, qui etiam in Cæsare scriptore purissimo *Elect.* 2. c. 7. multa otiosa, disjuncta, intricata, interpolata reperit, & in dictione ipsa spirare naribus suis auram illam puræ antiquitatis negat. Cujus culpam etsi in imperitos librarios confert, mirum tamen hic videri possit, adeo obesæ naris præ emunctæ naris Critico Lipsio fuisse cæteros, ut hanc ipsi auram non subolfacerent. Non male adversus has similesque Lipsii calumnias Livium defendit Facius in Politicorum Livianorum prologo. Tantum ergo abest ut *πυκνολογίας* vitio notari oratio Liviana debeat, ut potius lacteam in illo ubertatem deprædicet Quintilianus, mare tranquillum vocet Cæsar Scaliger, Ubertate Quintilianus orationis amplitudinem commendat, cum lacteam vocat candorem ac facilitate ostendit. Mari Scaliger comparat, cum in exhaustam ejus ubertatem respicit: tranquillum appellat, ut demat vitia quæ copiam haud rarò comitari solent.

Plura

Plura restant apud Benium in Livium scommata impune adeò à mordacissimo hoc homine sine pudore & ratione protrusa, ut vix sanæ mentis esse & furis quibusdam agitarum credas. Quorum stultitiam dignis modis excepit Laurent. Pignorius in *Symbol. Epist. epist. 44*. In quibus etiam futile hoc & nugatorium, quod in compositione verborum integris nonnunquam versibus utatur, quasi non infinita talia in omni scriptorum genere notari possint, quæ aliud agentibus exciderunt, neque tamen recte versus vocantur, etsi pedibus certis constant. Nisi enim adsit numerus & concinnus vocum positus vel aures accuratissimas effugiet. Eorum sarrago colligitur apud *Barth. Adversarior. lib. 8. cap. 21. lib. 32. c. 4. lib. 31. cap. 17. lib. 41. cap. 22. lib. 16. cap. 14. lib. 11. cap. 10.* ac ipse non pauca exempla notavi. Ac profecto verum est, quod J. L. Vives lib. 4. de causis corrupt. disc. ait: *Adhibeat quantamcunque operam & diligentiam quis voles, attentissimè se observet ipse custos sui, non poterit tamen versum effugere.* Si quis maximorum autorum orationes excutiat, ex versibus aut magna eorum parte videbit omnia conflata, etiam notis etiam sonoris magis, quam sunt trimetri jambici familiares fabulis. Est verò multus illic in hoc argumento Vives & plurimis tum rationibus tum exemplis suam sententiam firmat. Frustra per hæc exempla Livius poetismi arguitur. Quousque poetæ cum Historico sit convenientia jam supra diximus, & versus nonnunquam intermissi suavitatem sermoni conciliant ut *Hermog. de Ideis l. 2. c. 4.* probat. Verum ut ab historica abesse dictione debent, ita hi ne versuum quidem loco habendi sunt.

Exhibendus itaque cum his suis argutis lunculis omnino est Benius, qui in primis illis Livii verbis, quæ versum Hexametrum nonnullis exprimere videntur: *Facturusne opera prætium sis, si à primordio*, etiam phrasin illam *facere opera prætium*, ut minus latinam reprehendit. In structurâ sermonis & in compositione verborum nescio quid eidem displicet: celsi enim è verborum non satis aptâ collocatione præcipue peregrinitas inferri in sermonem potest, ut demonstrare voluit, qui de prærogativa Gallicæ linguæ præ latina dissertationem Gallicam ante aliquot annos scripsit: non video tamen, quibus in ordinem redigere rationibus Livium velit Benius, qui totâ suâ dissertatione, id operam dat, ut cum ratione infaniam. De Livio quidem Bœclerus in de Eloq. Viri Civilis: *Forassis delicati oris limatique iudicii politicus, etiamsi totum probes amesque Livium, non omnes periodorum structuras mensurasque interdum suo proposito existimabis conducere.* Verum hæc ut opinor Bœclerus non ideo dicta vult, ut Livium ob malam verborum collocationem reprehendat, sed ut quædam in ipso non imitanda ostendat,

Valeant iniquissimi illi veterum Autorum censores, quales cum iis hominum monstris comparat Gellius *lib. 17. cap. 1.* qui de diis immortalibus impias opiniones prodiderunt; ac sibi illud Balzaci dictum putent: *speciem esse sacrilegii, non asstimare antiquos.* Cum enim summopere illis gratulari deberemus, quod è tam multis tempestatibus ad nos evaserint, in illos summè injurii & ingrati sumus, cū petulantissimis nostris censuris illos insectamur. Dissimulem⁹ potius, occultemus, quoad fieri potest, errores magnorum hominum, ut Balzacus *sermon. 11. Gallico de spuria Criticâ* ait; vel saltem

malo exemplo in publicum non proferamus. Tueamur nonnunquam illorum sententias, adversus oculorum nostrorum fidem, adversus Dialecticos & Grammaticos nostræ dubia, ita ut vel nullos in illis errores, vel pulchros esse ostendamus, & potius velut virtutes imperfectas veneremur, quam ut vitia damnemus. Vibrabimus in imperitos & acerbos illos censors, ut telum aliquod, Critici non solum clarissimi, sed & Viri eloquentissimi Mureti lib. 17. cap. 11. Var. Lect. censuram: *Quod mihi interdum risum, interdum stomachum movet, obscuro homunciones reperiantur, qui nobilissimos quosque scriptores, quosque tanquam in cælo, ut ita dicam, merita collocarunt, in ordinem cogere, & de iis adversus eos sæculorum sententiam judicare audeant. Alius Homerum damnat: alius in Vergilio multa reprehendit: alius præcepta Horatii de arte Poeticâ irridet: alius Ovidium ait nescisse latine loqui: quasi nos hodie quid sit latine loqui sciamus: alius alia quorum me pudet pigresque. Miseri, quanto melius facerent, si ad res intelligendas, & ad virtutes eorum penitus cognoscendas, & quantum cujusque vires ferunt, imitando studium conferrent: quam nunc, cum canum lunam allatrantium more, ad quos aspicere non possunt, eorum famam lacerare contendunt. Neque negaverim esse & in veteribus quæ culpæ possunt: homines enim fuerunt: sed, ut in formæ corporibus navos notamus: non propterea totam formam despicimus: sic & in illis, si quæ non placent, modeste notanda, non ipsos sribu movendos censeo. Modesta judicia fero: impudentiam & arrogantiam non fero. Inculco denuo & repetens iterumque iterumque monebo, quod supra cap. 2. & Quint. lib. 10. cap. 1. adduximus. Modeste & circumspetto judicio de magnis autoribus pronuntiandum est: ne quod plerumque accidit damnet, quod non intelligunt. Ac*
si ne-

si necesse est in alteram errare partem, omnia eorum legentibus placere quam displicere maluerim.

Hæc in omnes Veterum auctorum immodestos Censores dicta, merito insidere omnium animis debent. Quibus enim non objurgationibus, quâ non procellâ verborum, impia hæc capita obruerentur? Nos Livii causam hæc dissertatione pro virili adversus Pollionem defendendam suscepimus. Qui etsi vivum Livium è Roma in Patavium relegare voluit; hic tamen etiam post fata perenni Romanæ Civitatis jure donatus immortales in orbe literato triumphos agit, cum Pollio ex illâ sua Roma in perpetuum pulsus exilium inanem nominis sui & illaudatam tantum memoriam nobis reliquerit. Et hic quidem suos jamdudum passus est manes. Illustribus seculi nostri viris, si quid in Livium acerbius dixerint, condonandum arbitror. Reliquos illos Deos patellarios ac Criticastro, hesternos Livii nostri censores cum Demetriis & Tigelliis Horatianis

Discipulorum inser jubeo plorare cathedras.

F I N I S.



Errata & Addenda.

Pag. 11. lin. 10. pro *prodierunt* leg. *prodiit*. p. 16. lin. 24. pro *Historiis* lege *Historiis*. p. ead. lin. 25. pro *satto* lege *satto*. p. 17. lin. 1. deleantur hęc verba; *omnino civibus nostris*. p. 24. lin. 8. pro *Mausoleo* lege *Mausoleo*. p. 28. lin. 12. & 20. pro *Mausoleum* lege *Mausoleum*. p. 29. lin. 11. dele particulam *et*. p. ead. lin. 24. post vocem *Liberus* intersere vocem *Filius*. p. 33. lin. 15. pro *nomen* leg. *nomen*. p. 39. lin. 3. pro *reſta* lege *reſta*. p. 50. lin. 25. pro *elucet* lege *elucet*. p. 51. lin. 1. pro *Qui* lege *Quo* pro *sic* lege *sic*. p. 55. lin. 1. post verbum *commemorat* intersere *ita*, & *Seneca*. p. ead. lin. 14. pro *linguam* lege *linguam*. pag. 60. l. 29. pro *anoscit* lege *agnoscit*. p. 80. l. 1. pro *tropoligiam* lege *tropologiam*. p. 100. lin. 21. pro *optima* lege *optimè*. p. 101. lin. 14. pro *hęc* lege *hęc*. p. 111. lin. 44. post verba *epistolis* *que* *posuimus* adde *hęc*; *frustra notatur* Budę Comm. Gręc. *Lingua*, p. m. 65. n. 30. p. 118. lin. 27. pro *illi* lege *illis*. p. 125. lin. 7. pro *ventosum* lege *ventosam*. p. 126. lin. 3. pro *peregrinitas* lege *peregrinitas*. p. 139. lin. 16. pro *hoc* lege *hęc*. p. 143. lin. 14. pro *prestantium* lege *prestantiam*. p. 144. lin. 18. pro *potest* lege *possit*. p. 147. lin. 19. dele vocem *condum*. paginę 148. 149. 150. 151. non recte notatę. pag. 155. lin. 1. pro *Salmodensis* lege *Sulmonensis* p. 170. lin. 24. pro *pbrates* lege *pbrates*. p. ead. lin. 25. pro *verum* lege *tamen*. p. ead. lin. 26. pro *semperandum* lege *temperandum*. p. 172. lin. 8. post vocem *collant* adde: *ſeriatim eodem modo vox ſuccellus, a, um, uſurpetur ſue, quo deſellus, a, um.* p. 178. lin. 8. pro *reſervamus* lege *reſervemus*. p. 184. lin. 18. pro *ſuperaffe* lege *ſuperſeſſe*.



Errata & Addenda,

Pag. 11, lin. 10, pro *prodierunt* leg. *prodire*. p. 16. lin. 14. pro *Historiis* lege *Historiis*. p. ead. lin. 25. pro *facto* lege *facto*. p. 17. lin. 1. deleantur hæc verba, *omnino civibus nostris*. p. 24. lin. 8. pro *Mausoleo* lege *Mausoleo*. p. 28. lin. 12. & 20. pro *Mausoleum* lege *Mausoleum*. p. 29. lin. 11. dele particulam *et*. p. ead. lin. 24. post vocem *Liberus* intersere vocem *Filii*. p. 33. lin. 15. pro *nomen* lege *nomen*. p. 39. lin. 3. pro *recta* lege *recte*. p. 50. lin. 25. pro *elucescit*, lege *elucet*. p. 51. lin. 1. pro *Qui* lege *Quo* pro *sic* lege *sic*. p. 55. lin. 1. post verbum *commemorari*, intersere ista, *et Seneca*. p. ead. lin. 14. pro *linguam* lege *linguam*. pag. 60. l. 29. pro *ano-* *scit* lege *agnoscit*. p. 80. l. 1. pro *tropologiam* lege *tropologiam*, p. 100. lin. 21. pro *optima* lege *optime*. p. 101. lin. 10. pro *hæc* lege *hæc*. p. 111. lin. 11. post verba *epistolis* *sim postulat* adde hæc, *frustra notatur Budæp. Comm. Græc. Lingua, p. m. Gr. n. 30*. p. 118. lin. 27. pro *illæ* lege *illæ*. p. 125. lin. 7. pro *ventosum* lege *ventosam*. p. 126. lin. 3. pro *peregrinita* lege *peregrinitas*. p. 139. lin. 16. pro *hoc* lege *hec*. p. 143. lin. 14. pro *præstantium* lege *præstantiam*. p. 144. lin. 13. pro *potest* lege *possit*. p. 147. lin. 19. dele vocem *condum*. paginæ 148. 149. 150. 151. non recte notatæ. pag. 155. lin. 1. pro *Salmodensis* lege *Salmonensis*. p. 170. lin. 24. pro *pbrates* lege *pbrates*. p. ead. lin. 25. pro *verum* lege *tamen*. p. ead. lin. 26. pro *semperandum* lege *temperandum*. p. 172. lin. 8. post vocem *collant* adde: *seriasis eodem modo vox successus, a, um, usurpata fuit, quo de seipso, a, um*. p. 178. lin. 2. pro *referuimus* lege *referuimus*. p. 184. lin. 13. pro *superasse* lege *superesse*.



Errata & Addenda.

Pag. 11. lin. 10. pro *prodierunt* leg. *prodiit*. p. 16. lin. 24. pro *Hystoria* lege *Historia*. p. ead. lin. 25. pro *facto* lege *facto*. p. 17. lin. 1. deleantur hæc verba, *omnino civibus nostris*. p. 24. lin. 8. pro *Mausoleo* lege *Mausolæ*. p. 28. lin. 12. & 20. pro *Mausoleum* lege *Mausolam*. p. 19. lin. 11. dele particulam *et*. p. ead. lin. 24. post vocem *Liberus* intersere vocem *Filiæ*. p. 33. lin. 15. pro *nomen* lege *nomen*. p. 39. lin. 3. pro *reâ* lege *recte*. p. 50. lin. 25. pro *elucet*, lege *elucet*. p. 51. lin. 1. pro *Qui* lege *Quo* pro *sic* lege *sic*. p. 55. lin. 1. post verbum *commemorari*, intersere ista, *et Seneca*. p. ead. lin. 14. pro *lingua* lege *lingua*. pag. 60. l. 29. pro *an-*
no lege *agnosci*. p. 80. l. 1. pro *tropologiam* lege *tropologiam*.
p. 100. lin. 21. pro *optima* lege *optimè*. p. 101. lin. 14. pro *hæc* lege *hæc*. p. 111. lin. 11. post verba *epistolis*
que postumæ adde hæc, *frustra notantur Budæo Comm. Græc. Lingua*.
p. m. 65. n. 30. p. 118. lin. 27. pro *illi* lege *illis*. p. 125. lin. 7. pro *ventosum* lege *ventosam*. p. 126. lin. 3. pro *peregrinitate* lege
peregrinitat. p. 139. lin. 16. pro *hoc* lege *hæc*. p. 143. lin. 14. pro
prestantium lege *prestantium*. p. 144. lin. 18. pro *potest* lege *possit*.
p. 147. lin. 19. dele vocem *condum*. paginæ 148. 149. 150. 151. non
recte notatæ. pag. 155. lin. 1. pro *Salmodenſis* lege *Sulmonenſis* p.
170. lin. 24. pro *phrases* lege *phrases*. p. ead. lin. 25. pro *verum*
lege *tamen*. p. ead. lin. 26. pro *semperandum* lege *temperandum*.
p. 172. lin. 8. post vocem *codant*, adde: *scripsit eodem modo vox*
successus, a, um, usurpet, a, um, quo desectus, a, um. p. 173. lin.
8. pro *reservamus* lege *reservamus*. p. 184. lin. 18. pro *superasse*
lege *superesse*.



Errata & Addenda.

Pag. 11. lin. 10. pro *prodierunt* leg. *prodiit*. p. 16. lin. 24. pro *Historiis* lege *Historiis*. p. ead. lin. 25. pro *sado* lege *sado*. p. 17. lin. 1. deleantur hæc verba, *omnino civibus nostris*. p. 24. lin. 8. pro *Mausoleo* lege *Mausoleo*. p. 28. lin. 12. & 20. pro *Mausoleum* lege *Mausoleum*. p. 19. lin. 11. dele particulam *et*. p. ead. lin. 24. post vocem *Liberus* intersere vocem *Filiæ*. p. 33. lin. 15. pro *nomen* lege *nomen*. p. 39. lin. 3. pro *recta* lege *recte*. p. 50. lin. 25. pro *cluescit*, lege *clucet*. p. 51. lin. 1. pro *Qui* lege *Quo* pro *sic* lege *sic*. p. 55. lin. 1. post verbum *commemorat*, intersere ita, & *Seneca*. p. ead. lin. 14. pro *linguam* lege *linguam*. pag. 60. l. 29. pro *anoscit* lege *agnoscit*. p. 80. l. 1. pro *tropologiam* lege *tropologiam*. p. 100. lin. 21. pro *optima* lege *optime*. p. 101. lin. 10. pro *hæc* lege *hæc*. p. 111. lin. 11. post verba *epistolis* *in* postumum adde hæc: *frustra notatur Budæ Comm. Græc. Lingua*. p. m. 65. n. 30. p. 118. lin. 27. pro *illi* lege *illis*. p. 125. lin. 7. pro *ventosum* lege *ventosam*. p. 126. lin. 3. pro *peregrinitas* lege *peregrinitas*. p. 139. lin. 16. pro *hoc* lege *hec*. p. 143. lin. 14. pro *prestantium* lege *prestantiam*. p. 144. lin. 13. pro *potest* lege *possit*. p. 147. lin. 19. dele vocem *condum*. paginæ 148. 149. 150. 151. non recte notatz. pag. 155. lin. 1. pro *Salmodenſis* lege *Sulmonenſis*. p. 170. lin. 24. pro *pbrates* lege *pbrates*. p. ead. lin. 25. pro *verum* lege *tamen*. p. ead. lin. 26. pro *semperandum* lege *temperandum*. p. 172. lin. 8. post vocem *collant* adde: *ſcriptis eodem modo vox ſucceſſus, a, um, uſurpet, a ſue, quo deſectus, a, um*. p. 178. lin. 8. pro *reſervamus* lege *reſervamus*. p. 184. lin. 13. pro *ſuperaffe* lege *ſuperſe*.